

ICISHIBILO

 Kuti mwaikalako. Mwashibukeni, bonse! Ndi uwansansa ukuba mukulongana kwakwa Shikulu muno lucelo, ukubwela nakabili pa... Tatwaishibe nga cakutila twali nokubwela nangula iyo, lelo Shikulu alipangile inshila, kabilis natubwela mukulongana ileelo. Nomba tule enekela ukukwata inshita iikalamba ileelo muno lucelo, muli lino isambililo lye sukulu lyapa Mulungu, mu Cebo. Kibili munshita yabushiku kwalaba ukulongana kwakundapa nakabili, nokukonkanyapo ukulongana kwamulalilo.

² Kibili nomba natukwata uku—ukubika kwa mwana, Nincetekela uku... Munyina Neville acilanjebafye ukuti kuli umuntu umo uukwete ukubika umwana wabo. Kibili nga cakuti sera baleta umwana pali ino nshita, nomba. Kibili munyina wesu alashala, nangu bambo pali sera, pacinanda nangu pacinanda, umo. Kibili nomba nabalete umwana pano pamuulu. Twalakwata umulimo wakubika umwana; pakutila nomba tutampe, mukwangufyanya ngefyo twingacita, ku Cebo.

³ Pantu, tulefwaya ukubika uku—ukubika ico ku Cebo. Ico—ico ecintu icikalamba, ukupela inshita yesu bwino bwinofye ku Cebo cakwa Shikulu. Eico tuletotela panshita iyakukumana naimwe bonse pamo pano ileelo, kibili no... kibili muno—muno mukulongana.

⁴ Limbi nindufyanya. Ico cilifye icalungama, nkashi. Ine—Ine—Ine nacitontonkanya ukuti kuli. Limbi cena cilubofye. Cisuma. Nomba, Ndemitotela, apakalamba nganshi, mumusango umowine. Lekeni ici, Ndetontonkanya cena cishile ukupitila mu muntu umo umbi, ukupitila mu muntu umo umbi, kibili cena nacipanga cena ukuba umusango uwakosa.

⁵ Nomba umuntu onse aleumfwa bwino? [Ulukuta lwatila, “Ameni.”—Kale.]...?... Ukutotela kube kuli Lesa!

⁶ [Munyina Neville atila, “Ena aisa nabena pamo pano pamuulu.”—Kale.] Nomba, oh, ee, aba abanono baisa. Munjeleleko. Ine. Nacilungama, kuti mwaissa, mwebakalamba? [“Ee, mukwai.”]

⁷ Ukuba, banga babili, abakashana abanono abasuma, abakashana namenso yabo-ayacinya muti! Huh? Abo abayemba. Ishina lyakwe ni nani? Lolesha kuno! [Banyina batila ni, “Jennifer Lee.”—Kale.] Jenny? [“Jennifer Lee.”] Jennifer Lee. Ishina lyakushalikisha ni lisa? [“Serept.”] Serept. Nikwissa wafuma, Nkashi Lee? [“Versailles, Illinois.”] Versailles, Illinois. Ifyo cawama!

⁸ Nomba, mu Baibele. Nomba, ilingi line, bena—bena tamwaba ico icakubatisha abana; ifwe tatubatisha abana, pantu bena tabalati ukuba mulubembu, pantu bena baice nganshi. Lelo twacetekela mukubika abana kuli Shikulu. Nomba umukalamba Naine twalabika amaboko pali uyu umwana umunono. Jenny, efyo wacilanda? [Munyina Neville atila, “Jennifer.”—Kale.] Jennifer. Nacilungama.

Natukontamike imitwe yesu.

⁹ Taata mweba mu Myuulu, nga muno lucelo twaleta uyu umukashana munono, uwitwa Jennifer, kuli Imwe, nyina naba temwikwa nabaleta ena ukufuma ukutali, ukwisa bikwa kuli Shikulu. Ifwe natwishiba ukutila Imwe mwabikile amaboko Yenu pabana abanono ngoyu, munshiku Shenu, kabilikabili mwatile, “Lekeni abana abanono bese kuli Ine, kabilimwibalesha iyo, pantu ubwaba ifi e Bufumu bwamu Muulu.” Nomba twamupela kuli Imwe, ukubombela imwe mu mweo wakwe onse, mwi Shina lyakwa Yesu Krsitu. Ameni.

¹⁰ Lishina nshi ilya mukashana umbi? [Ba nyina batila, “Connie Lynn.”—Kale.] Connie Lynn. Cisuma, wemunono Connie, wanenga, wanenga ine ukumfwa uwacepa. Oh, iwe uli nomwenso? Oh, Ndetina ico teti cibombe, ba mayo. Cisuma.

Natukontamike imitwe yesu.

¹¹ Shikulu Yesu, ba nyina baleta uyu umunono Connie kuli ifwe muno lucelo, mu mulimo wakumubika ku Wamaka yonse. Imwe mwamupela uyu mwana, ukumukusha, kabiliena amuleta kuli Imwe, pano na nkashi yakwe umunono. Naapepa, Taata mweba mu Myuulu, ukuti Mwalaba abaluse. Paaleni ulupwa. Paaleni umukashana munono. Ilyo twabika amaboko yesu pali ena, mwi Shina lyakwa Yesu Kristu, twabika ena kuli Imwe umweo wakwe onse mukumbombela. Ameni.

Lesa amipaale, kabilinabana benu abanono kulya.

Owe, natukwata abengi abana abanono!

¹² Lishina nshi lya uyu umulumento umunono? [Ba nyina batila, “Joel Lee Watson.”—Kale.] Joel Watson. [“Joel Lee.”] Joel Lee Watson. We mulumento umusuma, na menso ayakalamba ayamakumbi! Owe! Bonse nikwisa mufumine? [“Eastman, Georgia.”] Ukufuma ku Georgia. [“Um-hum.”] Ine nacila tontonkanya mufumine ku Masamba. Nshacishiba...[“Ukuba, ing’anda yesu yaba kulya ku Tifton. Yena yaba kwi samba kulya.”] Oh, ee. Oh, mulishani! Uyu musuma, umunono umulumento waku Georgia, nomba, huh? Cisuma, mukwai. Ee, mukwai, ico cili bwino nganshi. Ena kuti alanda, pamo. Bushe tekuti?

Natukontamike imitwe yesu.

¹³ Taata mweba mu Myuulu, twaleta uyu umutemwikwa umulumento munono, ilyo banyina naba wishi baiminina

pano uku—ukukonka mukwampana kwabo pamo. Imwe mwaliabapela uyu umulumento munono ukumukusha, kabili bena bamubwesesa kuli Imwe. Wecimonwa ici—icisuma ifyo ici caba, kwati ni Anna, uwakale, uwapepele ukufwaya umwana; kabili—kabili Lesa amupele umwana ena, kabili amubweseshes kuli imwe mwi tempele lyakwa Lesa, mukumubika. Fikilisheni, Shikulu, ukuti uyu umulumento munono ali nokuba umubomfi Wenu, ukutila ba wishi naba nyina babe abapaalwa, kabili bakwate ubumi namaka ayakumukushishamo. Kabili lekeni engekala inshiku ishingi, ubwikashi bwa nsansa, kabili nokuba umubomfi Wenu, ilyo twabika ena kuli Imwe, mwi Shina lyakwa Yesu Kristu. Ameni. (Amipaale!) Mukamulenge ukuba umuntu umusuma, limbi kasesema umbi umunono kwati Samuele.

¹⁴ Nomba pano pali abalumento abanono babili. Owe! Bonse batatu, nomba? Ukuba, bena lupwa lonse. Ishina lyobe niwe nani? [Umulumento atila, “Mikaeli.”—Kale.] Mikaeli. Kabili naiwe ilyobe niwe nani? [Umulumento umbi atila, “Paulo.”] Paulo. Wemashina we ayasuma! Naiwe ilyobe? [Umukashana atila, “Debbie.”] Debra. Ico cili bwino nganshi. Mikaeli, Paulo, na Debra. Ishina lyobe ilyakushalikisha niwe nani? [Bawishi batila, “Ellis.”] Ellis? [“Ee.”] Ukuba, ulo lupwa ulwamaka ulunono ulusuma, Ndemweba.

¹⁵ Namwishiba, ilyo Namona abanono abantu mu musango uyo, cena Lyonse cimbwesesa kunuma lintu Nali umulumento umunono. Kabili nomba insoselo yakale itila, namwishiba, “Bakunyanta pamakasa yobe ileelo, kabili bakakunyanta pamutma limbi,” lelo Nshilecetekela cili nokuba ifyo lintu twabika bena kuli Shikulu. Natukwata umushingamo pano, kabili Lesa abika ici mukuboko kobe. Ena alipanga kashimikila ukufuma muli iwe. Lyonse ndalandanda palwa banakashi ukuba bakashimikila, namwishiba, lelo nyina onse nikashimikila; pano ulu elukuta lwakwe, mwamona, ukukusha aba bantu abanono bwino, ilyo bataata balebomba. Kabili mwalikwata umushingamo. Lesa amupaale bonse babili. Imwe mwalikwata ulunono ulupwa ulusuma.

¹⁶ Mwe Taata wesu uwa mu Myuulu, twaisa nomunono Mikaeli, alemoneka kwati ebeli. Kabili twabika amaboko yesu pali ena, mukumubika, kuli Yesu Kristu. Ulupwa lwakwe lulekusha abanono babo pantu Imwe mwabika ici mukusakamana kwabo—kwabo, kabili balishiba ukuti bena teti bafikepo ukwabula ubwafwilisho Bwenu, eico bena baleta ulupwa lwabo ulunono, ukubabika bena.

¹⁷ Nomba Napela umunono Mikaeli kuli Imwe, umweo wakwe onse mukubombela iwe, mwi Shina lyakwa Yesu Kristu. Ngefyo fine, twabika amaboko yesu pa munono Paulo, kabili twabika umweo wakwe kuli Yesu Kristu, ukubika umweo wakwe onse ukubombela imwe ku bukata bakwa Lesa. Kabili pamunono Debra, twabika amaboko yesu pali ena, Taata, mukumubika,

mukupela umucinshi kuli Yesu Kristu, Uyo uwabikile ukuboko Kwakwe pabana abanono, nokutila, “Lekeni bena bese kuli Ine; mwibalesha bena ukwisa.” Lekeni umweo wauyu umukashana munono ube uwopalwa mu Bufumu bwakwa Lesa.

¹⁸ Paalen ba wishi naba nyina, nekeni babe no mweo, ukwikala imyeo yabo iitali iyansansa, ukumona abana babo ukuba mukubombela Lesa. Twaipusha aya amapaalo mubukata bwakwa Lesa, ilyo twabika bena mwi Shina lyakwa Yesu Kristu. Ameni.

Apaale imwe! Apaale imwe! Imwe muli lupwa ulunono ulusuma. Ee.

¹⁹ Weca...Imwe namwishiba ico Ndetontonkanya? Mwebakashana abanono pokeleleni, cili icawamisha nomba ukucila lintu Nali umunono umulumendo. Ee, mukwai. We menso ayakalamba ayasuma! Ishina lyakwe ninani? [Ba nyina batila ni, “Joanna.”—Kale.] Joanna. Kibili ne shina lyobe ilyakulekelesha niwe...[Ba wishi batila, “Blair.”] Blair, Joanna Blair. Imwe mwebaleolesha kunuma uko, bushe ena tecilubi? Ee, mukwai. Kibili ulishani, Joanna, huh? Umunono uwansonni palwakwe umwine, uh-huh, umunono uwansonni. Umuntu umunono umusuma.

Natukontamike imitwe yesu.

²⁰ Taata Wesu uwa mu Myuulu, ulu ulupwa ulwakwa Blair balikwa ici icabupe mukufuma mukwampa kwabo, uyu umunono Joanna. Kibili natwishiba ukuti inshiku shili ishabipa, ilyo Satana ali pamuntu onse, ukucululusha, sana sana aba abakashana abanono. Kibili bena nabeshiba ukutila tabali abafikapo uku—ukumukusha ukuba uwalungama. Kibili bena balefwaya ena ukukula uwalungama, kibili no—nokuba umubomfi kuli Imwe. Kibili balekusha uyu umukashana munono ukucindika Imwe. Kibili nomba bamuleta, mukumubika, kuli Imwe. Twabika amaboko yesu pali ena, mwi Shina lyakwa Yesu Kristu, ilyo twabika umunono Joanna Blair mu Bufumu bwakwa Lesa, kubukata bwakwa Lesa. Ameni.

Apale imwe, Munyina Blair. Shikulu Abe pamo naimwe.

²¹ Mwashibukeni, mukwai! [Ba wishi batila, “Enjita mukwai!”—Kale.] Wemulumento ubusuma! Iwe, ulishani? Ukuba, owe, ulemoneka bwino nga cakutila wapilibuka muli *iyi* nshila. Ee, mukwai. Walikwata, uusuma uwayemba, umutwe uunono, kibili nempumi pamo. Huh? Ishina lyakwe ninani? [“Daniel Mark.”] Daniel Mark. Kibili nge lyakushalikisha? [“Mark Kardum.”] Hardum. [“Kardum.”] Kardum, Daniel Mark Kardum.

²² Wafuma kuno, Munyina Kardum? [Munyina Kardum atila, “Nomba, mumusumba wa Melkerk.”—Kale.] Ee, mukwai.

Nikwisa wafuma? [“Ine mukubalilapo nafuma mu New York State.”] New York State, uli Yankee, nacilungama. [“Ee.”] Ukuba, calo icikalamba. Nalikwata abantu abekala mulya. Ba yama balekala mu Plattsburgh. Oh, Nalikwata inshita iisuma mu New York. Ndinokuya kulya mukulongana kwandi ukuli noku konkapo, mulya mu Musumba wa New York, Ku Stone Church kulya. Nacilungama.

²³ Nomba, ishina lyakwe ni Marko, efyo mwalandanda? [Ba wishi batila ni, “Daniele Marko.”—Kale.] Daniele Marko, we mulumendo umunono umusuma we!

Natukontamike imitwe yesu.

²⁴ Shikulu Yesu, twaleta kuli Imwe umunono Daniele Marko, mukubika umweo wakwe. Ena apelwa mu maboko ya bawishi na banyina, ukukusha yuu umwana mukukanshiwa kwa kwa Lesa. Kibili bena balishiba ukuti tabalinga, eico bena bamuleta ena kuli Imwe, Shikulu, ukuti Imwe mupale umweo wakwe. Kibili, nomba, kibili twalishiba ukutila inshiku nashibipa, isho tuleikalamo. Twamona aba bantu banono, ifwe tatwishibefye ifyo ubushiku bwa mailo bukwete, lelo, conse ifyo cili, twacetekela twababika mukuboko Kwenu. Twabika amaboko pali yuu mulumendo umunono, nokubika umweo wakwe kuli Imwe, kukubombela imwe mu mweo wakwe onse mu Bufumu bwakwa Lesa, mwi Shina lyakwa Yesu twapepa. Ameni.

²⁵ Lesa amipaale ime, munyina. Ena mulumendo umusuma. Kibili apele iwe, we munono Marko.

Oh...baleteni mukati, baleteni mukati,
Baleteni bena mukati ukubafumya mumabala
ya lubembu;
Oh, baleteni mukati, baleteni mukati,
Baleteni abanono kuli Yesu.

Ico naciwamisha! Twatotela, nkashi.

²⁶ Nibanga abali pano pa Mulungu, abapepelweko pabushiku bwapa Mulungu wafumineko, abaleumfwa ifyafuminemo kibili abaleumfwa ukundapwa? Imyeniko amaboko yenu, balya abapepelweko. Oh, ine, lolesheni pano, mupepi na bonseye.

²⁷ [Munyina Neville atila, “Alleluya! Ico bushe taciweme! Lesa Alumbaniwe! Ndomfwa ukufuma kuli cena, umulungu onse.”—Kale.] Ee, mukwai. Naine, pamo. Ndefwayafye ukulaikala, nokulakutika, mwamona.

²⁸ Mwamona, icintu cimo cilecitika, ico Nalamwebapo ku ntanshi, inshita imo, mwamona, cena—cena cabukata kibili icawamisha. Kibili nga cakutila twa... Tuli nokulandapo palwa ico, mukulongana kumbi, namwishiba, inshita imo. Cena elyo ciletampafye ukucitika, kibili tuletotela apakalamba pali ico.

²⁹ Kibili Nali mulya mu Kentucky, nga fintu Ncita cila mwaka, ukuya mulya mwine. Nali pamo nabacibusa wandi bambo mulya

mwine. Kibili tacali cena capamo ukulunga utupale, kibili naimwe namwishiba ico, mwamona.

³⁰ Eico twalekwatafyе inshita yabukata, kibili tuletotela kuli Shikulu!

³¹ Ine mfwile naya nomba, ukuya ku ng'anda panuma yakuno kulongana. Kibili nomba, kibili ifwe tuli... Nomba Nkesa bwela nokupitamo nakabili, panuma yakashita, pakukuya ku New York ku kulongana. Kibili nga tukakwata inshita yakwimininako panono, mulandu nshi, tu—tukaba abansansa ukukwata ukulongana na kumbi pano pe hema.

³² Kibili nomba Nkabwela kuno, nkaye ku Shreveport. Kibili nomba tukabwelelemo ku ng'anda, kibili tukeminine pakuba pano ukupita muli bacuti, Shikulu nga atemwa, ukubwesha ulupwa. Kibili nomba—kibili nomba Ndefwaya uku...

³³ Nomba ukulongana kwandi kukaba mulya mu Phoenix, mu Kabengele kanono. Kwena kukaba kulongana kwa pampela ya mwaka ukwa bena Kristu ba Shimakwebo Abaume. Kibili cikaba limbi umulungu umo nangu inshiku ikumi limo ilyo ico tacilabako, Nkessha uku—ukusonkela cilya icikalamba... Abantu abe Shina lya kwa Kristu; cena cali icakwa Munyina Garcia, kibili mu—munyina umu Spanish kulya alikwata iisuma, incende iikalamba kulya. Bena elyo baikulilefyenya. Mwena mukekala amakana ya bantu abengi, cipyा, kibili ulukuta lwabo lunono nganshi. Banjebele ukutila kuti Nasonkela cena pansiita yonse Ndefwaya. Mucifulo cakubulafye i—icifulo ne cifulo, ukuyafye ukupita mu mukonko, i chalichi ne chalichi, Ndetontonkanya ukutila Nkabikafye kumo ukulongana kumo ukukalamba, mwamona, kibili nomba ukukwatila kwena kulya.

³⁴ Kibili nomba tuli nokusonkela itempele. Tuli nomba nokufwailisha nga cakutila kuti twacita ico, no kukwata Umusonkano wa bena Kristu bashi Makwebo Baume. Nomba, mpaka ifyakwabuka ba bembu fikololoke bwino, tuli nokwesha ukubika ifya milonganine ukuya ukupita ku Masamba, ukuba mu Kabengele kanono, na mu Kabengele kakalamba, namuli Kutumpu, ukufika na Southlands. Kibili nomba—nomba ukuya... pantu, nga cakutila twatampa nomba kuti twaya namu Africa... Mwamona, muli ino nshita ya Chiminshi minshi, kuli bena, nipa folo mu Cikungulu pepo. Mwamona, yena—yena ilaloka kibili kulabipa, kibili tekuti tuyemo muli ilya nshita, eico inshita iisuma iyakuyamo nikuntanshiko. Kibili tuli nokutampila nga kuti twacita, mu Norway, kibili nokubwela ukupita mwi sonde, nokuya bomba mu Africa, ukufika ku mpela ya mulimo mulya mwine, Shikulu nga atemwa.

³⁵ Lelo mutupepeleko nomba. Twali mitema, nokwishiba mwalishiba ico. Eico tuleenekela ukucilapo mubwingi,

ukucilapo muli fyonse ifyo twingacita, nangufye uku tontonkanya pafyo Shikulu engacita.

³⁶ Kibili tulecetekela, munshita ya bushiku, kuleba umulimo ukalamba uwa bundapishi. Nincetekela kwalaba ifyo u... Nshalande lelo nipanonofye, pantu tulekwata umulalilo munshita ya bushiku. Kibili eico cilebafye ba mineti amakumi yabili nangu amakumi yatatu, nomba tuleisa kwata amapepo yamu mulongo, kibili—kibili palya penefye panuma ya ico, twalaisa kwata—kwata umulalilo. Kibili muli abapokelelwa ukuba pamo naifwe; tuleba abansansa. Tatwakwate umulalilo wakwisalako. Wena wakuli onse uwacetekela, uwacetekela onse.

³⁷ Kibili ilyo Nshilabelenga Amalembo, Ndefwaya tukontamikeko imitwe yesu pakashita akanono. Ndefwaya cibusa wandi umusuma, Munyina Lee Vayle, nga cakuti kuti atutungululako mwipepo, ukutila Lesa apale i Cebo Cakwe. Munyina Vayle, kuti mwacita ico kuli ifwe?

[Munyina Lee Vayle nomba apepa—Kale.] Ameni. Fikilisheni ico, Shikulu. Fikilisheni ico, Shikulu. Fikilisheni ico, Shikulu. Ee, Shikulu. Ameni.

³⁸ Nomba mukuposako amano, mucinshi mucinshi twapalamina ku Cebo. Nomba Ndefwaya ukubelenga, muno lucelo, ukufuma mu Kufuma chapitala 12, nokutampila pa versi 12, ama versi 12 na 13, yonse. Kibili kutikeni mumfwikishe nomba. Kibili ilyo tatulawkata umulalilo munshita ya bushiku, tubelenge chapitala 12 iya—iya mu Kufuma, chapitala yonse; pa versi 11 pano epa kwipekanya kwa bulendo bwesu, kibili umulalilo ilyo ubulendo tabulatampako. Kibili tulefwaya ukupalamina kuli ici mucinshi mucinshi nomba. Nomba i versi lyamchapitala 12:

Pantu Ndepita mu calo ca Egypto muno nshita ya bushiku, kibili ndeipaya amabeli yonse mu calo ca Egypto, fyonse fibili umuntu ne nama; kibili nakuli tonse tu lesa twamu Egypto Ndecita ubupingushi: Nine SHIKULU.

Kibili umulopa uleba kuli icishibilo pa ng'anda intu mwikalamo: kibili lintu Namona umulopa, Nde mucilila, kibili icikuko tacabe pali imwe kuku mwipaya, lintu Ndepuma icalo ca Egypto.

³⁹ Lekeni Shikulu apaale i Cebo Cakwe ica Mushilo!

⁴⁰ Nomba Ndefwaya ukubula isambililo ukufuma mulya, ilinono limo ilya filembo-ikumi: *Icishibilo*. Icishibilo. Ndefwaya ukulanda pe shiwi, nangu ukufunda muli lino isambililo lya mwi sukuulu lyapa Mulungu, pe shiwi lya *cishibilo*. Baibebe Yalilanda pano ukutila, “Kibili umulopa ukuba icishibilo kuli imwe.” Kibili tulefwaya ukubomfyia ishiwi *icishibilo*.

⁴¹ Nomba tatwishibe, lintu Namona inkoloko, kibili lintu yena yafika, ukuba, ifi fili...Ninkwata, Amalembo ayengi ayalembelwe pano. Eico tepo...Kibili ukwishiha ukuti Nshili nokuba pamo naimwe pakashita akanono. Kibili kuti twaishiba shani ukuti iyi tenshita yakushalikisha iyo ifwe bamo tulemonana capamo? Eico lekeni tweshe ukupalamina kuli Lyena ukubafye abamucinshi. Ine ninjishiba ukuti cena ico nacikosa. Shikulu Natupela ulucelo lusuma nomba, capamo—capamo, pa kulongana, ukusumafye. Kibili natweshe ukuiipelesha nomba pa cintu conse ico—ico tulelandapo, pakuti ci...nga cakutila mulimo cimo mulya ico Shikulu alefwaya imwe ukwishiha, ukuti cena cipelwe kuli imwe.

⁴² Kibili tatwiminina pano ukuti batumone. Ifwe tatwisa pano ukutifye bambi bamone ifyakufwala tufwele, Nangu, Ifwe—ifwe twisa kuno pa cintu cimo, nga fintu munyina acipepa lilya ipopo, “Tuli pano ukwisa umfwa i Cebo, i Cebo ukwisa kuli ifwe.” Tulefwaya Ico, pantu ico ecintu cimofye ico icikwete ubupilibulo kuli ifwe, icintu cimo icikalamba nganshi, icintu cimo ico cili—ico icili nokutwafwilisha.

⁴³ Kibili tuli bantu abakufwa. Bonse abantunse baya ukulungama ku Muyayaya. Kibili nomba natukwata inshita iikulu iya kupanga ubusal bwesu pali ubo bwine epali inshila iyo tufwile ukuyamo. Kibili no musebo uuli ku cinso cesu; kuti twabula ulubali lonse ulo tulefwaya ukusala. Iyo ine enshila Ena abikilemo Adamu na Efa, kibili enshila Alebikamo na ifwe.

⁴⁴ Tufwile twaibukisha, ukuti te mulandu neco twingacita, nangu ifyo twingaba abalunduluka, mu bwikashi, ukwabula Kristu ninshi ifwe mukupwililika natulufya ifintu fyonse. Eico nga cakuti Ena, panuma...Nga cakuti Ena ewaba nafyonse ifyo tufwaya, nomba ifwe kuti twaba abantu abacilamo ukuba impelwamano pakukana pokelela Cena, ukuba, no—nokusakamana Cena. Tekukana cipokelela Cena, lelo iwe ukwisa ku cintu cimo icikalamba ukucila ico. Panuma iwe wakwata Ico, taufwile ukubula Ico nokucibika Cena pa shelufu. Cena cifwile ukulabomba.

⁴⁵ Kwati kuya kuli dokota mukupoka umuti, kibili nomba waubika pa shelufu. Nga cakuti iwe wayapoka umuti, ufwile wanwa ulya umuti. Nga cakuti kuli ubulwele bulekusakamika iwe, kibili ubu ubwafwilisho bufwile bwaafwilisha iwe, iwe ufwile wanwa ifyo ena akupela; kibili nomusango akwebelamo ukucita ico, pantu inshita imo pa maminetifye ayanono palaba ubulekano ubukalamba munshila wacipecelamo cena. Kibili nefyo twaishiba... .

⁴⁶ Lelo muli iyi nshila, ileelo, inshitafye imo iyabusalo bobo kuti yaleta ubwikashi bobo ubwa Muyayaya. Cisendefye Cena nga fintu Acipela Ico kuli iwe.

Icishibilo, “Umulopa uuli nokuba icishibilo kuli iwe.”

⁴⁷ Nomba ico nicinshi, mukubalilapo, icishibili? Lyena lishiwi ilyo ilyaseka ukubomfeshiwa pakati ka bantu balanda-Icisungu, saana saana muno mu America. Icishibili ni... Icine cine, dikishonale yalande ukuti icishibili cakumwenako, cena cakumwenako ca mutengo, umutengo ulipilwe, mwamona; ukutila u—umutengo, nangu umutengo, umutengo ulekabilwa ukulipilwa.

⁴⁸ Kwati mutengo we shitima lyapa nyanji nangu umutengo wa sacha. Iwe kwingilamo nokushita i—i tiketi lyobe, kibili nomba bakupela icishibili, kibili ilyo tiketi tekuti libombe ku cintu cimbi lelo nikwi shitimafye lyapa nyanji epela. Kibili lyena e cishibili, ku kampani kama shitima, ukutila iwe naulipila umutengo obe. Cena cishibili, teti ucibomfy pacintu cimbi. Cena tacibomba mnshila imbi. Cena cibombafye munshila ilya ine epela. Kibili cena—cena cishibili.

⁴⁹ Nomba pano, paco tulelandapo, apa twatampila, ni Lesa alelanda kuli Israeli, “Umulopa wa mpaanga ecishibili kuli imwe.” Ni mpaanga yakwa Israeli, iyaipaiwa, cali cishibili icalefaikwa icakwa Yehovah. Cena cifwile caba mulopa. Lesa apangile icishibili nokucipela kuli Israeli. Kibili takuli icishibili cimbi icinga bomba, mwamona, cena teti cishibikwe.

⁵⁰ Kwisonde, Lyena libumba lyafya buwelewele. Lelo, kuli Lesa, Yena enshilafye imo. Icintu cimo ico Ena afwaya nicilya Icishibili. Cifwile cabapo. Kibili iwe teti ukwate Icishibili mpaka umutengo walipilwa, nomba iwe waba ninshi niwe kekata wa Cishibili ico icipela iwe insa—insambu shakupita. “Nga namona u Mulopa, Nkacilila pali imwe.” We nshita we, iyo, we nsambu we, ukwishesha ukutila walibikamo, mukati konse, Icakupitlapo. “Lintu Namona u Mulopa, Ndi nokucilila imwe.” Ecintufye cimo ico Ena ali nokwishesha. Tapali cimbi icinga bula icifulo Caciko; nangu ukupyanishapo, tapali icilonganino, tapali icintu cimbi. Cena cisendafye Ico. Lesa atile, “Ico ceka eco Ndi nokumona.”

⁵¹ Temulandu nobulungami ubo bali, ubusuma ubo bali, masambililo yanga ayo bakwete, musango nshi bafwalilemo, icishibili ecintufye cimo epela. “Lintu Namona icishibili, Ndi nokupitilila pali imwe.” Umulopa ewali icishibili ico—ico icalekabilwa kuli Yehovah calisanglwe, ukuti cena calicitilwe. u Mulopa waiminineko icishibili. u Mulopa ewali icishibili. Mwamona? u Mweo uyo... .

⁵² Lesa alandile ico, “Ubushiku buntu ukalyako, ubo ebushiku ukafwa.” Kibili palya pali icakupyaninapo ica mweo icabulilwe pamulandu wa mweo wawa cetekela. Lesa, mu luse, apokelele icakupyanishapo pa mweo wa muntu uwakowela. Lintu umwana Wakwe aikoweshe umwine palwakwe nolubembu, uwakukana cetekela i Cebo, nomba Lesa, uwafulisha uluse, apangile

icakupyanishapo; kibili, ico cali, icintu cimo cali nokufwa mucifulo caciko. Tapali nangu cimo cimbi icinga bomba.

⁵³ Uyo wine emulandu apa apple nama peaches yakwa Kaini, nefyaba ngefyo, tafyabombele. Cena cali nokuba umweo uwakwete umulopa muli cena, kibili no mweo wafumine mwilambo, kibili nomba umulopa wali eishibilo ico icali ukulanda kwakwa Lesa ukwacitilwe. Nomba, cinshi ico Lesa alekabila? Umweo; kibili no mulopa walangishe ukuti kwali nokuba ubumi ubwfumine. Eico umulopa wali ecishibilo icakuti ubumi bwalipelwe, ukuti icintu cimo califwile, ubufwayo bwakwa Lesa; ukuti ubumi bwalipelwe, kibili nomulopa walisumine. Kibili umulopa waiminineko icishibilo, ukutila ubumi bwalifuminemo. Umulopa wanama untu Lesa alandile ufwile wabulwa, umulopa waiminineko icishibilo. Mwamona?

⁵⁴ Kapepa u—u—uwacetekela aleishibikilwa pamo ne lambo lyakwe, ukupitila mucishibilo. Nshilefwaya ukwikala inshita ntali pali ifi ifyakwambula ifinono, lelo, ico eco mwingsabula mukulongana konse pali cimo pali fyena, lelo Ndefwaya ukwiminina apa pakashita ukulondolola ico. U—u—uwacetekela ali nokwishibikilwa pamo ne lambo lyakwe. Mwamona? Nga cakuti cena califye lilambo kibili—kibili ilyapangilwe kumo kulya, ena apele ico; lelo ali nokwishibikilwa muli ico. Mucishinka, ali nokubika amaboko pali lyena, mukubalilapo, ukwishibikilwa palwakwe pamo ne lambo lyakwe. Kibili nomba umulopa wabikilwe palya apo ena aiminine pesamba lya mulopa. Umulopa ufwile waba pali ena. Kibili ico ecali icishibilo ico ena aishibikilweko palwakwe, ukusekwa, kibili cashininkishiwe ukuti icakupyanishapo icakaele ecabulile incende yakwe.

⁵⁵ Wecikope we icisuma! Oh, uwalubulwa! Mwamona, ukupingula kusuma kwalisangilwe, kibili nokukabila ukwa bupingushi bwaka Lesa uwamushilo bwali sangilwe. Kibili Lesa atile, “Nomba Ndekabila umweo obe,” kibili nomba, lintu u—u—umweo wabembwike. Nomba icakaele icaku pyanishapo cabulile incende yaciko. Kibili ico cali mulopa wanama; te apo, ipinchi. Ico cali icamukupwililika icabika ulubuto lwansoka pambilibili ku muntu onse, ukutila wena wali mulopa. Kibili uyu umulopa, uushafumine mucisabo, wafumine mucaku pyanishishapo icakaele. Kibili ubumi bwalifuminemo, pamo—pamo, mucifulo cakwe, kibili umulopa ewali icakumwenako ukutila inama yalipaiwe no mulopa walifuminemo.

⁵⁶ Kibili kapepa ukubika umulopa pali ena, calelangisha ukuti ena ali uwaishibikwa mubulubulo, pantu ena alishibikwe umwine eka pamo ne...ne lambo, ayampenye umwine kwi lambo, kibili no mulopa waiminineko icishibilo.

⁵⁷ Ifyo—ifyo cawama! We cikope we icaico! Ico cintu icakupashanya icapwililika icakwa Kristu, bwino bwinoofye, uwacetekela ileelo ukwiminina pe samba lya Mulopa

uwasumine, aleishibikwa pamo ne Lambo. Ukubafye icapwililika nge—ngefyo cingaba, icakuti ulya Kristu, ukukana—ukukana ba inama... Imwe mwamona, i—inama yafwile, lelo yena yali...

⁵⁸ Icintu icakaele icikalamba cintu twakwata, Ninsubila, cifwile, u—ukuba inama, i—impaanga. Lintu Lesa alefwaya ukulangisha Yesu Kristu, Amulangishe Ena nge Mpaanga. Kibili lintu Ena alefwaya ukuilangisha umwine pa Lwakwe, Ailangishe Umwine nge cuni, Inkunda. Kibili inkunda eyaba iyakaele apakalamba kabilii iyabusaka pa fyuni fyonse ifyabumi, kabilii i—impaanga eyakaele apakalamba kabilii iyawama panama shonse ishabumi. Eico imwe mulemona lintu i...

⁵⁹ Yesu abatishiwe na Yohane kibili Baibele yatila, “Kibili—kibili ena amwene u Mupashi wakwa Lesa, kwati nge nkunda, ileisa pali Ena.” Eico nga cakutila cali mu... Nga cakutila cali mumbulu, nangu nga cakutila cali ninama imbi, i—imibebe ya nkunda tekuti isakane pamo nemibebe ya mumbulu, nangula tekuti imibebe ya—ya nkunda isakane pamo ne nama imbi lelo kanofye impaanga. Kibili iyo imibebe ibili nga yaishile pamo, nomba yena kuti yaumfwana capamo.

⁶⁰ Nomba bushe mulemona ukumwena libela? Yena yali ni mpaanga lintu yena yaishile palya. Mwamona? Mwamona? I... Yena yali ni mpaanga lintu yena—lintu yena yaletelwe. Yena yali ni mpaanga. Yafyelwe i mpaanga. Yena yakushiwe, i mpaanga. Mwamona?

⁶¹ Kibili, eico, uyo emusango fye uwa Mupashi wa cine uyo uwinka pokelela i Cebo, uyo uwinka pokelela Kristu. Iyashalako imbi ili nokwesha, balyeseshe ukubula Wena, kibili nokubika u Mupashi wakwa Lesa pa mumbulu, mwamona, cakalifye, ukumfwa ububi, ukupilibula. Wena teti wikale palya. Mupashi wa Mushilo Afumapofye nokuya. Ico tekuti cicite ico.

⁶² Nga cakutila i Nkunda yalikile panshi, kibili mucifulo ca Yena ukuba i Mpaanga, nga kwali inama imbi? Yena bwangu bwangu nga Yali fuminepo nokubwelelamo kunuma. Mwamona? Lelo lintu Ena asangile ilya mibebe iyo Ena enga isakanyamo, Yena yalifye Cimo.

⁶³ Kibili nomba i—i—i Nkunda yatungulwile i Mpaanga, kibili, moneni, Yena yatungulwile i Mpaanga kukwipaiwa. Nomba, i Mpaanga yali iyanakila ku Nkunda. Mwamona? Temulandu noku Yena yatungulwile Yena, Yena yalifye iyanakila ukuya.

⁶⁴ Ndesunguka ileelo, lintu Lesa atutungulula ifwe ku—ku mweo wapwililika uwaku cimba nokubombela Ena, Ndesunguka nga cakutila imipashi yesu nomba inshita shimo taiba bucintala, mumusango wakulangisha ico, ndesunguka nga cakuti ifwe tuli mpaanga? Mwamona? Mwamona? Impaanga intu yanakila.

⁶⁵ Impaanga ilaiipela iine bulilambo palwaiko. Yena—yena tai—yena taibula, ukulanda ifyaiko. Iwe kuti waibika palya kibili nokubeya amasako yaiko. Ico ecintufye cimo yena yawkata. Yena tekuti—tekuti ilandepo icintu nangu cimo palwa ico; yena ipelafye ilambo pafintu fyonse yawkata. Iyo e mpaanga. Yena ipela ifintu fyonse kuli... ipela ifintu fyonse fyaya, yena palwaiko nafyonse ifyo yaba.

⁶⁶ Kibili uyo emusango untu umwina Kristu wacine aba, nga cakutila bena... baba palwabo abakuipela ilambo, ukukana sakamanapo icintu nangu cimo pali lino isonde, lelo ukupela fyonse ifyo bakwata kuli Lesa. Mwamona?

⁶⁷ Kibili nomba iyi yali i Mpaanga iyapwililika, efyo Kristu ali. Kibili nomba ukupitila mukusuma kwa iyi mpaanga, i mpaanga yacifyalilwa mu Egypto, umulopa walibikilwe, kibili, lintu wena wali, wena waiminineko icishibili, nomba ninshi cinshi ico u Mulopa uwa iyi Mpaanga waiminineko? Mwamona? I Cishibili icakutila ifwe twalifwa palwesu kibili nokwishibana pamo ne Lambo lyesu. Mwamona? Nomba, i Mpaanga kibili no—kibili no—no Mulopa kibili no muntu fyaishileba ifyaishibana pamo, i Lambo nowa cetekela. Mwamona, iwe waba uwaishibikwa mu mweo obe, ukupitila mwi Lambo lyobe. Ilyo elipanga iwe efyo waba.

⁶⁸ Nomba umulopa wali icishibili, nangu icakumwenako. Umulopa walangishe ulya kapepa ukuti aikeye impaanga, kibili apokelele impaanga, kibili nokubikapo icishibili pali ena umwine, ukutila ena tali ne nsoni. Ena tasakamene pali uyo uwamwene ico. Alefwaya umuntu onse ukucimona, kibili cena cabikilwe mu musango wakutila umuntu onse uwalepita mupepi kuti amona ico icishibili.

⁶⁹ Mwamona, abantu abengi bafwaya ukuba abena Kristu, kibili bena—bena bafwaya ukucitila mubumfisolo pakutila umuntu—umuntu onse engeshiba ukuti bena bena Kristu. Nangu, ifibusia ifyo—ifyo benda nafyo pamo, fimo pali bena kuti fyatontonkanya ukuti, “Ukuba, nomba, lolesheni, Ine—Ine—Ine mfwaya ukuba umwina Kristu, lelo Nshifwaya *Wakuti-nawakuti* ukwishiha palwa ico.” Mwamona? Ukuba, nomba, imwe mwamona, ubo tebwina Kristu.

⁷⁰ Ubwina Kristu bufwile bwalandisha i Cishibili cabuko, mwamona, palwalala, mu bwikashi bwa bantu, kwi ofishi, pa misebo, lintu ubwafya bwaisa, icili conse, mu chalichi, konse ku ncende kumbi. U Mulopa e Cishibili, kibili i Cishibili cifwile cabikwa, mwamona, nangu (tacili ifyo) kibili nangufye icipangano tacibomba.

⁷¹ Umulopa wali icishibili, nangu icakumwenako ukulangisha yuu muntu ukuti alilubulwa. Nomba, ukuba, moneni, balikwete, bena bali abalubulwa ilyo takulaba icintu nangu cimo icacitike. Kucicetekelo babikile umulopa. Mwamona, ilyo cena

mucituntulu tacila citika, umulopa walibikilwe kuci cetekelo, ukucetekela ukuti cena cali nokucitika. Mwamona? Ilyo ico tacilacitika ubukali bwakwa Lesa bwapitile mu calo, umulopa ewali nokubikwa, mukubalilapo. Yena yali ninshita iyapwa panuma yabukali bwaponene.

⁷² Nomba ifwe natukwata isambililo palya ukuti ifwe kuti mucine cine, limbi kuti caletwa kumatontonkanyo yenu, pakashitafye akanono. Lolesheni, *ilyo* tacilacitika, pantu kuli nokwisa inshita ukuti limbi lintu imwe tamwakabe abakubika u Mulopa onse.

⁷³ Impaanga yaipaiwe munshita ya cungulo, panuma yakusungwa pashiku ikumi na shine. Kibili nomba impaanga yalipaiwe kabi nomulopa wabikilwe munshita ya cungulo. Mwaumfwa ico? Icishibilo tacisa mukubapo mpaka munshita ya cungulo.

⁷⁴ Kibili ino nimunshita yamu cungulo iya nkulo intu tuleikalamo. Ino ninshita ya cungulo iya—iya Chalichi. Ino ninshita yamu cungulo kuli ine. Iyi ninshita yamucungulo ku Mbila yandi. Ine ndefwa. Ine ndefuma ukuya, munshita ya cungulo iya Mbila nsuma. Kibili twaisa ukupitila mukulungamikwa, nefyaba ngefyo, lelo ino enshita iyo Icishibilo cifwile cabikwa. Nalimwebele pa bushiku bwapa Mulungu wafumineko ukuti Nalikwete icintu cimo ico Nalefwaya ukulanda kuli imwe palwa ico; ici eici cine. Inshita iyo iwe—iwe teti wangale na Cena pamo. Cifwile cacitwa. Nga cakutila cena cili nokucitwa, cena cifwile cacitwa nomba line. Pantu, tulemona ukuti ubukali buli mupepi nokupita mucalo, kibili nafyonse ifishakabe pe samba lya Cishibilo fili nokufwa. U Mulopa, naukulangisha iwe. Mwamona.

⁷⁵ Pantu, ubumi bwa nama teti bwise pa muntu nse. Lintu umulopa wasumine, ubumi bwafuminemo, ifyo fine, pantu cali icintu cimo. Kibili lintu ubumi bwa mulopa bwafumamo muli cena, ubumi ukuba ubwapusana ukufuma ku mulopa... Nomba, umulopa e cintu icipangwa ku bumi, lelo ubumi cintu cimo icapusana no mulopa, lelo ubumi bwaba *mu* mulopa. Kibili ubumi bwa nama tekuti bubwelele pali kapepa. Ilyo asumishe uyu mulopa wa mwana wa mpaanga, ali bomfeshe icintu icapangwa, pantu ukuti u—ubumi bwalifumine kibili tekuti bubwele nakabili.

⁷⁶ Pantu, teti bwise pa muntunse, pantu ubumi bwanama tabwakwata umweo. Inama taishiba ukuti ili ubwamba, kibili yena—yena fye... Tailuka pa lubembu. Tayaishibapo nangu lumo, eico e mulandu wine cibumbwa ca bumi lelo te cibumbwa ca mweo. Eico, bulyo bumi bwa nama tekuti bubwelele pa bumi bwa muntu, pantu tayakwata umweo muli bulya ubumi. Nomba, kwaliba ubumi, umulopa; ubumi, kibili no mweo mu bumi; umweo cifyalilwa ca bumi. Eico, tayakwata icifyalilwa

cimo icaibela, cali ni nama, eico umulopa waiminineko icishibili ukuti ubumi bwalipewe.

⁷⁷ Lelo muli iyi ncende ya bukata, muli ici cipangano, pali ubupusano pakati ka Mulopa kabilo no Bumi. I Cishibili ca kuwacetekekela ilelo Mupashi wa Mushilo; te mulopa, icintu icapangwako, lelo Waba u Mupashi wa Mushilo wakwa Lesa. Ico e Cishibili ico Lesa afwaya ku Chalichi ilelo. Lesa alingile ukumona ici Cishibili. Alingile uku Cimona muli ifwe bonse umo umo.

⁷⁸ Eico, ilyo ifinshingwa fya cungulo bushiku filemoneka, kabilo ne cipyu nacipalama ukupongololwa ukufuma ku Muulu, pa fyalo ifishaishiba lesa, kabilo pa bashacetekela abashaishiba lesa, paba—pabasambilila abashakwata icikatilo, pali ifi fintu! Kabilo Ine—Ine nalyesha ukuisokolola ne mwine no kwikalala uwalungama pakati kaciko, ukumona apo caiminine, ilyo Nshilalandia ifi fintu. Nomba tuleikala mu finshingwa, kabilo ne cipyu nacipalama ku kupuma, kabilo Lesa alefwaya Icishibili ico imwe mwebene mwapokelela Icishibili Cakwe, Mupashi wa Mushilo. E nshilafye yeka, kabilo e cishibili ico Lesa akapitilila, pantu wena Waba u Mweo wakwa Yesu Kristu ulya wine abweseha mu wacetekela.

⁷⁹ Ubumi bwanama tekuti bubwele, eico umulopa wali nokubikwa pa ciibi, palya pa cilu kabilo pa luceshi lwa ciibi; ukuti umupita-nshila, icintu bwingi conse, umuntu onse ulepita pa ng'anda, afwile aishiba ukuti palya pali i—icakumwenako pali cilya ciibi, ica mulopa, ukutila umweo walifwa pali cilya iciibi. Amen!

⁸⁰ Uyo wine emusango cena cifwile ukubelamo pamo naonse uwacetekela ileelo, uwaisulamo na Mupashi wa Mushilo; i Cishibili ukuti u Mulopa wasumine uwa mwana wa Mpaanga, ulya Mweo uwali muli ulya umwana wa Mpaanga, walibwelele kabilo walikakatikwa pambilibili palya, ukutila umuntu onse ulepita mupepi, nokulanda kuli iwe, nakwata bucibuso pamo naiwe, pakumona ukuti u Mulopa walibikwa, kabilo i Cishibili ca Mweo icali muli ulya Mulopa cili pali iwe. Iwe uuli uwacingililwa ku bukali. Icofyre ceka; tebu membala. Iyo, mukwai!

⁸¹ Ubumi bwa nama tekuti bwise pa wacetekela, pantu wena wali wa nama, kabilo walelandafye pali kampingu, ukulangisha ukutila kuli nokwisa Ilambo ilya pwililika.

⁸² Kabilo, nomba, kuti kwaba shani Ilambo ilya pwililika ukucila pali Lesa Umwine eka pa lwakwe ukuba Icikonsolwelo, pa Lwakwe? Lintu Lesa apangilwe umubili, mu Mulopa Wakwe Wine uwapangilwe, ukuti wena...enshilafye imo iyo u Mweo wakwa Lesa uwfile wabwelelemo.

⁸³ Pantu, ifwe bonse twafyalwa ukupitila mukwampana kwa bafyashi, kabilo eico ubumi uwbara mulya bwa mwisonde,

kabili ubo ubumi tabuli nokubapo. Ico ecintu cilya kale icapingulwa no kusekwa. Iwe tekuti ubikepo icikamba. Tapali inshila wingabikilapo icikamba. Takuli inshila wi-winga ciwamishishamo bwino. Tapali inshila yakucipangilamo bwino. Cena cifwile cafwa! Ico ecimofye icakukabila cabapo. Cena cifwile cafwa.

⁸⁴ Kabili Icakupyanishapo, u Mweo wakwa Yesu Kristu, ufwile waisa muli iwe, uyo e Mupashi wa Mushilo, Icishibilo cakwa Lesa; ukuti iwe walipokelela u Mulopa wa Mwana Wakwe, Yesu Kristu.

⁸⁵ Eico, mu nshiku shakwa Wesley nangu... Munshiku shakwa Luther, cena catontonkanishiwe ukuti, "pakucetekela." Munshiku shakwa Wesley, "icapangwa ica Mulopa." Lelo buno bushiku bwakulekelesha, umo i—i Cishibilo cilefwaikwa. Kabili ico cilepanga, capamo, conse ukwikatana pa Kusumbulwa. Imwe mwacimona ico?

⁸⁶ Amenshi, umulopa, no mupashi fisa lintu namayo apapa umwana. Icintu cakubalilapo ukufuma, mukufyalwa ukutuntulu, menshi, icacibili mulopa, kabili neca konkapo bumi.

⁸⁷ Mwfumine mu mubili wakwa Shikulu Yesu Kristu: amenshi, u Mulopa, no Mweo. Kabili ne Chalichi conse, Nabwinga, capamo, apangwa ukupitila mukulungamikwa, ukushilishiwa, kabili ukubatishiwa na Mupashi wa Mushilo, ico e Cishibilo.

⁸⁸ Nga fintu aba Hebere 11 ilanda, "Bonse aba abaendawike nabafwala impapa sha mpaanga ne mpapa sha mbushi, kabili bali abapelela, kabili nefintu fyonge ifi ifyo bacita, cena tacabalengele bena ukuba abapwililika ukwabula ifwe."

⁸⁹ Kabili i Chalichi muli buno bushiku, ico icapokelela Icishibilo, ica lubatisho lwa Mupashi wa Mushilo, ukutila u Mulopa walisuma kabili ukuti Mupashi wa Mushilo aali pa Chalichi; ukwabula ifwe, nomba, bena tekuti babuke. Lelo bena bashintilila pali ifwe, pantu Lesa alilaile ukuti Ena aali noku ukwabula Wena, kabili no muntu umo aali nokuba palya. Nshishibe uyo uukaba ico, lelo umuntu ali nokupokelela Wena. Icintufye cimo ico Nashingamwa, kushimikila Ico. Wena mulimo wakwa Lesa ukufwaya lulya ulubuto ulwamwenenwe libela. Lufwile lwena lwaba palya, nangula. Pantu, shena shifwile shabapo palya, cila lumo pali shena, lumo pamo no lubiye; inkulo ya menshi, inkulo ya Mulopa, kabili nomba inkulo ya Cishibilo ca Mupashi wa Mushilo.

⁹⁰ Kabili ibukisheni, Israeli apitile mufintu ifingi, lelo cali ni munshita yacungulo lintu icishibilo cakabilwe; temulucelo, temukupekanya, munshiku ikumi na shine ishakusungilamo impaanga. Israeli alishibe icintu cimo caleisa.

⁹¹ Ecimo cine na Luther alicishibe, cimo cine na Wesley alicishibe, cimo cine na Finney, Knox, Calvin, balishibe ico. Ifi efyo Cali! Balishibe ukuti kul nokwisa inshita ilyo i Ntumba ya Mulilo ili nokubwela pa Chalichi. Balishibe ukutila kuli nokwisa inshita ilyo ifi fintu fikacitika, lelo tabaikeli ukuti bafimone, lelo balelolesha kuli ico.

⁹² Israeli alishibe ukutila icintu cimo caleisa, lelo cena cali ninshita ya cungulo lintu umulopa wa mpaanga, icishibili, wabikilwe pa ciibi. Cibe, impaanga ninshi kale naibikwa.

⁹³ Yena yabafye ni Mpaanga munshila shonse. Yena yali ni Mpaanga munshita yakwa Luther, yena yali ni Mpaanga—Mpaanga munsita yakwa Wesley, lelo nomba ino ninshita ya Cishibili iyo cila ing'anda ifwile yabapo i Cishibili. Cila i ng'anda iyakwa Lesa ifwile yabikwapo Icishibili. Nafyonse ifili mukati kaiko fifwile fyabikwapo Icishibili. Kabil i Ng'anda yakwa Lesa e Mubili uwaka Yesu Kristu, kabil mu Mupashi umo bonse emo twabatishiwa muli ici Cishibili nokuba ulubali lwa Ciko, ukuti, Lesa atile, “Lintu Ine namona Icishibili calangwa, Ndi nokucilila imwe.” Wenshita we iyo ifwe tuleikalalamo! Oh!

⁹⁴ Umulopa ulangisha, ulangisha uwacetekela, pantu ubumi bwalifuminemo, kabil tabwabwelelamo, eico ena ali nokukwata i—icapangwa. Ena akwete kwati ni penti, umulopa, icapangwa ico icalangishe ukuti ubumi bwalifuminemo.

⁹⁵ Nomba u Mupashi ulya wine pa Lwauko Cishibili. U Mupashi wa Mushilo pa Lwauko Cishibili, te Mulopa. U Mulopa wasumine pa Kalbale, ico e cine. Lelo u Mulopa, ukukonkafye nefyo uli, wabwekelemo mufintu fintu wafuminemo, ukufuma ku fyakulya ifyo Ena aleikalilapo. Lelo, imwe mwamona, mukati ka ulya kapokola wamu Mulopa emwaba u Mweo uwatampile ulya kapokola wamu Mulopa ukulaenda. Nga cakutila cali... . Icapingilwe catakwete u Mweo muli cena, palwaciko, kabil eico cena tekuti cende. Lelo lintu u Mweo waishile mucapangwa ica mulopa, Cena capangile kapokola. Cena Cipanga kapokola Waciko, nomba kapokola bakonkana na kapokola, nomba caba u Muntu. Kabil noyo Muntu ali ni Lesa, Emmanueli, mu mubili. Lelo lintu ulya u Mweo wabwelelemo, icapangwa caile kuli wena, lelo Icishibili ni Mupashi wa Mushilo pa Chalichi, ukuti bena bamone Kristu.

⁹⁶ Cena cifwile ukuba, pantu umwanakashi no mwaume baba umo. Bena baba umo. Kabil Nabwinga na Kristu baba Umo. Ubupyungishi ubwakwa Nabwinga, no bupyungishi bwakwa Kristu, fiba cimo cine. Kabil ibukisheni, “Ifi ifyalembwa ifyakale, O Theophilus, Nalembela iwe, ukuti Yesu atampile ukucita kabil aletwalililapo ukucita.” Imfwa yakwe tayamuleseshe Ena. Iyo, mukwai! Alibwelele nakabili. Te muntu wa citatu, lelo u Muntu umo wine abwelele nakabili mumibele ya Mupashi wa Mushilo, kabil nokutwalililapo umulimo; kabil

nokutwalilapofye, efyalanda i Buuku lya ya Batumwa. “Yesu Kristu uwaba cimo cine mailo, ileelo, no muyayaya.” Ico e Cishibilo. Ico ecakumwenako.

⁹⁷ Lintu Petro na Yohane bapitile pa mpongolo iitwa Icisuma, palya palele umuntu uushale enda, uwalemene ukufuma munda yakwa nyina, kibili ena atile, “Silfele na golide Nshikwete; lelo ico Nkwete, Nacipela kuli iwe. Mwi Shina lyakwa Yesu Kristu uwaku Nazareti, ima nokwenda.” Mwamona? Kibili balandile kuli bena, nokwishiba ukuti bena batutu abantu abashasambilila, lelo bena balishibe bena ukuti bali pamo na Yesu. Mwamona, Icishibilo cali palya, icalangwa. Mwamona, “Ifyo fine Nkwete!” Ukumona umulanda, munyina uwaponna nalala palya, uushenda uwayonaula, ne fintu fyonse. Kibili u Mweo umo wine uwali muli Kristu wali muli bena, “Ifyo fine Nkwete!”

⁹⁸ “Mwi Shina Lyandi *muka tamfwishamo ifiwa*.” Tekuti, “*Nka cita*.” “*Imwe mukacita!*” “*Nga mwa landa kuli ulu ulupili!*” Tekuti, “*Nga cakuti Na landa*.” “*Nga cakuti iwe walanda kuli ulu lupili!*”

⁹⁹ Oh, munyina, inshita ya cilya Icishibilo ukulangwa naifika. Ifwe tulemona ico. Natwishiha ukutila tuli pampela nomba. Ifwe twalileta imfila ishamusango onse, ukulangisha ifishibilo ne fisungusho, kibili nomba pano twabwelela kunuma kuco i Chalichi cifwile cacita. I Cishibilo cifwile calangwa. “Lintu Ine namona umulopa, Ndi nokucilila pali imwe.” Takuli cimbi icinga bomba. Cena cifwile caba Mulopa. Nomba, Mupashi wa Mushilo e Cishibilo cesu, ukufuma kuli Lesa.

¹⁰⁰ Nga kasambilila wa fya bulesa, ka—kasambilila, munyina uwa Baptist, umuntu umusuma, imibele isuma, ilyo aishile kuli ine inshita imo, kibili atile, “Munyina Branham,” atile, “iwe ukulanda pali uyu u Mupashi wa Mushilo,” atile, “mulandu nshi, ico te cintu icipywa.” Atile, “Twali Cisambilisha ukufuma akale, ukupita mu nshita shonse.” Kibili Na—Natile, cisuma, nala . . . Atile, “Twalipokelela Mupashi wa Mushilo.”

¹⁰¹ Natile, “Nililali Mwaupokelele?”

¹⁰² Atile, “Ilyo Nacetekele.” Pantu, Nalishibe ukuti aya yali masambililo ya fya bulesa yaba Baptisti, ukutila imwe, ilyo mwacetekela, mulapokelela Mupashi wa Mushilo.

¹⁰³ Natile, “Elyo Paulo atile, mu Milimo ya Batumwa 19, kwi bumba, ibumba lya ba Baptisti, icali, kashimikila wa Baptisti uyo uwali umo uwapilibulwa wakwa Yohane, aleshininkisha muli Baibebe ukuti Yesu ali ni Kristu.”

¹⁰⁴ “Ilyo apitile ku musansama ya ku Efeso, asangile abasambi bambo, kibili atile kuli bena, ‘Mwalipokelela Mupashi wa Mushilo *ukutula* ilyo mwacetekele?’ Batile, ‘Tatwaishiba nga cakuti kwalibako na Mupashi wa Mushilo.’” Elyo alibepwishe

ifyo babatishiwe. Kibili bali tabalabatishiwa mwi Shina lyakwa Yesu Kristu, u Mwana wa Mpaanga uwapelwe lambo. Tabaishibikilwe pamo Nankwe, nakalya. Ba mucetekelefy; nga filya umuti nawikala palya, kibili taba unwene. Paulo alibebele ukubatishiwa nakabili, mwi Shina lyakwa Yesu Kristu.

¹⁰⁵ Kibili ilyo acitile ici, elyo Icishibilo caishile pali bena. Baleishibikilwa ku mulimo ne fishibilo fya Mupashi wa Mushilo, ukulandila mu ndimi shimbi muli bena, no kusesema, no kulumbanya Lesa. Baleishibikilwa nga—nga pamo ne Lambo lyabo.

¹⁰⁶ Kibili Mupashi wa Mushilo eo twishibikilwako. Eutulangisha nga abena Kristu. Te bumembala bwesu mu machalichi, te kwiluka kwesu pali Baibebe, te pa mulandu ifyo mwaishiba Baibebe. Caba ifyo mwaishibisha pali Kalemba, mwamona, pafyo Kalemba ekala muli imwe. Caba ni mwebene—caba ni mwebene ukufumapo. Tamulipo nakabili. Muleimona mwebene ukuba abafwa, kibili Icishibilo ecikala muli imwe. Kibili Tacili ubumi bwenu; Caba ni Ena.

¹⁰⁷ Paulo atile, “Ubumi ubo nomba Njikala (Aikele ubumi ubwa pusana ukufuma kubo aikele akale.) teine, lelo Kristu ewikala muli ine.” Cilya Icishibilo icalelanga ico Lesa alefwaya. Ukulangwa pamo ne fyesu... Ukulangwa pamo ne Lambo lyesu, Ubumi bwa kwa Kapususha wesu muli ifwe, u Mupashi wa Mushilo.

¹⁰⁸ Oh, ifyo ca—ifyo cabe Cishibilo cituntulu! Tekuti kubeko Icishibilo nacimbi. Oh, owe, nga kuti mwaikatafyey—itontonkanyo lya cena. Nga Nalikwete a—amaka luno lucelo, na mashiwi, ukulangisha no kubika mu mweo wenu ico icili mu—... te matwi yenu, lelo umweo wenu, kibili kuti mwa—mwamona ubutuntulu bwa Ciko. Ci—cisenda, Cilamilenga imwe ukutusha sana.

¹⁰⁹ Nga cakuti mwali, mwalicitile umulandu, kibili mwali nokweshiwa mu cilye ca buteko. Kibili namwishiba, ukuti nga balimisangile no mulandu, ukuti mwali no kufwa, mwali nokuya ku cipuna ca malaiti, nangu umuputule wa mwela wa bwanga, nangu ukwipaiwa kwapambili bili ukuli konse bengacita pali imwe, limbi ukumukulika, nangu icintu cimo, ukwipaiwa, ukukandwa ukuli konse fintu kuli. Kibili namwishiba ukutila mwalikwete... Mwali no mulandu. Mwalishiba mwali no mulandu, kibili mulingile ukufwa nga tamwile mukubula ndubulwila ku ku mwimininako, uyo uwinga mufumya muli ico cintu. Kibili nomba kuti mwafwaya ndubulwila uwaishibisha oo mwingakwata.

¹¹⁰ Elyo kibili ukubula ndubulwila uwali umusuma, ndubulwila uwa cenjela, kuti mwaumfwa ukutila umulandu wenu waisa angukako... kuti mwatushako panono, pantu mwalikwete ndubulwila. Lelo nangu cibe ifyo kuti paba

ilipusho nga cakuti uyu ndubulwila kuti apilibula amano yakwa kapingula, nangu ukupilibula ba shicilye; nga cakuti uyu ndubulwila, ne milandile yakwe iyacenjela kabili no kwishiba amafunde, kuti apilibula cilya, kabili kuti apapatila umulandu wenu no kushininkisha ukutila—ukutila mulingile ukuba no mweo. Lelo nangu cibe fyo, mu fyakwe fyonse—mu yakwe yonse ayakalamba no kulanda ukukalamba uko enga panga, ne cikope engabika pali ba shicilye nangu ukuba na kapingula, imwe—imwe kuti—imwe kuti... Limbi kuti mwakwata ukutusha pali ba miniti banono, lelo nangu cibe ifyo kuti mwaba ilipusho mu mano yenu, “Bushe kuti acicita?”

¹¹¹ Lelo muli uyu mulandu, Kapingula Umwine esa mukuba Ndubulwila wesu. Lesa aishileba umuntu. Takwali ndubulwila uwingacicita. Tekuti tusange umo. Mose, na Malango, ba kasesema, tapali uwingacicita. Eico Kapingula esa mukuba fyonse fibili Shicilye, na Ndubulwila, na Kapingula, Umwine eka; kabili asendele ubupingushi bwa Mafunde Yakwe mu maboko Yakwe Umwine, no kulipila amalipilo ya cena, Umwine eka. Musango nshi twingabelamo abacingililwa? Kabili atumine Ubumi Bwakwe Umwine ukubwelela pali ifwe, nga kambone ukuti Ena nacisumina. Ifyo kuba ukucingililwa!

¹¹² “Ee, nangu Nyende ukupita mu mupoka poka wa cinshingwa ca mfwा, Nshakatine ububi, pantu Muli na ine.”

¹¹³ Ilyo Aishileba fyonse fibili Kapingula, Shicilye, kabili—kabili Ndubulwila, Alipapatile umulandu wesu. Ifwe, ukusangwa aba mulandu ku Mafunde Yakwe Umwine; kabili Aliishile no kusenda icifulo ca muntu uwa mulandu, uyo uwali umwakupepela. Abulile ulubembu lwakwe. Alilusendele pa Mwine eka, no kufwa, kabili alipile umutengo, no kusumyo Mulopa Wakwe, no kupela nakabili Icishibilo Cakwe Umwine, Ubumi Bwakwe Umwine.

¹¹⁴ Mulaandu nshi, tuli abapwililika. Umulandu naupwishiwa. Takwaba nakabili ulubembu ku wacetekela. Mwe Lesa, kwateri uluse, nga abantu teti bamone ico, ukutila takuli nakabili umulandu. “Uyo umfwa Ifyebo Fyandi no kucetekela pali Uyo uwa Ntumine, nakwata u Mweo wa Muyayaya, kabili takese mu Bupingushi, lelo na fuma mu mfwा naingila mu Mweo.” Uyo apo mulandu. Umulandu naupwa! Takuli umulandu kuli cena. Amen! Elyo ukucingililwa, ukucingililwa ku cishibilo icabikilwe, ilyo imfwa yatendeka ukuma ku cibi uko lubali, taikwete amaka. Mwamona? Ee.

¹¹⁵ I Cishibilo na cibikwa. Icishibilo Ceka cileishibikwa nomba. Mwamona, Acitile cilya pa kutila Icishibilo cingesa. Icishibilo cali Ubumi bwa kwa Lesa.

¹¹⁶ Kabili ilyo Lesa alengele umuntu uwakabalilapo, Amulengele ukuba umwana. Kabili umwana ali uwalubana icakutila aumfwile ku mukashi wakwe mucifulo cakwa Lesa,

kabili umwanakashi aumfwile kuli ciwa mucifulo ca mulume wakwe, kabili, ilyo acitile, cali balengele ukuba abalubana capamo, icakuti caletele ukukowesha. Kabili Alishibe, ukuti ilyo bacitile cilya, balingile ukuleta abana mwi sonde. Icisabo mukati kebala tekuti cikatweko, kabili, elyo, ilyo caiketweko, baletele ulu lubembu pa bene beka. Kabili eico umutundu onse uwa buntunse, uyo uwafyelwe, wali mu lubembu. Kulya, takwali inshila nangu imo iyakufuminamo.

¹¹⁷ Elyo kabili Lesa alikile. Kwalifye inshila imo iya ku mubweseshamo, ico cali uku mubweseshamo umwana nakabili. Kabili kuti Acicita shani, ilyo Ifunde Lyakwe Umwine lyaimininine palya no kutila ali “uwamulandu”? Elyo Taata Umwine aishileba umo uwa muli ifwe. Ulya e mwana wa Mpaanga umwine mwine. Cilya e mulimo Wakwe Akwete mu mano yakwe.

¹¹⁸ Ulya e mulandu wine u mwana wa Mpaanga alangilwe nganshi mwibala lya Edeni, ukwisha ukutila umwana wa Mpaanga ne Nkunda kuti fyakumana pa nshita imo, ilyo umwana wa Mpaanga ne Nkunda fikesaba capamo. Iyo e nshita Aishibe, ukupitila muli cilya, bonse kuti twaba capamo. Kabili Ali uwaiteyanya ukupange lambo lya musango ulya, nomba, ukuti Icishibili cili no kubikwa, ukutila tatuli nakabili abalebeshi, tatuli nakabili abeni, lelo tuli abana baume na bana banakashi bakwa Lesa. Bonse bibili Adamu na Efa, umwanakashi kabili no mwaume, ukwampama capamo, baba abana baume na bana banakashi bakwa Lesa, muli Kristu Yesu, kwilambo Lyakwe ilikalamba.

¹¹⁹ Kabili, elyo, pakutila kwikaba ukulufyanya! Ulubuuto lwa bumi ubu ululingile ukubyalwa mwi sonde, ulwa uyu mibili ulwaba ulubuto u—ulonaika; kabili ubumi, nga buli ubumi ubwapilibulwa mu lubuuto, bulonaikila pamo no lubuuto. Lelo Abikile u Mweo uwa Muyayaya muli lwena no kululangisha ngo Lwakwe Umwine, ukutila mu kubuka Akalubusha nakabili, talwa kalube. Bushe mulemona ico Ndepilibula?

¹²⁰ Ifi efyo cabu, tekuti lonaike nomba. Ubumi bwaikala pali lyena. Cena Cishibili, nacikala pali ulyo mibili unono, e cikala pa mulu wa mweo wa ulya muttu. Ico Icishibili icili palya, u Mupashi wa Mushilo, ukutila cintu cakwa Lesa. Cena Cakwe. “Ilyo Nkamona Icishibili, Nkamicilila.” Icishibili Icituntulu, Mupashi wa Mushilo e Cishibili cesu. Eico, ilyo mwapokelela Mupashi wa Mushilo, mwafuma mu mfwa ukuya mu Mweo. Ico e cabu kuli cena, pantu Ubumi buli muli imwe. Tekuti nakabili monaike.

¹²¹ Baibela yatila, “Uyo ufyalwa kuli Lesa tacita ulubembu, pantu teti abembuke, pantu u Lubuto lwakwa Lesa,” ameni, “u Lubuto lwakwa Lesa lwaikala muli ena.” Kabili musango nshi engabembuka ilyo Lesa ushibembuka ali muli ena? Lintu ali

muli Lesa ushingabembuka, kuti abembuka shani? Te mulandu ifyo acita, u Mulopa na umufimba. Mwamona? Ena cibumbwa cipyा nomba. Ukukabila kwakwe na mapange fyaba fya ku Muulu, pantu ali pilibuka ukufuma ku mankumba ku kube ngano. Ukukabila kwakwe takuli cimo cine nga ifyo kale kwali, kibili alacilangisha.

¹²² Utile, “Oh, Nalicetekela Cilya.” Kibili ucili ulebembuka? Awe! Walibepwa. Wamona? Tekuti cilangishe icintu cimbi kano Icishibili.

¹²³ Israeli aebelwe ukwikala pesamba lyā ulyā umulopa mpaka ifipope fyabulendo fyaishile. “Mwiesha ukufuma pesamba lyā buko!” Lintu baishileba pesamba lyā cilya icishibili, bali kakatikwe mukati mulya. “Mwikacisha cilya!” Aikele palya pene mpaka pakati ka bushiku pafikile kibili amapenga yalilile. Kibili ilyo amapenga yalilile, na masengo ya ba sukusuku ayakale yatendeke ukulila, umo umo afumine aleenda ne fipe fyakwe, ukuya ku mpanga ya bulayo.

¹²⁴ Efyo no mwaume nangu umwanakashi uwaisushiwa na Mupashi wa Mushilo, untu wakakatikwa, kibili uwacingililwa ku bubi bonse no kutinya. Ubumi bwakwe bonse bulangisha ifintu ali, konse uko enda, amakwebo ayali yonse ayo acita, onse uo alanda nankwe. Ilyo aisa kumana na banakashi, ilyo aisa kumana ne fibusa, ilyo aisa kumana ne cili conse, cilye Cishibili nacikala palya. Amen! Ilyo caisa ku mfwa, “Nshakatine ububi, pantu Muli naine,” cilya i Cishibili nacikala palya. Ilyo caisa pakubuuka, ali nokuba palya, pantu Lesa akamubusha pa bushiku bwakulekelesha. Yesu efyo asosele! “Ilyo Nkamona u Mulopa, Icishibili, Nkamucilila.” Oh!

¹²⁵ Ibukisheni, nga cakutila cilya icishibili tacalangilwe, ninshi ne cipangano cali tobewa. Ico cishinka. Icipangano cali tobewa. Takwali na—takwali ne cipangano lyonse ilyo tapali icishibili palya. Icishibili caiminineko icipangano. Lesa alipangile icipangano nabo, eeh, mukwai, lelo icishibili calingile ukuba. Tacali mukubomba, icipangano tacali, kanofye icishibili nga cali palya.

¹²⁶ Kuti kwaba aba Yuda abengi abalesosa ukuti, “Iseni kuno! Nshikwete umulopa nangu umo pa mwinski wandi, lelo Ndefwaya ukumilanga icintu cimo, ndi mu Yuda uwasembululwa. Nali sembululwa.” Cilya tacalepilibula *cilya*. [Munyina Branham alisha umunwe wakwe—Kale.] “Ilyo Nkamona umulopa! Ilyo Nkamona icishibili!”

¹²⁷ Kuti mwatila, “Nine Baptisti, Prebyterian, Methodist,” nangu icili conse ico mulefwaya ukuba.

Lelo, “Ilyo Nkamona Icishibili!”

¹²⁸ Mwatila, “Ndi uwacetekela. Bamayo bali bamembala ba ili i chalichi. Batata bali bamembala ba ili i chalichi. Naba membala

kulya ukufuma ku bwaice.” Cilya tacilepilibula *filya*. [Munyina Branham alisha umunwe wakwe—Kale.] “Nshibepa, ukwiba. Nshicite *ici*. Ine...” Cilya tacilepilibula *cilya*. [Munyina Branham alisha umunwe wakwe—Kale.] “Naba ku Branham Tabernacle. Ndacita *ici*, *cilya*, nangu *icinankwe*. Nalicetekela i Cebo conse.”

¹²⁹ Balya aba Yuda kuti basosa, “Nalicetekela Yehova!” Nga alyumfwile i Mbila yakashita, nga alicitile. Mucine.

Bali kwete imbila ishingi nganshi, lelo Iyi yali ni Mbila ya ino ora. Mwamona? Nalicetekela i Mbila ya ora. Ee. Umulopa wabikilwe mu nshita ya cungulo bushiku.

Limbì nga balisosele, “Ine, Ndi mu Yuda.”

¹³⁰ Abantu balasose lelo, “Ndi mwina Kristu. Kuti Nakulanga bumembala bwandi ubwakale. Ndefwaya unjebe apo Naibilepo icintu icili conse, apo natalile ukuba mu cilye ca milandu. Unange apo Natalile ukucita ubucende, Nshacitapo ifi fyonse ifintu, nangu icintu cimo ica uyo musango. Nangeni incende imo.” Ico tacilepilibula icintu nomba. Oh, iyo. Mwamona, te mulandu ifyo ali mu cipangano, icipangano tacikwete amaka. Tacikwete amaka.

Mwatila, “Ukuba, Ndi kasambilila wa Baibele.”

¹³¹ Nshilesakamana fintu waba. Ukwabula cilye cipangano, icipyu cakwa Lesa cili pali iwe. Ico cishinka. Cali musanga imwe. Ee. “Imembu shenu shikamisanga.” Ulubembu cinshi? Ukukana cetekela. Mwakana ukucetekela i Mbila. Mwakana ukucetekela i Cebo. Tamwacetekele ubunte bwa Cishibili, Icine, ilyo Cailangisha Icine mukati kesu. Kabili bushe mwakano kucetekela Ico? Temulandu ifyo mushinga Cicetekela, Cilingile ukubomfiwa.

¹³² Kuti limbi mwasosa, “Nali Cicetekela. Nali Cicetekela. Nalicetekela Cena ukuba Icine. Nde Cisumina nge Cine.” Elyo ifyo fyonse fisuma, lelo nalyo line Cilingile ukubikwa.

¹³³ Cinshi, uyu umo umu Yuda uwaiminine palya, alekumbaaula umulopa, ilyo umwana wa mpaanga alesumyo mulopa, alesosa, “Uyu ni Yehova.”

¹³⁴ Kabili palya aliminine shimapepo, ukusosa, “Ee, mukwai, Ndecetekela cilya cishinka,” lelo pa ng’anda yakwe umwine taubikilepo. Tale fwaya ukwishibikwa umwine eka kulya lubali pamo na lilye bumba; awe, mukwai, aba abafulgana no mulopa pa cibi. Talefwaya cilya icakwishibikilwako. Te mulandu nangu ali nishimapopo wa musango shani, ifyo aishibishe i Cebo, ifyo akushiwe akushiwe bwino, imilimo iyo abombele, umusango ue apele ababusu, umusango ue apele ilambo!

¹³⁵ Paulo atile, “Ndepela umubili wandi ku kocewa, nge lambo; ukupela ifipe fyandi fyonse ku kulisha ababusu; Nalikwata icitetekelo ukuseshe mpili, kabili na fimbipo; no kulandila mu

ndimi shimbi, ngo muntu na bamalaika; kabiili ne fintu fyonse ifiyashala,” kabiili atile, “Nshili kantu mpaka cilya i Cishibili cabikwa. Mpaka ici Cishibili!” Ico eco Ndelandapo muno bushiku, icitemwiko. Mwamona? “Nomba, mpaka ici cabikwa, Nshili nangu cimo.” Mwamona?

¹³⁶ Nshilesakamana, kuti limbi mwafumye fiwa. Kuti limbi mwafumye abalwele kwi pepo lyenu lya citetekelo. Kuti limbi mwalicita ifi fyonse ifintu. Lelo nga cilye Cishibili tacilipo palya, muli pe samba lya cipyu cakwa Lesa. Kuti limbi muli abacetekela. Kuti limbi mwaiminina ku pulupiti no kushimikila i Mbila nsuma. “Abengi bakesa kuli Ine muli bulya bushiku, no kusosa, ‘Shikulu, Shikulu, bushe Nshaseseme mwi Shina Lyenu, ukushimikila mwi Shina Lyenu? Bushe Nshafumishe ifiwa mwi Shina Lyenu?’” Abo ni bonse ba Methodisti, Baptisti, naba Pentecosti. Yesu atile, “Fumeni kuli Ine, imwe mwe bakacita wa mampulu. Nshatalile nangu ukumwishiba.”

¹³⁷ “Lelo Nkamona Icishibili, Nkamucilila.” Caba ubufwayo bwakwa Lesa ubwa ino ora. I Mbila iya nshita ya cungulo bushiku, yaba ukubika Icishibili.

¹³⁸ Satana alibika ifyakupashanya ifya misango misango, ifya kuposhanya mu maboko, ne fishininkisho, na fyonse fye nga filya. Cilabeniko! Ora naifika iyakutila Icishibili, Icine; te fyakupashanya fimo, ukuitunga uwacetekela, icakupyanishapo, icili conse.

¹³⁹ Inshita ili pano ilyo Icishibili Umwine aleilangisha Umwine pakati fye kesu, no kushininkisha ukutila Aba ni Yesu umo wine mailo, ilelo, no moyayaya, kabiili Abafye pamo ne Cebo. Cilingile ukubikwa. Umuntu uulesosa ukuti alikwata Icishibili, akana ici Cebo, lyena nga pali co? Tekuti mucicite. I Cishibili cilingile ukuba palya. “Ilyo Ine . . . Umulopa ukaba icishibili kuli imwe.” Nomba Mupashi wa Mushilo, Ubumi ubwali mu Mulopa, e Cishibili kuli imwe. Twalaisa kuli cena pa kashita, mwamona. U Mupashi wa Mushilo e Cishibili. Umulandu naupwa. Ee, mukwai. Nomba, ibukisheni. Kabili Ine . . .

¹⁴⁰ Te mulandu ifyo waba, ifyo waba umusuma, imiku inga iyo watoloka *pa mulu-na-panshi*, impendwa ya ma chalichi ayo wailundako, ifintu ifingi ifisuma ifyo wacitapo, tacakapilibule icintu nangu cimo kuli imwe nga Icishibili tacabikwapo. Ino ninshita ya cungulo bushiku. Cilya cali bombele bwino mu nshiku shakwa Luther, cilya calibombele bwino mu nshiku shakwa Wesley, lelo tacilebomba nomba. Awe.

¹⁴¹ Ee, ukusunga umwana wa mpaanga califye bwino lilya. Balya abafwile lilya ilyo umwana wa mpaanga talabomfiwa, umulopa, cali icapusana. Ee, mukwai. Balitwalilile pa mulandu wa kampingu musuma. Kuti bapingulwa nga cakuti bena—bena bali . . .

¹⁴² Nga bali lingilwe libela, calebapola. Nga tacacitile, teti cicite. Epelafye. Cabafye ni Lesa. "Ala—Alalungamika uo Alefwaya, ukukwata inkumbu pao Alefwaya, kabilii Alebaula uo Alefwaya." Ena ni Lesa. Epelafye. "Akwatila uluse uo Akwatila uluse, kabilii ebaula uo Alefwaya ukwebaulwa."

¹⁴³ Umu Yuda kuti alangisha pa mbilibili, ku kusembululwa, ukuti ena aba uwacetekela.

¹⁴⁴ Kwaliba abantu abengi, abantu abacetekela icine, kuti babula iyi Baibebe no kusosa, "Ndi uwacetekela, kabilii Yesu atile 'ku cicetekelo' twalipusuka. Kabilii Ndi uwacetekela, lelo lulyo lubatisho lwa Mupashi wa Mushilo lwa buwelewele." Ninshi Icishibili tacibomfiwe. Te finge, ubwingi bwafyo acetekelamo, cilatobaaulwa.

¹⁴⁵ Kwatifye kusembululwa kwa mu Yuda. Kuti asosa, "Ndi mu Yuda. Cinshi ico Ningela kulya no kucita nga lilye bumba limbi ilya bafulungana?"

¹⁴⁶ Mose aliminine, ukuya uku-no-ku mumusebo, alesosa, "Imbila ya nshita ya cungulo bushiku ili pano! Cikesafikilishiwa, pa mpela ya nshiku fotini, ukalonganika ulukuta capamo no kwipaya umwana wa mpaanga. Ulukuta lonse ulwa Israeli luka mwipaye, ukubika indupi shabo pali wena, ukuilangisha pamo na wena. Kabilii umulopa ukashingwa pa fipalala, napa mulu wa ciibi, kabilii, 'Ilyo Nkamona umulopa, Nkamucilila, pantu cishibili ukuti namusumina imfwia iya mwana wa mpaanga uo Napela kuli imwe.'" Umulopa ewali icishibili.

¹⁴⁷ Nomba u Mupashi e Cishibili. "Mukesushiwa na Mupashi wa Mushilo te nshiku ishingi ukufuma pali nomba." Kabilii ilyo u Mulopa wasumine, Icishibili calituminwe kulya pa Bushiku bwa Pentecosti, nge cilepupisha, icimwela icikalamba.

¹⁴⁸ Cilya cali isambilisho lya mutumwa onse. Cilya cali, "Bushe mwalipokelela Mupashi wa Mushilo ukutula apo mwacetekele? Lapileni, onse uwa muli imwe, no kubatishiwa mwi Shina lyakwa Yesu Kristu ku kulekelelwa kwa membu, kabilii mukapokelela ici icabupe u Mupashi wa Mushilo, pantu caba i Cishibili, ameni, ukutila namufuma mumfwa ukwingila mu Mweo." Mwacimona ici. Ilyo ulya Umwi...i chalichi ca ci Yuda ca fuminepo, Abenafyalo bali cisendele, kabilii kulya ukupashanya nga filya; nomba nafumamo, ku kusenda ulya uwashalako uwa ku mwina Fyalo, pamulandu we Shina Lyakwe, Nabwinga.

¹⁴⁹ Mwamona ico Ndepilibula? Mwamona ico Ilembu lilelandapo pano? Nga cakutila Icishibili tacalangishiwe, ninshi icipangano tacakwete amaka. Mwamona? Cilingile ukuba. Pantu, nga mwassosa ukutila mwalicetekela, kabilii tamulekonka amafunde ya Cebo, ninshi tamwacetekela. Mwamona? Nangu mube abasembululwa, nangu mwingailundako, kabilii nangu nga

mwalibatishiwa, mwalicita ifi fyonse ifintu muli ulya musango; cilya nalyo line te Cishibilo, Mupashi wa Mushilo.

¹⁵⁰ Uyu kasambilila umusuma atwalilile ukulanda na ine, ngefyo Nacisosa pa kashita akapitapo. Atile, "Billy," atile, "Abrahamu acetekel Lesa, kibili capendelwe kuli ena ngo bulungami. Cinshi cimbi umuntu ali nokucita kano ukucetekela Lesa?"

¹⁵¹ Natile, "Ico cishinka, Dokota. Cilifye bwino. Alicetekele Lesa. Baibele efyo yasosa. Ulifye bwino. Ukutulafye uko ufumine, naulungika."

¹⁵² Cikulufye shilya i—i—inengu ikumi limo na shibili, isho shatuminwe ukuya mulya no kuyalengula pa mpanga ya Kenani, cikulufye baleya ku ntanshi mu Kenani, balenonke mpanga; lelo ilyo baishile ku mupaka, elyo baishile kana.

¹⁵³ Natile, "Imwe ba Baptisti mwalibafye bwino, cikulufye nga muleisa, lelo bushe mwalipokelela Mupashi wa Mushilo ukutula apo mwacetekel?" Hum. Natile, "Ibukisheni, Lesa alimwene icicetekelo cakwa Abrahamu. Ena—ena alicetekele Lesa, kibili calingilwe kuli ena ku bulungami, ico cishinka, kibili nomba Lesa amupele icikakatiko ca kusembululwa, nge cilangililo, icilangililo kuli ena." Tacili mukutila inkanda yakwe, iyasembululwa, yalikwete icili conse icakucitapo no mweo wakwe, lelo cali cilangililo ico Akwete (Lesa akwete) ukwiluka icitetekelo cakwe.

¹⁵⁴ Kibili Alatupela ifwe icilangililo, ica Mupashi wa Mushilo, ukutila Alitwisha ifwe nga abacetekela. Pantu, "Lapileni, no kubatishiwa uuli onse mwi Shina lyakwa Yesu Kristu ku kulekelelwa kwa membu, kibili mukapokelela icabupe ca Mupashi wa Mushilo. Pantu ubulayo buli kuli imwe!"

¹⁵⁵ Umfweni icishinka nomba. Aba Yuda, temulandu ifyo bashininkishe ukutila bali abasembululwa, lelo icishibilo cali no kulangishiwa. Nga tapali, icipangano tacawkete amaka. Tacali.

¹⁵⁶ Cimo cine nomba, icintu cimo cine. Te mulandu ico mwingacita, te mulandu ifyo mwinga—mwingalondolola Baibele. Kuti waba kasambilila wa Baibele. Oh, ine! Kuti mwa—kuti mwasosa, "Ndi uwacetekela, ne fili fyonse." Lelo nalyo line Icishibilo cilefwaikwa. Kasambilila wa Baibele, mutila, "Nali umuntu umusuma, Munyina Branham."

¹⁵⁷ "Nshile sakamana ifyo umuntu onse engasosa, teti ucimfy ulya muntu. Nshatala ukumumonapo alecita icintu icili conse icalubana, mu bumi bwandi." Cilya tacawkatapo *ne* cakucita kuli Lesa. [Munyina Branham alisha umunwe wakwe—Kale.] Kwabafye cimo icifwaikwa, kibili cilyafye ceka!

¹⁵⁸ Kibili tekuti mucite cilya. Tekuti mubike umulopa pamulu wa ciibi, uko, icishibilo tekuti cibe kano fye umwana wa mpaanga afwa. Kibili umulopa wali icilangililo icituntulu

ukutila umwana wa mpaanga alifwile. Te kuitunga-ukucetekela; umwana wa mpaanga alifwile!

¹⁵⁹ Kibili Mupashi wa Mushilo Cishibilo icituntulu ukutila u Mwana wa Mpaanga wenu alifwile kibili mwalipokelela Icishibilo pali imwe mwebene, pantu u Mweo Wakwe wine buli muli imwe. Mwamona? Takwaba ukuitunga-ukucetekela. Takwaba uku-cifwala. Takwaba ukupashanya. Cili palya! Mwalicishiba. Mwalicishiba. Isonde lyalicishiba. I Cishibilo cili palya.

¹⁶⁰ Te mulandu ubusuma ifyo umuntu ali. Limbi kuti aba kasambilila wa Baibele. Limbi kuti aba u...Limbii kuti aba umusango uusuma uwa—membala umusuma uwalukuta. Kutii limbi aba umuntu umusuma. Limbi kuti aba umutwe wa—wa cilonganino. Limbi kuti aba ka—kateka wa Rome. Nshi—Nshishibe nga ninani, tacile—tacilepanga icintu icili conse.

¹⁶¹ Lelo, Israele, onse kasambilila wa Baibele alishiba ukutila Israele ali icipasho ca Chalichi, filya finefye, ku mpanga ya bulayo. Kibili kulya eko Aleya.

¹⁶² Lelo ilyo inshita ya cungulo bushiku yaishile, kibili no bulendo bwatendeke, kwali icintu cimo icabukata icalefwaikwa. Te mulandu ifyo ali umu Yuda umwine mwine, ifyo asungile bwino ifilimwa fyakwe, ifyo asungile abena mupalamano, fyonse ifyo acitile, ifyo ali membala umusuma, ubwingi bwa cekumi ico alipile. Fyonse ifi fintu fyali fye bwino. Cilya califye bwino. Ali umuntu umusuma, uwaishibikwa pakati ka bantu bakwe, ngo mutu umusuma. Lelo ukwabula icishibilo, ca mulopa, alyonaike.

¹⁶³ Oh, lekeni Lesa angafwe, bonse abali muno namu ma tepu, kukatika cilya pansi!

¹⁶⁴ Te mulandu, limbi kuti mwaleshimikila i Mbila nsuma, limbi kuti mwalefumya ifiwa, limbi kuti mwalilandilapo mu ndimi shimbi, limbi kuti mwalipundile, ukushanina mu Mupashi, lelo ukwabula Icishibilo.

Muletila, “Bushe kuti Nacicita?”

¹⁶⁵ Paulo atile kuti mwacita. “Nangu Nandile no lulimi nga abantu na bamalaika, nangu Ningapela ifipe fyandi fyonse ku kulisha ababusu, umubili wandi ukocewa nge lambo, Nalikwata icicetekelo ca kusesha impili, nefi ifintu, nelyo line Nshili cintu.” Mwishintilila pali ifyo. Caba Icishibilo! Te mulandu ubwingi bwa fyo mwacita, ifyo mwaba abasuma; ilyo icipyu cakwa Lesa cabyasha, cikeshiba fye Icishibilo.

¹⁶⁶ Cena Cishibilo ukutila umutengo naulipilwa, cilya icalefwaikwa. Kibili no mutengo uwalipilwe wali Bumi bwakwa Yesu Kristu, kibili Apele u Mweo Wakwe. Kibili u Mupashi Wakwe ulabwelela pali imwe, nge Cishibilo ukutila namupokelelwa. Kibili mulenda pamo ne Cishibilo akasuba no

bushiku, te pa Mulungufye peka. Ninshitafye yonse, mulaba naco Icishibilo. "Ilyo Ine...Umulopa ukaba icishibilo kuli imwe."

¹⁶⁷ Watila, "Ncili nalicetekela. Ndi uwacetekela." Ico cilifye bwino. Lelo nga wakana Icishibilo, ninshi musango nshi uli nokubelamo uwacetekela? Cilelanda ukwebaula iwe. Mwamona, cilelanda ukwebaula ubunte bobe, ifyo ucita.

¹⁶⁸ Kasambilila wa Baibele, umuntu umusuma, membala wa chalichi, conse ico mwaba, tacileplibula icintu. Ee, mukwai. Limbi bawiso ni bakashimikila. Limbi ba—banoko bali abashila. Limbi...Cilya—cilya cilifye bwino, balingile uku yasukila abene. Nge fyo Nacisosa, ukwesha...

¹⁶⁹ Abantu besha ukupanga Lesa umo umukulu, umukote, uwaina, shikulu uwatumpa, mwamona, kibili ne bumba lya beshikulu, nga filya ba Rickys na ba Elvises abanono, kibili, "Tamwaba ububi muli bena."

¹⁷⁰ Te Lesa! Takwaba abeshikulu nangu bambo. Ena ni Taata. Mulingile ukufyalwa libili! Taba umo umukalamba uwanaka uwatumpa.

¹⁷¹ Ena ni Lesa uwa bupingushi. Baibele ilanda ukutila Ena efyo aba. Icipu cakwe cikali. Mwiesha ukunyanta pali Cilya no kusubila ubusuma bwakwa Lesa ubushiku bumo ku kumusenda, mu membu shenu, no ku mutwala ku Muulu. Nga Alicitile cilya, nga Alibebele bonse abo ku, no kuyabula Efa. Muli no kucetekela i Cebo Cakwe, nangu muli nokuba...muli nokonaika. Kibili ilyo mwacetekela i Cebo Cakwe, Icishibilo cili nokuba pali imwe. Uh-huh.

¹⁷² Imfwa yali mupepi no kupola Egypto lilya mu bushiku, pa nshita iili yonse. Yali ni nshita ya kutinya nganshi; ukusefywa kwabo konse, inshiku shabo shonse ishamalila, ne nshiku sha kufunga.

¹⁷³ Lesa alibatandalile. Lesa alibalangile ifishibilo Fyakwe ifikalamba ne fipapusho pakati kabo. Cinshi cilya? Nomba iminineni pali miniti. Lesa alibalangile inkumbu Shakwe. Alibapele ishuko.

¹⁷⁴ Balifililwe uku Cikana. No kusosa ukutila, "Oh, takuli nangu cimo kuli cilya. Caba icabuwelewele. Cabafye icintu cimo mulya mu milale, kwaliko ukupoka kwa—kwa matipa yakashika yafuminemo, kibili cilya e calengele bembra ukukashika." Elyo imfula ya mabwe yalishile. Elyo bacula balishile. Lesa aliteyenye incende, nokubika i Cebo Cakwe mu kanwa ka kwa kasesema Wakwe. Kibili ico asosele, caishile fikilishiwa, kibili balicimwene. Tekuti bacikane.

¹⁷⁵ Ifyo Mose asosele ukucitika, efyo Mose apokelele, ukufuma kuli Lesa, pantu asoselefye i Cebo cakwa Lesa. Atile, "Nkakulenga ukuba lesa." Mose ali lesa kuli bena. Mwamona?

Tabaishibe ubupusano nangu bumo, eico Atile, "Ukuba lesa, kabi Aaron akaba kasesema obe. Mwamona, ukuba nga lesa, pantu Nkakusenda, ishiwi lyobe, kabi Nkalenga pamo na iwe. Nkalanda, na bantu tekuti bacikane, pantu cili palya pene. Ico ukasosa, cikacitika." Oh, owe! "Nkakulanga ifyo fintu." Owe! Kabi Egypto ali cimwene. Bali cimwene ilyo takulati kube inshita ya cungulo bushiku, nangu pa nshita fye iya cungulo bushiku.

¹⁷⁶ Ali balangile ubusuma Bwakwe. Alilangishe ukutila kuti Acifyumyapo, ukuposha.

¹⁷⁷ Aba malele baeseshe ukucita icintu cimo cine, bakapashanya. Lyonse mukabasanga. Kwali Yanne na Yambre, baliminine palya. Lelo ilyo baishile ku cintu icituntulu, tabacikwete. Ico cishinka. Balikonkele, pa kashita akanono. Lelo, panuma yakashita akanono, ukutumpa kwabo kwalimonekele.

¹⁷⁸ Kabi bushe Baibele taisosa kuti icintu cimo cine cikacitika mu nshiku shakulekelesha, "nga filya Yanne na Yambre basusishe Mose"? Lelo ukutumpa kwabo kwalengelwe ukumoneka, kabi efyo cikaba nakabili. Mwamona? Ifyo efyo cili, abantu abapilibulwa amano, palwa Cine, Icishinka. Kuti limbi balikwete inkuta ne fintu ififikalamba, kabi ififikalamba, ifya pa mulu, ifintu fya maluba ifikulu, lelo ora ili no kufika mukulekelesha.

¹⁷⁹ Iminina uwashikimana ne Cishibilo! Ifyo efyo Lesa alefwaya ifwe tucite. Ikatilileni ku Cebo Cakwe. Mwisela ukufuma kuli Cena. Ikalenifye pamo na Cena. Baibele efyo yasosa.

¹⁸⁰ Imfwa yalepoli. Lesa alibalangile inkumbu, alangishe amaka ne fi fishibili.

¹⁸¹ Nomba katwiminine pa kashitafye akanono nangu tubili, pali ilye nkoloko palya. Katutontonkanye fye mu mano yesu, kunuma, ifyo Alaile fyali nokucitika mu nshiku shakulekelesha. Ndesunguka nga cakutila tatufikileko fye, pamo. Mwamona?

¹⁸² Alicitile ifi fyonse ifintu, kabi nangu cali ifyo tabakabile ukulapila, nangu ukucetekela imfila ya bulya bushiku. Nangu cali ifyo tabafwaile ukucicita, nangu calangilwe ku ntanshi yabo, kabi cali lengelwe ukwishesibwa mucine cine.

¹⁸³ Kabi ilyo mwamona ifintu fya uyu musango filecitika, cilangisho ca bupingishi ubuleisa. Ubupingushi bukakonka ifyo fintu. Lyonse cila cicita, kabi ici tacakabe icakufumyapo. Mwamona? Ubupingushi bukonka inkumbu. Ilyo uluse lwakanwa, takuba nangu cimo icishala lelo ubupingishi. Eico lyonse bukalabukonka.

¹⁸⁴ Nomba, ifyalecitika. Icili conse icabumupashi icicitika cilangililo ukufuma kuli Lesa. Cenjeleni. Moneni ico, mwamona. Lolesheni, icili conse icicitika ica bumupashi, icili conse

icicitika, cilangililo. Tatwaba pano mu kupumikishafye. Ifi fintu taficitikafye mukupumikisha fye. Caba cilangililo. Caba cilangililo, ukuya—ukuya mukucingililwa, bwangu bwangu. Nowa ali cilangililo ku nkulo yakwe; Eliya ali cilangililo ku yakwe; Yohane ali cilangililo ku yakwe. Mwamona? Ifili fyonse, i Mbila ya ora, cishibilo. Lolesheni kuli Yena, moneni ifyo Ilecita. Mwamona? Cabe cilangililo. Icili conse calikwata ubupilibulo.

¹⁸⁵ Kibili takwali inshita imbi uko i Mbila ya uyu musango yatala ukucitika. Nga tayaishile mubushiku bwakwa Luther, nga tayaishile mubushiku bwakwa Wesley, tayaishile nangu ni mubushiku bwaba Pentecosti. Tekuti ise. Mwamona? Takwaba... takwatala akuba icintu camusango uyo ukucitika, kibili nalyo line twalilailwe muli Baibele. Mwamona? Tuli kumpela. Tapali icali no kucitika, nga tacacitike mpaka ino nshita. Kibili cilecitika pa mulandu wa cilangililo. Ndesunguka nge cilangililo cinshi?

¹⁸⁶ Oh, mwe bantu banono, munyinane, nkashi, kabiye pesamba ly a Cishibilo, bwangu bwangu. Mwamona? Mwiesha ukusenda icakupyanishapo nangu cimo. Mwiesha, mwiesha, mwiesha, mwiesha ukucita cilya. Mwamona? Mwiesha uku Celenganyafye. Mwikale palya mpaka mwishibe ukutila Icishibilo nacibikwa, mpaka (fyonse mwaba) amano ayali muli Kristu yaba muli imwe, mpaka ubuwelewele bwe sonde bwapwa, mwamona, mpaka ukukabila kwa mutima konse kwaba Ena. Mwamona? Cilya, elyo, muleishiba, elyo muleishiba ukutila icintu cimo cilecitika. Yesu atile, “Ifi fishibilo fikakonka abo abacetekela,” te baitungo-kucetekela, lelo abacetekela. Mwamona? Nomba, tatulefwaya ukusende ilili lyonse, ishuko ilili lyonse pali cena; tamulingile ukucicita.

¹⁸⁷ I Mbila ya ora caba cilangililo ku ma chalichi. Caba cilangililo ku bantu. Mwiesha... Bushe mule—bushe mulecumfwa? [Ulukuta lwatila, “Ameni.”—Kale.] Ndesubila, pali tepu, ukutila balecite cintu cimo cine, mwamona, ne mbali shimbi she sonde. Mwamona, icilangililo ca ora cili pano. Kulingile kwaba Icishibilo icilingile ukubikwa, kibili takwali inshita apo Cali nokwisa.

¹⁸⁸ Moneni inshita ya kuteyanya kwakwa Lesa iyailya inshita. Nomba, ngefyo twaishiba ukutila Baibele yasosa ukuti, “Fyonse filya fintu fyacitike nge fyakumwenako, mwamona, kuli ifwe.” Moneni, ilyo Lesa aiteyenye ku kupingula Egypto, pakubala Aliteyenye. Cinshi ico Acitile pa nshita ya kubalilapo? Tataala ukupilibula imitantikile Yakwe.

¹⁸⁹ Inshita ya kubalilapo, ilyo Asendele, ilyo Apangile ukuteyanya Kwakwe, Atumine kasesema ne mbila. Icintu icakubalilapo Acitile ku bantu Bakwe cali ukutuma kasesema ne mbila.

¹⁹⁰ Icintu na cimbi ico Acitile, ku kulangisha uyu kasesema, Atumine i Ntumba ya Mulilo ku cawkishibilako, ku kucishiba.

¹⁹¹ Kibili icintu icacitatu eco Atumine cali icishibilo. Ico cishinka nganshi. Icishibilo, cinshi ico icishibilo capilibwile? Icishininkisho!

¹⁹² Pakubala, kasesema Wakwe ne mbila; Ailangishe Umwine eka pakati ka... pamo ne—pamo ne Ntumba ya Mulilo na kasesema Wakwe; elyo Atumine icishibilo, ku kuya pe samba lya uyu mulopa, ukutila Alisumine iyi imfwa iyakupyanyisha mu cifulo cenu. Elyo, umulopa wali icishibilo uo Alolekeshepo, ukutila mwalyumfwile imbila, ukucetekela pa Ntumba ya Mulilo, kibili mwalisumine ica ku pyanishapo ico Apele kuli imwe, kibili mwali pe samba lya mulopa wa cintu icapangwako cine ica bumi ubwafumine pa mulandu wa imwe. Ine! Ifyo cabe capwililika, ifyo ici cabe cintu capwililika, mwamona, muli pe samba lya mulopa.

¹⁹³ Nomba muli pe samba lya Mupashi, pe samba lya Mupashi wa Mushilo. Mwamona? Mwamona? Mwalicetekela i Mbila ya buno bushiku, mwamona, mwalicetekela ama—ama—ama—ama—amaka, i—i—i Ntumba ya Mulilo. Mwalicetekela cilya, mwamona, kibili mulacita.

¹⁹⁴ Nomba, nomba lolekesheni, Ukuccetekelafye takufikapo. Te ku—ku... Ukwenda ukushinguluka pantu Cibelete, tacifikapo. Mwamona, filya kuilenga we mwine ukubipisha, “Pantu uyo uwaishiba ukucite cisuma, kibili tacicita, kuli ena lubembu.” Mwamona, balya abacetekela ba pa mupaka, Yesu asosele icintu cimo cine.

¹⁹⁵ Aba Hebere, icipandwa ca 6, “Pantu teti cicitwe kuli abo abakupukulwapo, kibili baba abakumako ku Mupashi wa Mushilo, kibili no kusondapo i Cebo cakwa Lesa, ne sonde ilileisa, kibili nga bafumako, pa kuibweseha abene nakabili mu kulapila; ukumona ukutila baleitanikila abene u Mwana wakwa Lesa; kibili no kupenda icipangano ca Mulopa, uo basangulwilwe nao....” Icintu icapangwako palya cilasangulula. Cena te Cishibilo. U Mulopa te Cishibilo nomba. U Mweo e Cishibilo.

¹⁹⁶ Ubumi tekuti bubepo palya, pantu bwali bwa nama. Icintu icapangwako e cali cishibilo, mulingile ukukwata umulopa wine ukubikwa pa cibi. Lelo nomba caba u Mupashi wa Mushilo. Tuleisa kuli cena, pa kashitafye akanono, ku kushininkisha cilya, mwamona. Wena Mweo ewaba Icishibilo.

¹⁹⁷ Umweo wenu naufumapo, kibili muli abafwa, kibili no mweo wenu untu wafwa. Muli abafiswa muli Lesa, ukupitila muli Kristu, kibili aba kakatilwa mulya no Mupashi wa Mushilo. Amano ayali muli Kristu yali muli imwe. Kibili Kristu, na Baibele, ne Cebo, cimo cine. “Mukutendeka kwali i Cebo, kibili i Cebo cali pamoa na Lesa, kibili Cebo ali ni Lesa.” Elyo imwe,

kabili ne Cebo, na Lesa, na Kristu, muli cimo cine. “Kabili nga mwaikala muli Ine, kabili ne Cebo Candi muli imwe, lombeni ico mulefwaya, cikacitwa.” Mwamona?

¹⁹⁸ Abikile amaka mukatifye ka milomo yakwa Mose, ukuya kulya ne Cebo Cakwe nokulanda, kabili bacula balishile; ukulanda, bacula bali fuminepo; ukulanda, inda shalishile; ukulanda, ubumi—inda shalifuminepo. Amen!

¹⁹⁹ Lelo lilya icishibilo calefwaikwa kuli Israeli onse. Onse Israeli alefwaya cilya icishibilo. “Kabili ilyo Nkamona icishibilo, Nkamucilila.” Oh, ine, ine! Ifyo caba icishininkisho!

²⁰⁰ Israeli ukufuma mu Egypto, cali icipasho, ca cilecitika ileelo. Egypto ali ci chalichi, na Israeli aleimininako Nabwinga. Kabili ngefyo Israeli afumine mu Egypto, efyo na Nabwinga alefuma mu chalichi. Mwamona? Pantu, kulingile kwabako icintu cimo kulya kuli Cena icakufumamo, kabili Cilingile ukufumamo, eico, nga cali icipasho. I—i chalichi lili mulya mukati ka Egypto, mwi sonde kabili na mu lubembu, kabili talisakamanapo na—na—nangu panono pa mulandu wa Cishibilo cenu. Taba cicetekela no ku Cicetekela. Lelo Israeli alicitemenwe, pantu lipusukilo kuli bena. Oh! Oh! Cilingile ukutulenga abansansa, cilingile ukulenga imitima yesu... Oh!

²⁰¹ Bomfyeni Ico, mwe chalichi! Nomba mwi filwa. Bushe mwafailwa? Mwileka, mwileka, mwileka akasuba kawe. Mwiesha, mwiesha mwiesha, mwiesha ukutusha, akasuba nangu ubushiku. Mwiipela inshita. Teti cibombe, mwe bana. Teti cibombe. Mulingile ukukwata Icishibilo!

²⁰² Uletila, “Nalicetekela. Ee, Ndaya. Ine, ee, Nalicetekela i Mbila. Ine...” Ico cilifye bwino, lelo, ico—ico cisuma.

²⁰³ Lelo mulingile ukukwata Icishibilo! Bushe muleumfwa, ba Branham Tabernacle? Mulingile ukukwata Icishibilo ukulangishiwa! Ukwabula Cena, ukucetekela kwenu kwafye. Mwamona? Muli no kwikalisa ubumi busuma; mulakutika kufyo i Cebo cisosa; mulaya ku chalichi; mulesha ukwikala mu nshila isuma; ico cisuma, lelo ico Teco. “Ilyo Nkamona u Mulopa,” cilya e Cishibilo. Kabili Icishibilo pano tacaba...

²⁰⁴ Pantu, cinshi, Ena—Ena alingile ukumona icintu icapangwako icituntulu, pantu ubumi bwalifumine, ena... alifumine pali yena, yali ni nama.

²⁰⁵ Lelo kuno Wena Mweo Wakwe Uwine ewali mu Mulopa. Kabili ifyapangwa fyalyife cakumwenako nangu icilangililo ca kusangululwa, lelo u Mweo Uwine e Cishibilo; pantu ukwabula ukusebululwa, ukwabula Icishibilo, tamwabamo nangu ni mu cipangano. Icintu conse cibombela capamo. Nga mwatila mwali sembululwa ku Cebo, kabili Cenafye ceka, ninshi muli nokucetekela i Cebo; nga mwa cetekela i Cebo, ninshi Icishibilo cilingile ukwisa, pantu atile, “Lapileni, no kubatishiwa onse

muli imwe mwi Shina ly a kwa Yesu Kristu ku kulekelelwa kwa membu, elyo mukapokelela ica bupe ca Mupashi wa Mushilo.” Mwacimone ico. Oh, owe!

²⁰⁶ Moneni kanshi ukuteyanya kwa bantu Bakwe aba mpanga ya-bulayo. Moneni ifyo Acitile. Pakubala, Alikwete abantu abo Apekanishishe impanga yabo. Ali bateyanishishe impanga yabo. Kibili nomba Alitumine ukuteyanya pali yena, ku bantu ba ku mpanga ya-bulayo. Yalifye yabalya abalingilwe libela kuli ilye mpanga ya bulayo, ubushuku bwakwa Nabwinga. Kibili umusango Acicitilemo, Atumine kasesema ne mbila, ailangishe ne Ntumba ya Mulilo, kibili apele icishibili pakuti bengaba abashininkisha ukutila yali iyalingama. Ico cishinka. Cali citalaliko cakwe.

²⁰⁷ Israele, ukufuma mu Egypto lilya, cali ci—cipasho. Ici cipasho, ica Chalichi ukufuma mukati ka filonganino. Nomba, te bonse abalonganikwa. Ndelanda pali Nabwinga. Mwamona? Abantu bambo, kwalibako bambo abashaba mufilionganino ababipafye nga abamu filonganino, inshita shimo ababipisha ukucilapo.

²⁰⁸ Ndelanda pa Cishibili icabikwa. I Cishibili cilasuminishanya ne Cebo conse. Mwamona? Cilingile ukuba, pantu Cena Cebo. Caba Mweo uwali mu Cebo. “Ifyebo Fyandi fyा mu Mupashi; Fyena Mweo,” efyo Yesu asosele. Mwamona?

²⁰⁹ Ilyo Mose atendeke bukapyunga Bwakwe mu Israeli, ne fishibili ifikalamba mulemona, Israele mukwangufyanya alongene ukufuma mu Egypto yonse, ukuya ku Gosheni, ukubwekela ku ncende ya kumwabo, pantu balishibe icintu cimo cali no kucitika. Oh, ifyo caba icipasho!

Oh, baleisa ukufuma ku Kabanga na ku
Masamba,
Balefuma ku mpanga shakutali, (Ico cishinka,
mwalyumfwa ulwimbo.)
Ku kulila pamo ne Mfumu, ku kulya nga abeni
Bakwe;
Ifyo baba abapalwa abalebeshi!
Ukumona icinso Cakwe icabukata
Ukubengeshima necitemwiko ca bu Lesa;
Abapalwa abakumako ku nkumbu Shakwe,
Nga amabwe ukubengeshima mu cilongwe
Cakwe.

Oh, Yesu aleisa ililine,
Amesho yesu lyena yakapwa.
Oh, ngacakuti Shikulu wesu alishile ililine
Kulyabo abalubulwa ku lubembu?

Oh, bushe kuti camuletela insansa,
 Nangu ubulanda nokupelelwa ukukalamba?
 Ilyo Shikulu wesu mu bukata akesa,
 Tuka Mukumanya mu mulu mulwelele.

²¹⁰ Ukulangisha Icishibilo! “Kabili Nkamubuusha mu nshiku shakulekelesha.” Icine cine! Tuli mu nshiku.

²¹¹ Abantu balongene mu Gosheni. Bali abaiteyanya. Balishibe icintu cimo cali mupepi no kucitika. Balifye nga filya . . .

²¹² Kuti mwabula ifibata, ilyo yafika inshita iyakubungana pamo, fyena fyendelafye pamo fyonse. Ilyo inshimu, ne fintu fyonse ifyashala, fi iteyenya, kulaba ukuputwa kumo ukufileta pamo.

Mupashi wa Mushilo alaleta abantu!

²¹³ Oh, ilyo yafikile inshita ya cipyu cikalamba cakwa Lesa ku kwika, conse . . . Kulya kwaishile ifibata fibili, icilume ne cikota. Kuno kwaishile ifibata fibili, icilume ne cikota; kuno kwaishile bakabalwe babili, iilume ne ikota; icintu cimo cimbi calefitinta, ifyalingilwa libela. Fyonse ifyashala fyalionaika. Oh! Ifyashala fyonse fya lyonaike! Lelo balya abauwfwile kulya ukutintwa kwa kwingilamo, balishibe ukutila cilya cibwato caliteyanishiwe. Cali icishibilo ukutila imfula yali no kwisa. Balishibe ukutila imfula yali no kwisa, te mulandu ifyo icilangisho cali kabili nefyo abantu bambi batontonkenye. Balishibe.

²¹⁴ Mwaliko icintu cimo mukati kabu, icasosele, “Kengileni mulya, mukwangufyanya! Kengileni mulya, pantu ilya e ncendefye yeka iili no kucingililwa.” Pantu, Lesa aliteyenye kasesema, Atumine icibwato nge cishibilo, atile, “Kengileni mulya,” kabili ne mfula yali mukwisa. Kabili baingilefyemukati mulya, babili babili. Inama shonse shalingilemo, shibili shibili, mukati ka cibwato, pantu shaile pe samba lyaciko. Temulandu ifyo abashala . . .

²¹⁵ Kabili fyonse ifyali kunse ka cibwato fyalyonaike. Bonse kunse ka cishibilo, ca mulopa, balyonaike, bonsefye. Kabili onsefye kunse ya Cishibilo, ca Mupashi wa Mushilo, bakonaika.

²¹⁶ Te mulandu ifyo baba abasuma, ifyo ba membala ba mu chalichi baba! Kwali abengi sana munshiku shakwa Noah. Kwali abengi sana mu nshiku shakwa Mose; lelo umuntu uwafililwe ukubika umulopa, nge fyo icishibilo, cali, alyonaike. Balya abafililwe ukwingila mu cibwato, balyonaike. Abo abafililwe ukwisa muli Kristu, pantu Ena aba e Cibwato!

²¹⁷ Abena Korinto wa Cimo 12, itila, “ku Mupashi umo bonse tulabatishiwa mu Mubili umo.” Uwankama te chalichi; lelo uwankama, te filonganino; u Mubili uwankama uwakwa Yesu Kristu! “Ku Mupashi umo,” icilembo cikalamba M-u-p-a-s-h-i, u Mupashi, “ifwe bonse twaibishiwa muli uyu Mubili umo.” Elyo

Icishibili cili pa mwinshi, pantu mwaba muli Kristu. Kibili Ena e wali Umo, Ilambo lyenu, Uwaiminineko ubupingushi. Kibili ilyo Lesa arolekeshe pali cilya, tekuti Acite akantu. Mulifye abacingilwa nge fyo mulingile ukuba, pantu Lesa na Kristu aba u Muntu umo-wine, u Mupashi ukulengwa umubili no kwikala pakati kesu. Kibili ulya palya Lesa no Mwine Umwine Eka, na imwe, abana Bakwe Umwine, mukati ka Mubili. Mwacimona ico, te capangwako, lelo u Mupashi! “Nkamucilila.”

²¹⁸ Bafumine mu Egypto yonse, ku kulongana muli iyi incende imo, pakutila bengaba pesamba lya ici cishibili.

²¹⁹ Kibili balifuma mu Methodisti, Baptisti, Presbyteriani, Lutherani, Pentecosti, na fimbì ifyashala, ku kwisa pesamba lya Cishibili. Nga filya finefye cali lilya!

²²⁰ Cali ni Ntumba ya Mulilo iyaiminineko kulya. Kibili umo aebeleko umunankwe, naumbi aebeleko umunankwe, naumbi aebeleko umunankwe, kibili, icintu icakubalilapo namwisha, pano bonse batendeke ukwissa. Batendeke ukwissa, kibili balolekeshe icilangililo cakwa Lesa. Batile, “Ubupingushi nabupalama.”

²²¹ Nomba kasesema atile, “Ine ning’umfwा ukufuma kuli Lesa. Kufwile kwaba icishibili. Kibili imwe mufwile ukubika umulopa pa mwinshi. Mwipaye impaanga, mubike umulopa pa mwinshi, kibili ico ecalaba icishibili, pantu imfwa ili mupepi nokucitika.”

²²² Lekeni mwebe ileelo, nga nemubomfi Wakwe, kano Icishibili cabapo pa mwinshi, ngateifyo ninshi kupuma kwa mfwa yaku mupashi. Kibili nama chalichi yonse yali noku bwelelamo ku—kucisaka, ica Cisaka cama Chalichi ya Mwisonde. Fyonse fili nokubwelelamo ku Katolika. Kibili kamofye ifyo ifyaba ifya cine, ifya fyalwa cipyapla cipyapla, efikashala!

²²³ Ibukisheni, tefilonganino fyenu ifyaba Pentecosti, pantu fyena fyaba kale muli cena. Cilelangisha fyena ukuti fyalifwa! Fyena fyalifwa. Fyena fyaipela ilambo. Fyena fyalibwelelamo. Fyena fyabika Ena kunse yacibi, lelo Ena alefwaya Icishibili. Pantu, bena icintufye cimo ico bashintililapo kulandila mu ndimi.

²²⁴ Tamufwile imwe ukushintilila mukulandila mu ndimi, nangu icintu icili conse. Lelo lekeni Icishibili palwa Ciko cibe palya, uyu Muntu Yesu Kristu, u Mweo Wakwe Palwakwe ukuba muli imwe. Tekusembulula fye *ici, cilya*; lelo ukusembulula icintu conse, mpaka iwe na Kristu mwaba Umo. Kristu muli iwe, kibili no Mweo Wakwe ukwikala ukupitila muli iwe.

²²⁵ Nomba, nomba, ukufuma mu Egypto yonse! Kibili lolesheni nomba, ngafintu tulemona ifyo bacitile, nga fintu tulemona inshita ilepalamina, balitweba ukucita icintu cimo cine. Bushe mwalishiba ico? Moneni ifyo kasesema alandile.

²²⁶ Kibili twabelenga nomba, nga cakutila mulefwaya ukubelenga, nimu ba Hebere chapitala 10. Kibili nga cakutila mulefaya ukubelenga pamo naine, Ndefwaya ukubelenga versi imo nangu yabili pano nomba ilyo tatulalwalilapo. Aba Hebere chapitala 10, natutampile pa versi 26 iya chapitala 10 iya muba Hebere. Iyo, Nde... Natumone. Ee. Ee, mukwai! Aba Hebere, chapitala 10, na versi 26, mwamona.

*Pantu nga twabembukila itolo panuma
yakupokelela...*

²²⁷ Katumone, bushe Nimbelenga icalungama? Ee. Ico nacilungama. Ee.

*...nga cakutila twabembukila itolo panuma...
yakupokelela ukwisha icine, takwashalapo nakabili
ilambo lyapa lubemba.*

*Lelo kwashalafye ukulolela kwa kulengo mwenso
ukwa bupingishi, no kutina ukuluma kwa mulimo
ukapwisha ifilwani.*

*Pano lolesheni! Onse uyo uwashishe amalango
yakwa Mose' afwile ukwabula ukubelelwa uluse
pakushininwa kwa nte shibili nangu shitatu:*

*...nokucilapo ukukandwa ukwabipisha, nangu, nga
cakutila ena, engaba uwa lingilwa, uwanyantila pansi
ya makasa— pe samba lya makasa u Mwana wakwa
Lesa, kibili... nokumo... icipangano ca mulopa...
kuli ico ena ashishiweko, ukuba icisha shila, kibili
alikwata imisula ku Mupashi wa kusenamina uyo
uufuma mu Mulopa?*

²²⁸ Kapyunga, membala, umuntu musuma, umuntu wa mibele isuma, fyonse ifyo waba, kibili walishiba ukuti Lesa alifumyapo imishanga ya fwaka pali iwe. Abanakashi, iwe walishiba ukuti Ena alifumyapo utuputula utwipi, ne—ne mishishi iipi, nafyonse, ukufuma pali iwe... Iwe walishiba ukuti Alicita ico. Lelo nomba nga cakutila iwe walipilibuka nokucita cimbi, kibili nokumona u Mulopa wacipangano, ngefyo Cena cingaba, “icintu icishaba icamushilo,” Uyo uwakushisha iwe kibili nokukufisha pano uli!

²²⁹ Kwati ni nengu, nga cakutila shena shafika pano pa mupaka, nokulolesha konse, kibili nokutila, “Ukuba Ninjishiba cena uko cili, lelo ifyakucilinganya fikalamba nganshi. Ifwe tulemonekafye kwati fipaso,” bena bafwile mulya mu matololo. Abacetekela bapamupaka!

²³⁰ Taufwile ukufika fye *apa* nokutila, “Nalicetekela i Mbila.” Iwe ufwile wanakila inkcombe. Ukwisa muli Kristu! Iwe watila, “Ukuba, Nacetekela i Cebo conse icalandwa, na Munyina Branham.” Ico cisuma, lelo ico caba—ico cabafye ukubelenga.

²³¹ Bula i Mbila, no kuibika Yena mu mutima obe, ukuti iwe uwfile wakwata Icishibili, ulya wine u Mweo uwali muli Kristu ukuba muli iwe. “Lintu Namona Ico, Ndi nokupitilila pali iwe.”

²³² Nga fintu tulemona ifyakumwenako fikalamba ifyakupwa kwa nshita pe sonde ileelo, natwishiba ukuti ukuti ico nacilungama. Nomba lolesheni, Nalilolela pali ici, pa nshita itali, itali, pali iyi Mbila kuli imwe. Mwamona? Kibili mwalimona ifyakumwenako fyakupwa kwa nshita. Kibili Nalishininkisha Ico kuli imwe, nokulangisha Ico kuli imwe, ukupitila muli fyonse ifyo Kristu alandile. Bushe ico nacilungama? [Ulukuta Iwatila, “Ameni.”—Kale.] Mwalasuminako kuli ico? [“Ameni.”] Tuli pa mpela ya nshita. Nshilemonapo nangu cimo icashalapo.

²³³ Imwe mwatila, “Ngapalwa lulembo lwa ciswango?” Bonse balya abakana Mupashi wa Mushilo kale kale iciswango calibika icakumwenako. Ukukandwa kukesha limbi. Mwamona?

²³⁴ Mu Israeli, lintu ipeenga lyalilile mu mwaka wa Kulubulwa, umuntu onse... Moneni Kristu, mukubelenga ico? Ena abelengele fye citika wa ico, pantu citika wa ico abikilwe kuli ilya nshita. Mwamona? “Ena Antumine ukwisa bika pamo abamitima yatobeka, ukushimikila ubulubulo,” kibili nafimbipo, mwamona, lelo, Ena, “namu mwaka wakupokelelwamo uwakwa Shikulu.” Uwashalako uwa ico, Ena tatalile—Ena tatalile ukubelenga ico; Alambalike Umufungilo pansi, pantu ico cali cabuno bushiku. Mwamona? Ena abelengelefye ulubali lwa ciko, ulubali lwali lwa bushiku Bwakwe.

²³⁵ Nomba ifi efyo Ena alecita muli buno bushiku ileelo. Ifi efyo Ena alelanda, ukupitila mu Mupashi Wakwe uwasubwa, ku chalichi ileelo: Nomba enshita. Nomba e nshita. Pokeleleni Ico, mwe bantu. Pokeleleni Ico!

²³⁶ Cinshi? Tulemona inshita ishikalamba ishakulekelesha, ukubyata kwa lubuto lwa kashika, konse konse. Pa bubumbo, tulemona ububumbo bulebyasha ulubuto, “Inshita naifika.” Tulelumona lwena pa chalichi, lule byasha ulubuto. Cena nacisekwa. “Inshita naipwa.” Cena cili mwi sonde. Tulemona lwena mu—mu makumbi, pali bemba, pa fyalo, pali fyonse konse; mu kasuba, mu menshi, mu ntanda. Ifyakumwenako!

²³⁷ Tulemona ifyakumwenako ifyakupwa kwa nshita ifya Mupashi wa Mushilo ukubwelela pa bantu. Nga fintu cena cali mu nshiku shakwa Loti, ifyo Mupashi wa Mushilo abombele ukupitila muli ulya umubili wa buntunse kulya, ulya aali ni Lesa uwaleisokolola mu mubili. Ifyo Lesa engaibika mu muntu pa Lwakwe, pa Lwakwe muli Nabwinga Wakwe muli bulya bushiku, nokulangisha icakumwenako cimo cine, Yesu atile cena cikaba icintu cimo cin mu nshiku shakulekelesha. Tulemona ico. Tulemona Intumba ya Mulilo imo ine. Nangufye scienci alikopa

ifikope ifya Ico, nefyaba ngefyo. Tulemona ifya kumwenako ifykupwa kwa nshita naifika. Natwishiba fili pano.

²³⁸ Kibili nomba, ukumona ifi, nga cakuti mancetekela! Nga cakuti tamuncetekele, cetekeleni ifya kumwenako, cetekeleni i Cebo, pantu fyena filanda pafyo Ndemweba. Nga cakutila Nshimyebele i Cine, fyena tekuti filande ukubwekeshapo. Lesa talanda ubufi. Lesa alanda i Cine. Kibili nefi i Fyebo filepela ubunte bwakuti Ine ndelanda i Cine. Fyena efimo ifyo ifilepela ubunte pa Mbila intu Ndeshimikila. Te Malaika ulya eka kulya ku mumana bulya bushiku, ulya uwatile, “i Mbila yobe ili nokutangilila Ukwisa kwa cibili ukwa kwa Kristu,” imilimo palwaiko! Nga cakuti tamucetekele ukutila ulya Malaika anjebele i Cine, cetekeleni imilimo, pantu Baibebe yalanda ukuti ifi fintu fili nokucitika panshita yakupelekesha. Yena ni Yena eyapela ubunte. Yena eimo ilandisha ukucilapo pa fyebo fyandi nangu umuntu uli onse. Cena Cebo Cakwe. Fyena filanda palwa nshita.

²³⁹ Kibili tulamona ifi ifikalamba, ifyabipisha ifyakumwenako fyakulekelesha pa bantu, kibili ifyakumwenako ifya nshita, pe sonde, amacushi pakati ka fyalo.

²⁴⁰ Tulemona Israeli mu calo cakwe. Ne mendela, ulutanda-lwampela mutanda u Lutanda lwakwa Davidi, lulepupa, imendela yakale mwi sonde, uluunga lwakale mwi sonde. Ena calo. Ena buteko. Ena alikwata abantu bakwe. Ena aba mu mwi bumba lya fyalo fyaikatana pamo. Ena, ena aba, ena aba fyonse ifi fintu. Ena aba mu U.N. Kibili ena alikwata ulupiya lwakwe, ifintu fyonse. Yesu atile, “Iyi nkulo tayakapite mpaka ifintu fyonse fikafkilishiwe.” Kibili, ibukisheni, bulya bwine ubushiku Israeli apangilwe icalo, bulya bwine ebwali ubushiku Malaika wakwa Shikulu amonekele kuli ine kulya kwi shilya. Ico nacilungama. Kulya eko bonse twali.

²⁴¹ Ifintu fyonse filesontelela bwino ku Cine. Ine nsha myebapo ubufi. Nali myeba i Cine, kibili Lesa alipela ubunte ukuti Ine nali myeba i Cine. Nomba, ibukisheni, Ine ndi munyina wenu. Ndi muntu, mwamona. Ndi umuntufye pamo nga imwefye bonse, lelo umuntu umo eufwile aleta Ico, umuntu umo eufwile alanda Ico. Ico tacali busalo bwandi; bwena bwali busalo Bwakwe. Kibili Nali myeba Icine, nao Alipela ubunte ukubwekeshapo ukutila ba Cena e Cine.

²⁴² Lintu twamona ifi fintu pe sonde ileelo, oh, mwe bantu, ino ninshita yakushalikisha. Bikeni ico Cishibilo pali imwe, mukwangufyanya nga fintu mwingacita; nangu, imwe ukwingila mu Cishibilo, ingileni mu Cishibilo. Ilyo tulemona ecakumwenako icikalamba icakulekelesha, ne nshita naifika, iletusoka, “Inshita naipwa.”

²⁴³ Oh, poseni amano kuli ici! Tufwile ukuba no kutemwana umo nomunankwe. Oh, owe! Tufwile ukuba no kutemwa

nga nshi! Tamufwile ukulanda ububi ukulola kuli umo no munankwe. Nga cakutila umuntu umo apanga icilubo, mufwile mwa mupepelako bangu bwangu. Tuli bonse muli ici, pamo na Lesa. Tuli ba munyina ne nkashi. Oh, mwikale bulesa. Mwikale, mwikale kwati bana abanakashishi abakwa Lesa, mwikale kwati bana abaume bakwa Lesa. Mwikale abasuma, abaluse, abaicefya.

²⁴⁴ Mwileka ububi bwise mu mano yenu, mukutontonkanya kwenu. Cenafye, Mucifumyemofye. Nga cakutila cakonkonsha pa mwinshi, citamfyeni. Mulandefye, mulangishefye Icishibili cenu, mutwalililepo ukwenda nokutila, “Ndi pesamba ly a Mulopa!”

²⁴⁵ Ibukisheni, kwali abengi abaishile pita abanakashishi bulya bushiku, abatile, “Iwe, Gertie, Lillie, imwe bamo, bwangu fumeni, ifwe tuleya ku parte munshita ino iyabushiku.”

²⁴⁶ “Huh-huh! Ine ndi pesamba ly a mulopa. Ndi pesamba ly a cishibili, ukwikalala pano. Ukutemwa kwandi nikuli Kapanga wandi. Imfwa ili mucalo munshita ino iyabushiku.”

²⁴⁷ Kibili imfwa ili mu calo ileelo. Ubupingunshi buleloela, cena cilelolela. Ibomba ly a bonaushi, nelya kupwisha umwela, nafyonse ifya busanso, filelolela pa fyalo.

²⁴⁸ Kibili Lesa alesesha i Chalichi Cakwe, nokulangisha fyonse. Twalisunga i Mpaanga ukufika na nomba pakashita aka, ukulamona, ukumona ifyo Yena ilecita, ukumona icifyalilwa Caiko na fyonse, lelo nomba Icishibili cifwile cabikwa. Cena cifwile cabikwa. Cena ecintufye cimo. “Kano umuntu afyalwa ku Mupashi, naku menshi, ena tekuti munshila ili yonse engilemo.” Kibili bafwile ukutemwana umo nomunankwe. Abacetekela bafwile ukupatukako abene beka ukufuma kwi sonde. Tamufwile ukucangushafye cena nomba.

²⁴⁹ Nomba, imwe mwe bantu baleumfwa kuli Ici, pali tepu, imwe mwebanakashishi, imwe mwe baume, imwe kutikeni pakashita akanono. Nga cakutila mwalincetekela ine, imwe cetekeleni Ici nomba.

²⁵⁰ Yena ninshita iyakuleka ukubepesha umo no munankwe. Cetekeleni i Mbila yamuli Baibebe! Cetekeleni Yesu Kristu! Kibili nokutemwa, kibili nokucindika, no mucinshi ukuicindika umo no munankwe. Mwe baume mulecindika aba kashi benu. Imwe mulecindika amayanda yenu. Muleleta amayanda yenu capamo, pantu, ibukisheni, iyi Mpaanga yali yapa ng’anda, teimofye; pa mayanda yonse, pamo, epo aletelwe. Ifintu fyonse fyaletelwemo. Tufwile twatemwana umo no munankwe. Kibili abacetekela bafwile baipatulako palwabo kwi sonde.

²⁵¹ Moneni, bena bali tabalati fye ukwisa pamo ukulnda palwa mbila. Bena bafwile baisa pamo nokubikapo umulopa, ukubikapo icishibili.

²⁵² Ico eco mufwile ukucita. Kakumba Neville, kibili nakuli luno lukuta, abacetekela, ba dikoni, nakuli imwe mweba bwana nyina, yena ninshita iyo ifwe tufwile ukubika lubali fyonse ifya bupumbu bwe sonde, ino ine enshita iyo tufwile twabika lubali ifili fyonse fimbi. Twalimona ifingi nomba, mpaka twalisumina, mu cine. Kibili Icishibilo cifwile cabikwapo. Ukwabula Cena, imwe muli nokufwa; imwe mufwile mwafwa, ico ecintufye cimo.

²⁵³ Oh, tamufwile ukwisa capamo, nokutila, “Ine nalicetekela Ico.” Kabiyen pe samba lya Ciko, ingila mukati ka Ciko! [Icakucilinganya mu kusalanganya capumfwanya nokumfwika—Kale.] Mumusango nshi mwinga citilamo ico? “Mu Mupashi umo twalibatishiwa mu Mubili wakwa Yesu Kristu.” Umuntu onse acetekele, no mutima wakwe onse. Mwamona? Ena taba uwashingamwa pali conse icifuma pesamba lya Ico.

²⁵⁴ Ninani uyo ulelanda? [Umo atila, “Ico cilecoma ukufuma ku cilimba, Munyina Branham.”—Kale.] Amashwi-yenda mumwela ukufuma ku muulu? [“Ukwisa ukupitila mu cisoselo.”] Ukupitila muci soselo. Balikwata mulya mwine? Ningumfwa umuntu umo atila. [“Munyina Branham, Nincetekela cena cilecoma ukufumina ku numa kulya.”] Amashwi-yendela mumwela, ee. Oh, bena—bena nababikako kucilimba. Ndetunganya nabasenda... Oh, kuli ba motoka? Njeleleniko. Ninjishiba muntu umo nalandapo icintu cimo. Kibili Ndetontonkanya ukuti umuntu umo acilafwaya ukulandapo icintu cimo kuli ine, kibili bena tabacumfwa cena, mwamona imwe, kibili uyo wine emulandu Ine—Ine nacilandila ico Nacilandila. Nacimona imwe mwalolesha ukushinguluka. Nacumfwa ishiwi. Nacitontonkanya ukuti umuntu umo aciminina ukuti alandepo icintu cimo, kibili Nshacishiba ifyo cena caciba. Nomba, nomba, natotela.

Lelo, cetekeleni, beni pesamba lya Ico!

²⁵⁵ Israeli taishile capamo, nokutila, “Natuleya bonse kulya ku Gosheni ileelo. Twalaensha ukufika ku Gosheni. Imwe nineni pa ngamali, kibili twalabula ici koti kala. Kibili twalasenda ba Yonese, kuno lubali, nefili ngefyo, kibili—kibili ba Goldberg, kibili bonse twalaya ku Gosheni. Kibili namwishiba ifyo cili? Mose alalanda ileelo.” Ifyo tefyo cali. Iyo, mukwai, munyina! Cena cileti, ikaleni pesamba lya uyo mulopa! Ee, icine cine.

Tekulandapo pali Cena; ingileni muli Cena!

²⁵⁶ Umo pali bena atila, “Namwishiba, Mista Goldberg, Ine icine cine ninjishiba ukuti cena e Cine.”

²⁵⁷ “Ee, munyina, Nincetekela cena e Cine. Ine ninjishiba ukuti cena e Cine.”

“Mista Lavinski, cinshi ico uletontonkanya palwa ico?”

²⁵⁸ “Cena e Cine mukupwililika! Ine nalimona amaka yakwa Yehovah Lesa ukulanda. Nalimona filya ifyula fyafuma muli

cilya i calo. Ninjishiba ukuti cena tacacitike mpaka ena alanda ico, kibili Nalishiba ukuti ukuti ulya ni Yehovah Lesa.” Nomba, ico cilifye conse bwino.

“Bushe walisembululwa?”

“Ee, mukwai!”

“Bushe iwe walicetekela?”

“Ee, mukwai!”

²⁵⁹ Kibili nomba lintu aumfwile Kakumba Mose alanda, bulya bushiku, atile, “Lelo imwe mufwile mwaba pesamba lya mulopa, pantu Lesa atile, ‘Umulopa ecishibili.’ Cena ecishibili! Temulandu nomusango iwe wacetekelamo, umusango wasembulwilwamo; ico cali cipangano cintu Lesa apele kuli Abrahamu, kibili nefyaba ngefyo, ico ecipangano. Lelo imwe mufwile mwaba pesamba lya mulopa, ico ecishibili, pantu Ena atile, ‘Lintu Namona umulopa, Ndi nokupitilila.’ Israeli, nangu uuli onse!”

²⁶⁰ Ico cilonganino nangu icishili icilonganino, nangula umo, imwe mufwile mwaisa pesamba lya Mulopa. Methodisti, Baptisti, Presbyteriani, Pentecosti, abashaba icilonganino, conse ico imwe mwaba, cena caba pali umo umuntu. Iwe ufwile ukwisa pesamba lya Mulopa. Nomba taufwilefyen ukulanda palwa Cena; cipokelele Cena! Ng’umfweni ine! Ng’umfweni ine! Mwi Shina lyakwa Shikulu, ng’umfweni ine! Mwamona? Mufwile mwaisa pesamba lya Mulopa!

²⁶¹ Ena tali uwashingamwa pa muntu uuli onse uushali pesamba lya mulopa. Lesa alandile ica ololoka ukutila ulya onse uushakabe pesamba lya mulopa ali nokufwa.

²⁶² Lekeni Mbomfyen i Fyebo Fyakwe? Bonse kunse yakwa Kristu bali nokufwa. Nimumusango nshi mwingengililamo muli Kristu? Abena Kolinto wacimo 12, “Ukupitila mu Mupashi umo!”

²⁶³ Te, “kupitila mukuposhanya kumo, ukupitilamuli bumembala bumo, ukupitila mucilonganino cimo.” Ifyo efyo bena bale esha ukucita ico. Bena limbi kuti bacita ico.

²⁶⁴ “Lelo ukupitila mu Mupashi umo bonse twabatishiwa mu Mubili umo.” “Nga cakutila malaika umo afuma mu Muulu aisa fundisha icintu cimbi,” Paulo atile, “lekeni ena atipwe.” Iyo e Mbila, iseni muli Kristu!

²⁶⁵ Lolesheni, umuntu onse kunse yacishibili, Lesa taba uwashingamwa. Kibili Lesa taba uwashingamwa pa muntu onse, umukalamba nangu umwaice, uwaishibikwa nangu uushaishibikwa, umukankala nangu umupina, umusha nangu umuntungwa, umwaume nangu umwanakashi; Ena taba uwashingamwa pa muntu onse uufuma pesamba lya Cishibili cacipangano. Ena taba uwashingamwa.

²⁶⁶ Iwe ukatila, “Lelo, O Shikulu, Ine nalecita *ifi*. Naletamfyia ifiwa. Shikulu, Nalecita *ifi*. Na—Naleshimikila i Mbila nsumा.”

²⁶⁷ “Fuma pali Ine, wekacita wama mpulu. Ine nshatalile nkwichiba.” Ena eshibafye Icishibili.

²⁶⁸ Bushe maumfwa Ico? Tileni, “Ameni.” [Ulukuta lwatila, “Ameni!”—Kale.] Nomba, eico cena cili pali imwe. Ena . . .

²⁶⁹ Naikeleko pansi pano mulya mufimuti ubushiku bumbi, kibili abalumendo balesunguka, batile, “Pano shapita inshiku shibili, imwe tamwa . . .” Nshaipreyepo nangu kapale. Batile, “Bushe ubwafya buli pesa?” Mwamona, ifyo efyo cali. Mwamona?

²⁷⁰ Natile, “Cibiken ico pali, pali bena.” Natile, “Imwe mwali—mwalianda kuli Ine palwa ico.” Mwamona? Nomba cena cili pali imwe. Cena cishingemwe imwe.

²⁷¹ Ena tali nokwichiba nangu cimo lelo kano cilya Icipangano, ica Mupashi wa Mushilo. Kibili tekuti upokelele i Cipangano kano iwe walipusuka, wali shishiwa, kibili nomba walibatishiwa mu Mubili. Ena tekuti.

²⁷² Imwe limbi mwaipashanya, imwe limbi kuti mwaumfwa bwino, noku tolauka pa *muulu-na-pesamba*, ukulandila mundimi, nokushanina mu Mupashi. Ico tacakwata icintu nangu cimo icakucita Neco. Umfwa Cena, mwi Shina lyakwa Shikulu! Lesa teshiba ifyo. Abasensi nabo balacita ifyo. Indoshi nasho shilacita ifyo.

²⁷³ Iwe watila, “Ndi musambi. Ndacita *ici*, *cilya*, nangu icintu *cimbi*.” Ena tasakamana nobwingi bwakusambilila kobe. Ciwa nao efyo aba, pamo, mwamona.

²⁷⁴ Ena eshibafye *ici*—*ici* Icishibili. Iyo e Mbila ya nshita! Iyo e Mbila ya buno bushiku! Iyo e Mbila ya ino nshita! Mwi Shina lyakwa Yesu Kristu, pokelela Yena!

²⁷⁵ Teya kup-...kupyanishapo, icintu cimo ciwa engabika pali iwe; kwati kutemwa kwabufi, ukwakulenga umwaume ukutemwa umwanakashi umbi kulubali lwa mukashi wakwe, nangu umukashi ukukwata umbi kulubali, nangu fimo ifi pano ifintu fimbi, icintu icamusebanya. Uko tekutemwa ukutuntulu. Uyo ni ciwa. Iyo emilimo yakwe. Cena cintu cimo ena aesha ukukupela iwe, muciful; ca kusangalala, wanwa nokumfwa bwino palwa ico, watila, “Ine ni namafya; Ine nalaya nokunwamo ubwalwa panono, nokulabako kuli ico.” Iyo nimfwa.

²⁷⁶ Lesa ekusangalala kwenu. Lesa e maka yenu. Ukwishiba i Mbila, ukwishiba Icine, ico ebwingi bwesu nomba. Ena e bwingi-bonse ubwandi. Muli Ena, ifintu fyonsé Nkabilafyaba muli Ena. Uyo e maka yesu. “Ubwafwilisho bwandi bufuma kuli Shikulu.” Imwe mwebena Kristu, lolesheni kuli Ena kuku sangalala kwenu, lolesheni kuli Ena ku maka yenu, lolesheni kuli

Ena ku nsansa shenu. Ena e mutende wandi. Ena eku sangalala. Ekutemwa kwandi. E Mweo wandi. Ico e Cipangano, Icishibili pa mwinshi!

²⁷⁷ Taba uwashingamwafye pa muntu umo, umuntu umo, temulandu na untu waba, Ena taba uwashingamwa, kuli abo abafuma pe samba lya Cena.

²⁷⁸ Kibili ibukisheni, ulupwa lonse lwabulilwe, lwaletelwe capamo. Oh, owe! Oh, ibukisheni!

²⁷⁹ Iwe watila, “Ukuba, bataata bandi niba kashimikila. Munyina wandi! Kakumba wandi! Uwandi . . .” Ico limbi kuti caba i cine, pamo, lelo ngapa lwa iwe?

²⁸⁰ Ibukisheni, kubafye ukucingililwa lintu icishibili calangwa! Nga cakutila umuntu ali pano pesamba *pano*, no mwana wakwe aali kwishilya lya musebo, ena ninshi aali mibusanso, ena kuti afwa. Wishi wakwe kuti apusuka. Nangu, nga cakutila umwana aali *kuno*, na wishi wakwe euli kulya, wishi wakwe kuti afwa. Cishibilofye epela! “Lintu Namona icishibili, Ndi nokukucilila.” Icofye ecintu cimo.

²⁸¹ Iwe kuti watila, “Ukuba, umwana wandi nikashimikila.” Imwe banyina mutila, “Nalikwata umulumendo wacenjelesha,” nangu “umukashana wacenjelesha. Nde mweba, bena ebaba ifintu fya wamisha. Balisulamo pamo na Mupashi wa Mushilo, kibili nokutemwa ukwaba ngefy! Bena baba abanakila. Nshamonapo icaba ifyo!” Nga palwa iwe, mayo?

²⁸² Iwe watila, “Ba mayo wandi e cintu cawamisha. Nalishiba, nga cakutila bena bafwa, bali nokuya ku Muulu, pantu bena balikwata icine cine Icishibili, Munyina Branham.” Lelo nga palwa iwe, nkashi? Ulupwa lonse lufwile lwaisa pe samba.

²⁸³ Bushe namunaka? [Ulukuta lwatila, “Iyo.”—Kale.] Nala . . . Yena yaba twelufu koloko . . . Lolelenikofye pakashita akanono. Nalaputulako lyena kibili twise tutampe munshita yabushiku nakabili. [“Iyo.”] Lelo ngamu—ngamulefwaya ukulolelakofye akashita akatali panono, Nalaesha ukwangufyanya nomba. [“Ameni.”] Nalabikamo ici nombaline, pantu Ndetontonkanya nombaline ilyo pesamba lyakusubwa kwa ico, cena kuti caba icawama nga cakutila imwe mwacumfwa nomba line.

²⁸⁴ Kano fye lintu Icishibili calangwa! Nomba, ninshi elyo ulupwa lonse mufwile ukuba pe samba lya ico Icishibili, u Mulopa. Bataata naba mayo, Ninjishiba ifyo muleumfa. Naine nalikwata abana, pamo, Ine mfwile namona ukuti bapusuka. Ndelanda kuli ine nemwine pa lwandi ileelo. Mwamona? Nalikwata bamunyina. Nalikwata ba nkashi yandi. Nalikwata abatemwikwa. Naine—Naine ndafwaya ukumona bena bapusuka, pamo. Lelo, ibukisheni ukuti ukwabula ukulangwa kwa Cishibili, bena bali nokufwa. Takuli ukubuka

kuli bena. Ico nacilungama. Bena ninshi nacipwa. Kanofye lintu Icishibili calangwa!

²⁸⁵ Lolesheni, Yoshua, atukwata inshita nga twacibelenga ico. Lembeni ico, Yoshua chapitala 2; ukucetekela kwa kwa cilende u Mwina fyalo, Rahabu.

²⁸⁶ Oh, Ine ukufwaya kwandi kwakutila kanshi aciba muma naini koloko. Ine nga nacifwaya—Ine nga nacifwaya ukubula ico kabilo nokulangishafye imwe ifyo cilya cali kulya, mwamona.

²⁸⁷ Uyu cilende, u Mwina fyalo, moneni, ulupwa lwakwe lonse. Ena aali uwacetekela. Bonse balupwa lwakwe baali pesamba lya bushishi bulya ubwakashika, cilya icishibili. Bena baile pe samba lya ciko, pantu nga balifwile. Bena balyumfwile pa bukali bwakwa Lesa. Balyumfwile pa fyakumwenako ifyalelangwa ne fipesha mano ifyakwa Lesa pakati ka bantu Bakwe, kabilo bena bali fipokelele fyena. Ena aali cipokelele ico. Lesa, malaika wakonaula aleisa. Balishibe ico. Kabilo Yoshua ewali ulya malaika. Bena balifye mucalandilwe.

²⁸⁸ Kabilo efyaba ne calo icili conse, mwi sonde, ukuba mu Bupingushi bwakwa Lesa ubwalandwa!

²⁸⁹ Uyu umunono, cilende mukalamba, ena alyumfwile. Icicetekelo cishila mukumfwa! Ena atile, “Icalo conse na cipumfyanihiwa palwa iwe.” Ico nacilungama.

²⁹⁰ Nomba, inengu ishatuminwe ukuya mulya mukuya pekanya, mafimbi po, ena acindike balya bantu. Kabilo, ena alefwaya ukupusuka. Atile, “Ine nalishiba ukuti Lesa wenu ni Lesa, kabilo Nalyumfwa pa fintu ifikalamba ifyo Acita. Nalishiba ifyo Acita kufya ku fyaku Balilapo, kabilo Nalishiba ifyo Acita ku fyalo fyalekana lekana. Kabilo Nalimona ukuti bonse Abamupokelele balipusuka, kabilo nabonse Abashamupokelele balyonaulwa. Kabilo Ine ndefwaya ukuba no mweo,” ena atile. Oh, owe! Nifyo fine. “Ndefwaya ukuba no mweo.” Pantu benafye . . .

²⁹¹ Moneni, Yeriko alyumfwile ifyo Lesa alecita, lelo tabalefwaya ukumfwa ku cakusoka.

²⁹² Kabilo takwaba icilonganino muli cino calo, ukushinguluka, ico icishaumfwa ifyo Lesa alecita. Fyena tafifwaya ukumfwa ku cakusoka.

²⁹³ Amaka yakwe ayakalamba nefya kumwenako fyalilangilwe. Ifyo Ena acitile, Ena aabwike ukupita muli Bemba Wafwa, kwati nipa mushili wauma. Ena acitile, Ena apangile ifintu, noku panga, ifyula, ne nda, ne mpantila ukwisa mu lwelele; afipangile fyena ne Cebo Cakwe, ukupitila muli kasesema Wakwe. Ico tacali cankama. Bena balishibe ico.

²⁹⁴ Kabilo Rahabu atile, “Ine nalyumfwa ico. Nshilefwaya ukufwila pamo naba abasha cetekela. Iyo, mukwai!” Nalishibe ukuti ubupingushi ebuli nokukonkapo pali ico, pantu bena

balifye mucalandilwe. Ena alishibe ico. Eico, bena bamupangile inshila yakwe iya kubutukilamo ico.

²⁹⁵ Bena bafwile ukuti bacetekela ukuti icilonganino cabو icikalamba mu Yeriko cali nokukanya ubukali bwakwa Lesa, mwamona, icilonganino cabو icikalamba.

²⁹⁶ Ifyo efyo ifingi pali fyena filetontonkanya ileelo. “Oh, icine cine Lessa teti acite ico.” Ifyo efyo Satana alandile kuli Efa. “Oh, icine cine Lessa teti acite.” Ena ali nokucita, pantu Atile Ali nokucita, mwamona, ico e Cebo Cakwe. Ee, mukwai.

²⁹⁷ “Kano umuntu afyalwa cipyא cipyא!” “Kabili ifi ifyakumwenako filifye nokukonka bena balya abafyalwa!” Mwamona? “Ifi efyo abantu bonse bakamwishibilako ukuti imwe muli basambi Bandi,” nefyaba ngefyao, mwamona. Nacilungama, balefwaya ukucita ico. Oh!

²⁹⁸ Cinshi icacitike? Nomba bonse balisalilwe. “Takuli ukupuputula kuli nokucitika pano. Icilonganino cesu tacatakatungilile ica ifyo. Tatwa kakwate icintu camusango ngoyo icabulamo amano pakati kesu. Ndelesha uyo onse pali imwe ukuya ku kulongana kulya.” Huh! Yeriko, ali uwaltungama muli cilya icakukandwa!

²⁹⁹ Lelo kwaliko abalumendo bamo abakwete tepu abailemo mumo muncende, kulubuto ulwa mwenenwe libela. Bena apangile ing’anda nokulisha ama tepu. Ena apangile ing’anda iyakwe—iyakwe ing’anda ukuba ichalichi, ukupokelela imbila.

³⁰⁰ Bena balibasangile, namwishiba. I Mbila yafikile ku Lubuto ulwa mwenenwe libela, nangu cibe ifyo. Tatwaishiba umusango Lwena lwafikilemo kulya, lelo Lwena lwafikile kulya, icakutila a Balungami tekuti bafwile pamo nabasha lungama. Lesa aleolekeshamo muli ico, ileelo. Ee, mu nshila imo Cena casokelelemo mukati. Ifwe tatwishi umusango untu. Nangula teti bacitungilile Cena, lelo kulya kuliko i Mbuto shimo kulya isho isha mwenenwe libela.

³⁰¹ Uuli onse uwaishiba icili conse pali Baibele, alishiba ukutila ulya cilende ali lingilwe kalibela. Ena efyo ali mucine! Tacitile...Baibele yatila, “Taonaikile pamo nabo abashacetekele.” Ico cishinka. Lelo ali cetekele i Mbila ya ora.

³⁰² Kabili Lesa ali mupele icishibili, ku nkcombe Shakwe. Atile, “Senda akakashika, akatambo akakashika no kukaka pa yobe...” Batile, “Ibukisha, nga taulekaka kalya katambo palya, nangu ukukasha palya, apo twabutukila, tatukwete umulandu pa mulapo wesu.” Kabili atile, “Nga wafumamo mwisamba lya kako, tatukwete umulandu.” Oh, owe! “Rahabu, ulubuuto lonse ulwalingilwe libela muno, waya kulya no kuya mukubafwaya. Senda bawiso, banoko! Pantu, elyo twafuma fye, pesamba lya cilie cakukonsolwela, mulya mu Egypto, kabili na conse icishali naifwe pesamba lyacilye cishibili cali onaike. Rahabu,

Ndekupela icilangililo. E cishibili. Kabili Ndetila, mwi Shina lyakwa Shikulu, ngefyo ningasosa, nga kuti mwabike ico! Nalishiba pali cilya, pamo ne nkcombe. Nalishibana na malaika wa cipyu, Yoshwa. Ninkombe yakwa Lesa iyonaula. Nalishibana nankwe, kabili alishiba ukutila kulingile kwaba icilangililo ca cishibili. Kabili ukulike cilya pa mulu palya, kabili Ndekweba mucine. Ndelapa umulapo.” Kabili Lesa alilapo mulapo, pamo, ukutila ico icali kunse yaciko cali nokonaika, kabili na conse icali nokuba pesamba lyaciko cali nokuba no mweo.

³⁰³ Nomba, umulapo umo wine ileelo, icintu cimo cine, mwamona, “Nshakaleke imwe ukonaika pamo nabo abashacetekela i Mbila.” Kabili bena...

³⁰⁴ Alyumfwile pa milimo iyacitilwe, kabili alicetekele ici. Lelo, nalimo, ali... Ena na bawishi, na bandume yakwe bamo, nangu icintu cimo, bekafye ebacitetekele, mu musumba onse.

³⁰⁵ Mwamona ifyo baba abanono? Umo fye *kuno* na *kulya*, ulupwa ulunono lukesa ukufuma ku musumba. Cishinke ico? Ukupalanafye nomba, pano tulelanda ifishinka. Twaba... Nga muli nokumona icakupashanya ifyo caba, mulingile ukumona ifyo ukupashanya kwali pakubala. Mulingile ukumona icinshingwa efyo cili, lyena ninshi mwaishiba ifyo icintu icituntulu cili no kumoneka. Mwamona?

³⁰⁶ Amaka yakwe yalilangishiwe. Ubupingushi buli mu mulongo. Balingile ukucetekela, pakuti bengapusuka. Ee, mukwai. Kabili utu tunono...

³⁰⁷ Aba abalumendo balile mulya, ishi nkcombe, kabili-kabili shaikete lulyo lubuto ulwalingilwe libela ulwacetekele. Abomfeshe ing'anda yakwe nge chalichi, ku kupokelela ishi inkcombe. Tekuti babasuminishe ukwingilamo mulya mu machalichi. Iyo, mukwai. Mwamona? Eico ena...

³⁰⁸ Tekuti bamusuminishe, naimwe pamo. Bali nokumutamfy a nga mwasosapo icili conse pali Cena. Ee. Mwamona?

Bali sendele bonse mu musumba wakwe, abo abenga cetekela, pesamba lya cishibili.

³⁰⁹ Filya fine efyo tulingile ukucita ileelo. Nga mulefwaya umutemwikwa umo ukupusushiwa, mulingile ukubengishamo ino ine nshita. Mwamona?

³¹⁰ Ilyo icipyu cakwa Lesa icaonawile ulyo musumba uukalamba, icilangililo ca cishibili calikatilile ing'anda yakwe bwino bwino. Ameni. Cinshi? Icilangililo cali pa cishibili cakwe... Nangu, icishibili cali pa ng'anda yakwe, ilyo umusumba onse watensiwe ukuwa panshi. Cali ni cinshi? Cali ni cinshi? Yoshwa, inkcombe yakwa Lesa! Lesa Umwine alishibe imbila ya nkcombe Yakwe. Ameni! Yali cishininkishe. Yali cishininkishe. Balishibe imbila. Alishibe imbila ya nkcombe Yakwe. Kabili ilyo umusumba onse waposelwe panshi, palya pali

iminine icishibili cakashika icakwa Rahabu palya pa mwinshi, kabi bonse abashala balifwile.

³¹¹ Elyo, lilya line balile bamalaika abonaula no konaula ifili fyonse ifyali mu musumba, tapali nangu akaputulwa ka fipe akasheleko. Umo alisendele fimo ifipe, kabi alionaike pamo nafyo, ukufuma muli cilye cilonganino. Babulile icintu conse no kuconaula! “Alitipwa umuntu uyo uwesha uku ukula. Umwana wakwe uwabubeli akafwa nga atendeka,” kabi na fimbipo. Lesa ali utipile filya fine, cilye cintu cikalamba ico icakene iyalo-... imbila ya luse ne nkumbu, batontonkenye ukutila bali abacingilwa bwino.

³¹² Abantu abengi batontonkanya, ileelo, “Pantu Naba kwichalichi, Ndi fye uwacingililwa bwino.” Mwilaesha ukucetekela ubuwelewele bwa musango yo.

³¹³ Ilyo, “Umulopa ukaba icishibili kuli imwe.” U Mupashi nomba Cishibili kuli imwe, Ubumi ubwali mu Mulopa.

³¹⁴ Cimo cine, ka tutontonkanye ukuti, icishibili cimo cine ico babomfeshe mu Egypto, ubumi bumo bwine bwa cishibili ubwali mu Egypto, bwali mu Egypto, Lesa abomfeshe icilangililo cimo cine kulya lubali. Yoshwa, icipasho icapwililika icakwa Yesu, ali uwa cishinka ku cishibili ca cilangililo ico inkcombe shakwe shashimikile. Yoshwa, ilyo asosele ukutila, atile, “Mwikumya kuli ilye ng’anda nangu icili conse muli yena. Naisungilwa kuli Shikulu.” Ameni!

³¹⁵ Umwina Fyalo, cilende, cendeende, lelo alyumfwile no kucetekela, kabi alibikile icishibili.

³¹⁶ Te mulandu ifyo waikala mulubembu, ifyo wacita, cilya tacakwatapo nangu cimo pali cena. Bikeni Cishibili. Cakuli imwe. Nga mwaumfwa mu mitima yenu kuli icintu cimo ciletinta, Cenu imwe. Bikeni Icishibili. Kabi no mukalamba Yosh-...

³¹⁷ Ishiwi *Yoshwa* cipilibula “Yehoba-kapususha.” Cimo cine na Yesu, cipilibula “Kapususha.” Kabi, Yoshwa, ilyo aishibe inkcombe shakwe...

³¹⁸ Inkcombe shakwe shalibwelelemo, kabi shatile, “Natumfwila amafunde yenu. Kabi kwaciba umukashana twacisanga, ilyo twacilisha amatepu, namwishiba. Twacisanga umukashana uyo uwacitetekela. Kabi twacimweba, ukutila bonse abo abakesa pesamba lya cilye cilangililo cakashika kulya, icishibili, kuti capilibula. Nomba Nalishimikila cilya. Bushe walacifikilisha, Yoshwa?”

“Nalimutuma ukuya cicita.” Ameni.

³¹⁹ Elyo kabi lintu, ukutila, Lesa alicifikilishe, ing’anda tayatalile ukupona pansi. Elyo kabi lintu Yoshwa aiminine palya no kupela icilangililo ku konaula icintu conse, aliile ukuyafye pamulu, kabi na Rahabu na bantu bakwe bonse

baliikele bwino bwino, kibili ne fipe fyabo fyonse, ameni, ameni, ifipe fyabo fyonse fyali mu ng'anda, ifyacingililwa. Baiminine fye palya, kibili tabalingile ukulolesha pe windo. Kuti babelenga Amalembo ilyo ubulwi bwatwalilile.

³²⁰ Alishile bwela no kukobekelwa, ukukobekelwa kuli cilolo wa bashilika, kibili alisungilwe, kibili aishile mu Betlehemu, kibili icikwatwa cakwe calipelwe mulya kuli bena. Kibili afyele u... afyele umwana uwalumbuka, kibili ulya mwana uwalumbuka afyele naumbi umwana uwalumbuka kibili ulya umwana afyele naumbi umwana uwalumbuka, mpaka umukalamba, u Mwana uwalumbuka alishile. Ukubwelela nakabili ku numa, kibili ukutwalilila ukupitila muli Obedi, kibili ukutwalilila ukupitila muli Jesse, kibili ukuya mpaka muli Davidi. Ico cishinka, cilende Rahabu, pantu ali cetekele inkombe. Ali cibomfeshe icishibilo, kibili ne ng'anda yakwe yali pusushiwe, nangu nga alyonaike kwisamba kulya kuntu abelele.

³²¹ Kutikisheni nomba. Oh, ukutila, bushe mulecimona? Bonse pesamba lya cena bali pusushiwe mu Egypto. Bonse pesamba lya cena bali pusushiwe mu Yeriko. Bonse pesamba lya Cena bali no kupusushiwa ileilo. Ukucingililwa kwa-mulopa, umulopa wa mwana wa mpaanga, cipasho cakwa Yesu Kristu.

³²² Mu Bahebere 13:10 na 20. Nshikwete inshita iyakulibelenga. Lilembeni. Nga nacilibelenga. Litwa "icipangano ca pe." U Mulopa wakwa Yesu Kristu witwa "icipangano ca pe." Ee, mukwai! "Icipangano ca pe."

³²³ Cinshi tacaitilwe "icipangano ca Muyayaya"? Pantu tekuti cibe ca Muyayaya. Ilyo twalubulwa, lyena ninshi capwa. Cena ca pe, ico cilepilibula, "iciputulwa cimo ica nshita," mpaka ilyo inshita yapwa. Takwakatale ukubako nacimbi. Ilyo inshita yapwa, tatwakafwaye icipangano nangu cimo. Lelo mpaka ilyo inshita ikapwa, tulefwaikwa icipangano.

³²⁴ Nomba, ibukisheni, aba Hebere 13:10-20, "icipangano ca pe." Umulopa-uucingilila uwakwa Lesa uwalaiwa ulatulenga ukuba abantungwa ku lubembu. Amen! Tamwaba ulubembu muli Ena; ulubembu, ukuitemwa, umubili.

³²⁵ Mushinshimuneni Ena no kulangisha amaka Yakwe ayalaiwa! Umulopa wakwa Lesa-uucingilila, icishibilo-icicingilila, abantu ba cipangano bali kwata u Mupashi wakwa Yesu Kristu muno, ukutila, "Uyo uwacetekela muli Ine, imilimo iyo Ncita, nao akalacita pamo," ukulangisha icipangano. Mwamona?

³²⁶ Icipingo Cipyä! *Icipingo* cipilibula "icipangano." Ico cishinka, bushe tacili, Dokota Vayle? *Icipingo* cipilibula "icipangano." *Icipingo* Cipyä cipilibula "icipangano cipyä." I Cipangano Cakale cali icakale, pesamba lya mwana wa mpaanga, ukuti ubumi tekuti bubwelele pa wacetekela. I Cipangano Cipyä cali umwana wa Mpaanga wakwa Lesa, kibili

u Mweo Wakwe bulabwelela pali ifwe. Ubumi bwa Mulopa! Mwamona? Umulopa Mweo mu Cipangano Cipy, mwamona, u Mweo wafuma mu Mulopa wa mwana wa Mpaanga, ico cipilibula Icipangano Cipy, umulapo uupya.

³²⁷ Ukuti, Lesa, “Panuma yashilye nshiku Nkalembe amafunde Yandi pa matebulo ya minofu ya mitima yabo.” Mwamona? Mwamona? “Te pa matebulo ya mabwe, no mulopa wa mwana wa mpaanga, ico mwalingile ukusosa, ‘Ee, Ni—Ninkwata umulopa kuno lubali, nomba cinshi ico ulando kucita?’ Lelo pa matebulo ya mitima yenu, mwamona, u Mupashi wa cipangano eo Nkapanga naba abantu.”

³²⁸ Kibili Cilangisha amaka Yakwe. Yohane 14:12, itila, “Uyo ucetekela muli Ine, imilimo iyo Ncita nao akacita.”

³²⁹ *Icipingo Cipy* e “cipangano cipy,” Ubumi ubupya, cilangisha ukuti Yesu alikumanya fyonse ifilefwaikwa kuli ifwe ifyo Lesa alefwaya, ku kutulenga tubwelelemo, mucine, abana abaume na bana banakashi bakwa Lesa, pesamba lyu Mulopa, apo apashaba nakabili ukusekwa.

³³⁰ Abena Roma 8:1, “Takwabanomba ukusekwa kuli abo ababa muli,” te abo abale *Cicetekela*, “abo ababa muli Yesu Kristu, abashendela umwalolo mubili, lelo umwalolo Mupashi.” “Kibili i Cebo Candi Mupashi kibili Mweo.” Mwamona? Oh, bushe teti Nsende isambililo ukufuma pali ici no kwikalapo nalimo ama ora nayambi. Lelo twala angufyanya pali lyena, mulemona.

³³¹ Takuli nakabili ukusekwa; umuntungwa ku lubembu, umuntungwa ku kusakamikwa ku fyesonde, takuli kusekwa. Mulandu nshi? “Kuli abo abali, ku Mupashi umo, balibatishiwa mu Mubili umo.” Palya u Mulopa wa mwana wa Mpaanga naubikwa. Lesa uwa ku Muulu nakupokelela, kibili ubobe... Ubumi Bwakwe buli muli imwe, kibili muli abana baume na bana banakashi bakwa Lesa.

³³² Imibele yenu e mibele yakwa Lesa. Nicinshi, umunono uwakusunkamofye? Iyo, mukwai! Lesa ni Lesa wa bupingushi. Ni Lesa uulungamika. Cilingile caba mu lutampulo. Takuli nangu cimo icikabomba. Uyo e musango wa mibele mwabelamo, pantu mwakwata imibeleya ba Shinwe. Mwamona?

³³³ Cinshi? Umweo, moneni ilyo (wena) umweo wasendwa, pamulandu no mulopa. Mwamona? Umweo uwine wasendwa. Mwamona? Umweo, wasendwa, pamulandu no mulopa. Mwamona? Umulopa walibikilwe, no bumi tekuti bwise pa wacetekela lilya, pa bumi bwa nama. Te bumi...

³³⁴ Lelo, moneni, mucifulo ca muntunse, cali uwapulishamo, uwapulishamo, u Muntunse uwapulishamo. Mwamona? Kibili calenga umuntu nse nomba ukukanabafye umuntu nse, lelo ena mwana umwaume no mwana umwanakashi uwakwa Lesa, ku bwapulishamo, ubwapulishamo, ubwapulishamo,

ubwapulishamo, ubwapulishamo u Mweo uwali muli Ena, ulabwekela pali imwe, kibili bulamupilibula ukufuma ku mubembu, naku fintu ifya calo, membala wa lukuta, kibili ku uya ku cilonganino, ku mwina Kristu uwafyalwa-cipyaplia cipyaplia, uwaisushiwa no Mupashi; u Mweo wakwa Lesa ulepongolokafye ukufuma muli imwe, kwati ni nsase shilefuma ku nondo, ilyo uleenda, uwaisulamo ubulamba, no kutemwa, no bupete, kibili nga filya Mupashi wa Mushilo wenda, ukulalanda. Oh, owe! Mwacimona ico. Kibili na (ku cinshi?) ukumfwa i Mbila, ukumona i Ntumba ya Mulilo, kibili ne cishininkisho icapalwa, “Nalifuma mu mfwala nalingila mu Mweo.” Moneni, eico, takuli ukusekwa nakalya.

³³⁵ “Nge mitima yesu taituseka, lyena ninshi twalikwata ifyo tulomba,” mwamona, “natwishiwa.” Lelo ulubembu nga luli mu mitima yesu, lyena, tulasekwa, ifwe—ifwe cawama fye tatutendeke no kutendeka. Mwamona? Mulingile ukuba abantungwa ku lubembu. Kibili inshila fye imo mwingaba abantungwa ku lubembu caba ukwingila muli Ena. Ico e cabapofye icakufimba ceka pa lubembu, ni Kristu.

³³⁶ Ibukisheni, icipangano ca Mulopa, icipangano ca Mulopa tacishibwa ukwabula Icishibili. Tekuti mucicite. Ta mwakacicie. Mwatila, “Cisum, Na—Nalisangululwa ukufuma ku fintu.” Ico te Cishibili. Cena Mupashi, e Cishibili, u Mupashi wakwa Kristu pali imwe. Cicetekeleni!

³³⁷ Nomba, lolekesheni, i Cebo cila tupela icishininkisho ca bulayo. Yonse aya malembo eyo Nembele pano. Ukutwalilafye ukushimikila akasuba konse, efyo cilemoneka, mwamona, pali cena. Mwamona? I Cebo cilatushininkishisha ubulayo, pantu Cena bulayo. I Cebo e Bulayo, kibili i Cebo ni Lesa, kibili i Cebo ce—cesu. Kibili tulesa mukuba i Cebo, kibili i Cebo cisa mukuba ifwe. “Kibili nga mwaikala muli Ine, kibili ne Cebo Candi muli imwe,” lyena, mwamona, cilesa mukuba ulupwa lomo ulukalamba. Mwamona? Cila tushininkishisha. Mulandu nshi? Cisuma, cilundwa cesu. Mwamona? Mwamona? Mwamona, Cilesa mukuba icilundwa cesu. We lembo we! Cisuma. Citushininkishisha, ubulayo.

³³⁸ I Cishibili e cilangililo ukuti amalipilo nayacitwa no kupokelelwa. Nomba, tekuti mupoke icishibili pa malipilo ye shitima mpaka mwalipila umutengo; kibili inshilafye imo iyakulipila umutengo kuulipila. Ico cishinka. Cinshi? Cetekeleni Ico. Cetekeleni Ico. Icumfwila icituntulu ku Cebo cakwa Lesa conse cikamulenga ukukumako ku Cishibili. Icumfwila icituntulu! Te ciputulwafye ca Ciko ukufika apo icilonganino cenu cipela, lelo Consefye. Ukumfwila ukutuntulu pa Cebo, uwaba ni Kristu, cilamuleta muli Kristu.

³³⁹ Nomba nga cakuti fye walingile onse, lelo amakasa yobe yalepelela kunse? Nga nga walingile onse, na maboko yalepelela

kunse? Bonse ifwe fwe bengi tulabamo, lelo imitima ilepelela kunse? Mwamona? Mwamona? Umutima uli mwisonde nelyo line? Mwamona? Lelo tatuicia ico.

³⁴⁰ Icituntulu, icumfwila icapwililika cilabika imwe ne Cebo ukuba Umo. Mula Cicetekela, conse fye. Kibili na Conse fye cili muli imwe, kibili mula Cimona ukubomba ukupitila muli imwe.

³⁴¹ Tamwenda pamo ne bumba ilyenda cendeende. Mwamona? Muli bena Kristu. Te mulandu ifyo umuntu uuli onse asosa, tabakatale ukumwikata. Muli muli Kristu. Muli abacingililwa ngefyo mwingaba.

³⁴² Ilyo imfwa yakonkosha pa mwinshi, taikwete amaka, mwamona, nakalya iyo. Mulandu nshi? Cabafye ukufuma *muno* nokuya Mulya.

³⁴³ Imyaka taipilibula nangu cimo. Imwe mwalipita mu myaka. Muli mu Muyayaya, pantu muli muli Ena. Ena wa Muyayaya. Tacipilibula akantu nangu kamo, nangu mube abaice, abakote, abakalamba, nangu fyonse ifyo mwaba. Umusuma, umubi, umwipi, uwaina, icinshi, tacaba nangu cimo. Tacaba.

³⁴⁴ Tamuya uku no ku, kibili nafyonse ifi fintu. Imwe, mwalipita ukufuma kuli filya. Muli abafwa. Ubumi bwenu bwafiswa muli Lesa ukupitila muli Kristu. Muli abakakatikwa mukati mulya ku Mupashi wa Mushilo, ukwenda muli Kristu. Icintufye cimo ico mumona ni Kristu. Epelafye. E Cimofye, ico mwendela ko. Oh, owe! E mulandu wine twaleimbila lulya lwimbo ulunono:

Isusheni inshila yandi cila bushiku ne
citemwiko,
Ilyo Nde enda ne Nkunda yaku Muulu;
Lekeni ndeya yonse inshita, no lwimbo ne
nsansa,
Isusheni iyandi . . .

³⁴⁵ Lekeni mbe munyina. Lekeni njikale icilangililo pafyo Kristu asosele umuntu alingile ukuba. Lekeni mbe munyina kuli munyina, munyina kuli nkashi. Lekeni mbe ka—kashimikila kuli ba kashimikila. Lekeni mbe icilangililo ca filangililo. Lekeni nangishe kwisonde ukuti ici i Cebo ni Kristu. Inshilafye imo iyo Ninga cicitilamo caba ukwisa muli Ena. Pantu, teti Ncicite palwandi, tekuti mucicite. Lelo lekeni i Cebo na imwe mube Umo, lyena Cilekala Icine ceka. Muli nkalata iileenda iyakwa Yesu Kristu, ilyo Akwata ukwapwililika uku- . . . ukutungulula ukwapwililika, ukutungulula imwe, ukulenga i Cebo conse.

³⁴⁶ Nga Aishila *uku* lubali, “Ndefwaya ukucita Ici,” kibili imwe mwatila, “Iyo, iyo, Nshicetekela Cilya,” mwamona, tamulati mube mu Cebo. Mwamona?

³⁴⁷ Icituntulu, nomba Iolekesheni, umupwilapo, nomba, icumfwila ica pwililika ku Cebo conse icakwa Lesa cilatulenga

ukukumako ku Cishibilo. Kanshi ilyo twalipila, tulepepa, tulingile ukukwata Icishibilo icakupela pamo na mapepo yesu.

³⁴⁸ Nga mwasona, “Ndepepa, Shikulu, lelo mucine Nshakwata...” Cisuma, tamucita. Cawamafye nokuleka, mwamona, ku...Twalilieni, pakubala, sendeni Icishibilo, mwamona, pantu cilya Icishibilo eco Ali nokwishiba. Mwamona? Ee, mukwai!

³⁴⁹ Ilyo tulepepa, lyena ninshi tulingile twalangisha Icishibilo, “Shikulu, Namumfwila Imwe, umupwilapo. Nindapila ku membu shandi. Ndeumfwa ukuti na Mumbelelo luse. Nalibatishiwa mwi Shina lyakwa Yesu Kristu. U Mupashi wa Mushilo uli pali ine. Nomba Ndekabila icintu cimo ku bukata Bwenu. Shikulu, Ndecilombelepo. Candi nomba.” Elyo kulaba icintu cimo iciikasha mukati *muno*, “whew-whew,” cenu. Capwa. Lyena ninshi conse capwa. Ninshi conse capwa. Capwililika. “Ndelomba *ici*. Ndecilomba. Ningile ukucikwata.” Mwamona? Mwamona? “Nde—Ndecifwaya kubukata Bwenu.” Mwamona? Cisuma, ico eco, elyo Alacipela fye kuli imwe. Elyo muleshiba ukuti cenu. Iyo e nshila cibelamo, abana besu, na fimbipo, tulabomfy u Mulopa, cicetekeleni. Epelafye. Cisuma.

³⁵⁰ Nicinshi ico Acita nomba? Nga mwakwata, kuti mwalandisha Icishibilo pamo na mapepo yenu, Cilangisha ukuti namufika pa kumfwila ukwapwiliika kwa Cebo cakwa Lesa conse. Ilyo mwakwata Icishibilo, cilangisho kuti namumfwila i Cebo conse. Elyo, imwe ne Cebo muba umo, muleombafye icintu ico mwaba. Mwamona? Mwamona? Elyo, cinshi, muleshiba.

³⁵¹ Nga Nasosa kuli *uku*, “Ukuboko, ung’umfwile ine, senda ako akatambala!” Kalacicita. Mwamona, ukuboko naku ng’umfwila. Cinshi? Cilundwa candi. Mwamona?

³⁵² Elyo ilyo imwe kibili ne Cebo mwaba umo, ubulayo bonse, ubukata kuli Lesa, ubulayo bonse bwenu. Bulamumfwila. Elyo mulalolekesha ifyo mufwaya ukucita. Teti mubike ukuboko kwenu mu mulilo, nokusosafye, “Moneni ine ukucicita.” Oh, iyo, iyo! Mwamona? Lelo nga muli icintu cimo muli ulyo mulilo, Ningile ukucibula, calang’umfwila. Mwamona? Mwamona? Ico cishinka. Mwamona, mulefwaya ukumona ico mulecita.

³⁵³ E mulandu wine Mupashi wa Mushilo alapelafye bwino bwino, ne fintu, namwishiba ifyo Ndepilibula, pantu bam... Tamulefwaya ku...Umubomfi wakwa Lesa uwacine takwata ukuilanga pamulandu wa Cena, mwamona. Ico eco. Kulya kuilangisha.

³⁵⁴ Ilyo twapepa, tulangisha Icishibilo. Cilelangisha ukuti natumfwila umupwilapo.

³⁵⁵ Paulo aletweba, ukutila, “Umulopa ulalandia.” Ukutila, uuli onse alishiba ukuti umulopa waba, mucine cine, uwine, tekuti ulande. Cintu icapangwako. Bushe ico cishinka? Nibanga

abaishiba ico? Lelo nibanga abaishiba ukutila umulopa ulalanda? Nga mulefwaya ukulemba ici, Uputendeka 4:10. Lesa atile, "Nga ulya munonko?" Atile, "Umulopa wakwe ulekuuta ukufuma pe sonde, ukususha iwe." Bushe ico cishinka? Umulopa wakwe ulelalanda. Alleluia! Lesa atile, "Cili shani pali ena?"

Atile, "Bushe Nine kasunga wakwa ndume yandi?"

³⁵⁶ Atile, "Kabili umulopa wakwe ulekuuta. Umulopa wakwe ulekuuta." Cena cishibili. Cena cishibili, ukutila aliipaiwe. Umulopa wakwe walekuuta ku kususha ena.

³⁵⁷ Nomba, nga kuti mwasenda cilya mu Kutendeka 4:10, elyo mu ba Hebere 12:24, tampeni ukubelenga. Mu ba Hebere 10, 12:24. Atile, "U Mulopa wakwa Yesu ulanda ifintu ifisuma ukucila ulya uwakwa Abele."

³⁵⁸ Mwamona, Abele, ali umuntu umulungami. Alifwile. Alifwile, uwakaele, pantu ali mu Nshila. Ali mu Nshila, ukwiminina pa busokololo ubwine bwine ubo akwete. Alilandile. Walikutile! Umulopa wa bupingushi bwakwa Abele walikutile ukususha Kaini.

³⁵⁹ Lelo u Mulopa wakwa Yesu Kristu, ta wakutilefyepela, Wali lubwile. Amen! "Ulanda ifintu ifyawamisha." Ulamulenga imwe ukuba abana baume na bana banakashi. Bulamufisa ukufuma ku cipyu cakwa Lesa. Mwamona? Umulopa wakwa Abele tekuti umufise Kaini, mwamona, lelo u Mulopa wakwa Yesu kuti wacita. Amen!

³⁶⁰ Eico, Kaini uwakale, fumamo ileelo, nga waliba kacusha ukukanya i Cebo, nokutila, "Inshiku sha fipesha mano shalipwa. Ici Cintu cena conse cabuwelewele," ne fintu.

³⁶¹ Ulekuuta, mwamona. U Mulopa wakwa Yesu Kristu ulekuuta, lelo mwaliba ukubelelo luse muli Ena nga cakuti Mwaupokelelafye. Nga caciwama atwikala pakashita pali cilya, mwamona, "Umulopa ulelanda ifyawamisha."

³⁶² Cetekeleni, ku kucingililwa. Elyo mubomfyepela, mwamona. Cetekeleni kuli... Ici eco mulefwaya ukucetekelako. Mwamona, mulefwaya ukucingililwa kwenu mwebene. Cetekeleni pakucingililwa kwenu, elyo kabi bomfyeni Icishibili ku lupwa lonse. Mwamona? Mwatila, "Kuti Nacita shani cilya?" Buleni Cena! Nga Calibomba pali imwe, lyena imwe ne Cebo mulaba umo. Amen! Amen! Mwamona? Mwamona, Cilabomba kuli bonse imwe babili. Imwe ne Cebo muli umo, elyo Cibomfyeni pa bana benu, Cibomfyeni ku batemwikwa benu.

³⁶³ Nga filya Rahabu acitile, abomfeshe icishibili kuli bawishi, ali cibomfeshe kuli banyina, alicibomfeshe kuli ba ndume shakwe na ba nkashi shakwe, kabi ali basendele bonse mukati.

³⁶⁴ Bomfyeni Ico, soseni ukutila, "Shikulu, Ndefwaya umwana wandi umwaume. Ndefwaya umwana wandi umwanakashi. Ndemulomba!" "Satana, mulekeleko! Ndeisa mukumupoka.

Ndebomfyा Icishibilo candi, Mupashi wa Mushilo.” “O mwe Mupashi wa Mushilo, uyo uwikala muli ine, ikateni umwana wandi umwanakashi kulya. Ndeya kuli ena nomba, no kusuba Kwenu pali ine.” Ali nokucicita. Ameni.

³⁶⁵ Cilya eco bacitile mu Egypto. Cilya eco bacitile mu Yeriko.

³⁶⁶ Nga mulefwaya ukubelenga nalimbi, Imilimo ya batumwa 16:31. Paulo aebele mushika, “Cetekela pa Mbila ya ino nshita. Cetekela muli Shikulu Yesu Kristu, iwe na bang’anda yobe mukapusuka.” Ico cishinka? Cetekela pa bang’anda yobe, balete bonse mukati. “Nomba mwalmiona Lesa waku Muulu ukubomba icipesha mano. Cili ilyo takulabo bupingushi. Bushe ulecicetekela?”

“Ee! Kuti Nacita shani?”

³⁶⁷ Atile, “Ima no kubatishiwa.” Paulo ali mubulile no kuya mubatisha, atile, “Nomba cetekela muli Shikulu Yesu Kristu, kibili iwe na ba ng’anda yobe mwalapusuka.”

³⁶⁸ Ukucetekela inshi? Cetekeleni Shikulu Yesu Kristu, pa bang’anda yenu, bomfyeni Icishibilo ku bang’anda yenu.

³⁶⁹ Elyo cinshi ico mucita ilyo mule Cibomfyा ku ng’anda yenu? Fumyeni ifisoso fyonse. Fumyeni ama skirti yonse ayepi, no tuputula, na ma kadi, na bafwaka, nefitunshi tunshi, kibili nafimbi ifyabapo, kibili mufipantile panse, ilyo muleya bomfyeni Icishibilo; teti wiminine shilili pali cena. Ee, mukwai. Fifumyeni fyonse. Ukushana konse, na malila, nkushunsha-no-kwalangana, ne fimapepala ifye lyashi ilyabipa ilya kale, kibili ne fintu ifyesonde, fipantileni panse, musose, “Tulewamya iyi ncende kuno.”

³⁷⁰ Nga filya Jacobu acitile, atile, aebele umukashi wakwe na bonseye, atile, “Capeni ifyakufwala fyenu na fyonse fye. Poseni iyo imilungu.” Ameni. Jo- . . .

³⁷¹ Namwishiba ifyo Yoshuwa asosele ilyo tabala abuka? Atile, “Capeni ifyakufwala fyenu; mwipalama ku bakashi benu, na fimbipo, no kuiteyanya, pantu munshiku shitatu tukaabuka Yolodani.” Ameni. Aleiteyanya, alebomfyा icishibilo. Ameni. Ico eco.

³⁷² Iteyanyeni. Bomfyeni Ico. Cetekeleni Ico. Wamyeni. Lekeni abana benu, lekeni ulupwa lwenu, lekeni abatemwikwa benu, Bacimone muli imwe. Cishinka ico. Cili no kutendeka ukubomba. Eeh, mukwai!

³⁷³ Elyo bomfyeni Icishibilo mwi peepo, no—no—no kwishiba, no kucetekela. Bomfyeni Ico necitemwiko cine cine, na fimbipo, mpaka mwaishiba cili no kucitika, cili no kucitika. Epelafye. Bomfyeni Ico mukucetekela, ukucetekela ukutila Cili no kwafwa. Ilyo mwalandanda kuli ulya mwana, ilyo mwalandanda ku balume benu, ukulanda ku bakashi benu, ukulanda kuli yuu mutemwikwa, cetekeleni ukutila Cili no kwafwilisha.

Imininenifye palya, no kusosa ukutila, "Shikulu, Nimbalomba. Bena bandi. Nde Bapoka ukuti babe abenu, Shikulu."

³⁷⁴ Bomfyeni Ico, kibili lengeni ilye mibebe pali imwe, ukuti balaponenafye muli Cena. Mwamona? Oh, mwaba, mwaba, nga namukwata Icishibilo, mulalenga umupashi pali imwe, amaka, ukuti ilyo mwaenda, abantu baleshiba ukutila muli bena Kristu. Balitemwa imwe ukulanda icintu cimo kuli bena. Balacetekela icebo cenu. Ifyo musosa, balekatilila kuli cena. Mwamona? Ico eco.

³⁷⁵ Bomfyeni Icishibilo, elyo endeni Naco. Lombeleni abang'anda yenu. Mulingile ukucicita nomba. Ino ni nshita ya cungulo bushiku. Nomba, mwaciba muleumfwa pa nshita iitali, nomba ino ninshita ya cungulo bushiku. Ninshita ya kucibomfyia nomba. Icipyu cili no kupuma, ubushiku bumo muli ishi nshiku, shileisa, kuti yaba ninshita iyapwa sana lilya. Mwamona? Bomfyeni Icishibilo, ne cicetekelo.

³⁷⁶ Nga mwacilafwaya ukubelenga cilya, belengeni icintu cimo pano, Ilembo lyandi Nacilemba pa mulandu wa ici, kubelenga Abena Efese 2:12, kibili nga mulefwaya ukulemba cilya. Moneni, mu Bena Efese 2:12, nga mwabilenga, lisose fi, ukutila tatubombela imilimo yafwa, lelo tubombela Lesa wa mweo, ne milimo ya mweo. Amen! Oh, owe! Ne milimo iya mweo, ifilangililo fya mweo. Mwalicetekela mu filangililo fya mweo? Kabili lembeni, aba Hebere 9:11-14, nga mulefwaya ukulemba cilya. Ifilangililo fya mweo, imilimo ya mweo, bomfyeni cilya!

³⁷⁷ Te fisumino ifyafwa, "Ndi no kusenda umulumento wandi kulya ku chalichi no kumona ukutila ailunda kwi chalichi."

³⁷⁸ Umo umwina Kristu umusuma umulumento kuno, cibusa umusuma, umunandi wakale, umuntu mwine mwine, ali—alishile kuno, ali batishiwe. Ba nyina batile, "Nalekabila nga waile ku lukuta ulwakulisha, nga walefwaya uku—ukubatishiwa." Mwamona? Mwamona, talefwaya fye ifisumino ifyafwa ifyakale nefintu. Mwamona?

³⁷⁹ Tatubombela ifisumino ifyafwa ne milungu iyafwa. Tubombela Lesa uwa mweo Uo u Mulopa wakwe wasumine ku numa kulya, kibili ne Cishibilo nacipelwa kuli ifwe, ukuti naifwe tuli ba mweo. Amen. Ee, mukwai!

³⁸⁰ Mwibombela ifisumino ifyafwa. Balakana ne fintu ifya musango yu nge Cishibilo. Batila, "Inshiku shafipesha amano shalipita. Takwaba icintu icamusango yu ngo lubatisho lwa Mupashi wa Mushilo." Cinshi wingailundila ku cintu cimo nga cilya? Mwamona? Mwicite co.

³⁸¹ Bomfyeni Icishibilo, elyo, "bombeleni Lesa uwa mweo," pa milimo ya mweo, ifilangililo fya mweo; ifilangililo ifiposha abalwele, ukubusha abafwa, ukulandila libela ifintu, ukulandila mu ndimi shimbi, ukwilula, inshitafye yonse icapwililikafye,

ama busesemo no kusose *ci* ne cintu ca *musango* uyu cika citika, ukulangisha ifilangililo mu muulu pamulu, na pe sonde, ifilangililo ne fipapusho, ameni, ukulanda filya fine fye ifyo Baibele yalandile ukutila cali no kucitika. “Ukubombela Lesa uwamweo,” bomfyeni Icishibili!

³⁸² Mwiesha ukuya kuli yalya ama chalichi kibili no kuilunda kuli ilya imilimo iyafwa ne fintu nga filya, pantu tabacetekela nangu ni mu fintu fya musango uyu nge cilangililo. Lelo ifwe bacetekela, ameni, twalishiba cilya . . . Batila, “Takwaba icintu icamusango ifi nge cilangililo. Ico, oh, oh, cilya cabuwelewele. Ifyo balanda kulya, fyali fulungana. Mulandu nshi, takwaba icintu icamusango ulya. Mulandu nshi, imwe mwebanakashi uko, oh, imwe—imwe, Mulandu nshi, tamucita . . . Ukufwala kwenu kwashani . . . ?” Cila cita. Baibele efyo yasosa. “Cinshi ico imishishi yeni ikwetepo icakucita . . . ?” Baibele efyo yasosa.

³⁸³ Ukutila, cilya cabafye ukupusana, mwamona. “Mwilakumya, mwilaikata, mwilasonda.” Aba ni Lesa. Mwamona? Nomba, cilapilibula icintu cimo.

³⁸⁴ Nomba, batontonkanya ukutila califulungana. Lelo kuli ifwe fwe bacetekela no kwishiba Icine, twalishiba Caba Ukubapo Kwakwe ukwa mweo, pantu Cilacita ifintu fimo fine ifyo Acitile ilyo Ali pano pesonde. Ameni.

³⁸⁵ “Oh,” batila, “belenganya fye ukuti balamona ilye Ntumba ya Mulilo.” Oh, iyo! Oh, iyo! Tatwelenganya nangu cimo.

³⁸⁶ Batontonkanya ukutila Paulo Acelengenyefye, pamo. Egypto atontonkenye ukutila Israeli Acelengenyefye, lelo Cali basendele ku mpanga ya bulayo. Ee, mukwai! Tatwelenganya . . .

³⁸⁷ Aba Hebere 13:8, namwishiba, “Yesu Kristu cimo cine mailo, ileelo, no muyayaya,” nga mulelemba ico, pansi, mwamona, ukutila, “Aba cimo cine.” Cena—tacaba—tacaba cimo cine . . . ukwelenganya kumo.

³⁸⁸ Ilyo Nalemba pano aya Amalembo Nemba pano, Nalishiba apo Amalembo yaba, kibili filya efyo Nja kuli yena. Mwamona?

³⁸⁹ Ukwishiba caba Ukubapo Kwakwe ukwa mweo, pantu Alacita icintu cimo cine muli uyu Mupashi. Nomba, nga calile mulya mu cisumino cimo nangu icilonganino, tuleshiba bwangu bwangu ukutila tacali ni Kristu. Bushe ico cishinka? Nga Nalimutungulwile mu cisumino cimo nangu icintu cimo, nacimbi, nga Nalituminwe ku cilonganino cimo. Lelo Nshileleta ifisumino, kibili Nshile musambilisha ifilonganino. Ndemosambilisha i Cebo cakwa Lesa, ico icaba amaka aya kubuka kubafwa kwakwa Yesu Kristu ukulangishiwa, tecakuli ine neka, lelo kuli uyo onse uwingafwaya. Mwamona? Ukutila imwe . . .

³⁹⁰ Muli ba munyinane. Nshaba umuntu umukalamba, kibili iwe umunono. Bonse tuli abantu abanono muli Lesa. Mwamona?

Tuli abana Bakwe abanono. Tatwaishiba nangu cimo, ico tulingile ukwishiha bwino bwino. Alatulenga ukwishiha ngefyo Afwaya, kabilo tuli abakutotela kuli Ena kufyo twaishiba nga amapalo Yakwe. Kabilo Nshileishimikila ne mwine; Ndefwaya ukucishimikila kuli imwe. Mwamona? Ndefwaya imwe ukuba muli Cena, kabilo Ndefwaya imwe mupokelele ici Cishibili. Kabilo nga tamwacicita . . . Mwebengi, mwebengi, namucicita kale. Lelo bamo muli imwe tamulacicita . . .

³⁹¹ Mwamona, Ndelanda pali tepu, napo, muleumfwa. Kabilo nabengi muli bena . . . Kabilo Nshilelonda pano mu chalichi; bonse ifwe natufumamo, ndesubila. Lelo kukaba amakana na makana bakomfwa tepu, mwamona. Kabilo, cilya, bupyungishi. Kukabako umuntu umo uukengila mu Yeriko, namwishiba, na tepu, eico tulefwaya uku—tulefwaya ukwikata lulyo Lubuuto lwalingilwa libela ilyo yaya mulya, mwamona, pantu icipyu cileisa.

³⁹² Ishibeni ukuti caba Ukubapo kwakwa Lesa uwa mweo, ukushininkisha ukutila Lesa ali Mubuusha ukulingana ne Cebo Cakwe icabulayo. “Pakashita akanono kabilo isonde talya Kamone nakabili. Yeriko, Egypto, taba ka Mone nakabili. Lelo muka Mona, pantu Ine . . .” “Ine,” ukulanda kwa muntu umo, lyonse eko alangisha, mwamona. “Ine nkaba na imwe. Ndi Cishibili. Ukuubuka Kwandi e Cishibili. Imilimo iyo Ncita ikamulangisha, ika Nangisha muli imwe.”

³⁹³ “Nge fyo cali munshiku shakwa—shakwa Loti, efyo cikaba mukwisa kwa Mwana wa muntu, ilyo i Mbila ya cungulo bushiku ileya.”

³⁹⁴ “Pantu cikaba u Lubuuto pa nshita ya cungulo bushiku. Pa nshitafye ya cungulo bushiku, u Lubuuto lukesa.” Oh, ubukata kuli Lesa! Cilenenga ukumfwa kwati kuti Nabutukila ukupulinkanya mu mpuka no kutoloke cibumba. Mwamona? Mwamona? “Kuka Buuta pa nshita ya cungulo bushiku.” Ico cishinka. Kasesema efyo asosele.

³⁹⁵ “Kabilo Nkaba naimwe. Nkaba mu nkulo yakwa Luther; Nkaba mu nkulo yakwa Wesley; Nkaba mu nkulo ya Pentecost; lelo pa yalinga pa nshita ya cungulo bushiku, cikesaba u Llubuuto.” Ifilonganino fikashimantukila elyo, kabilo Icishibili cikabomfiwa. Kabilo bonse aba abali abacishinka mu mitima, ukuya ukupita monse mulya, ukwabula—ukwabula imwe tekuti babe—babe abapwililika. Lelo muli imwe . . .

³⁹⁶ Cili kwati umutwe ulingile ukuya, ku kusendo lukasa. Umutwe ulingile ukuya, ku kusendo kuboko. Umutwe ulingile ukuya, ku kusendo mutima. Umutwe ulingile ukuya, ku kusenda akanwa. Mwamona, umutwe ulingile ukuya.

³⁹⁷ Kabilo nomba twaba pa nshita apo icishibili cabikilwe pa mulu wacibi, mwamona, na pa fipalala. “Elyo kabilo ilyo Nkamona umulopa, ukuba icishibili, Nkamucilila.”

³⁹⁸ Nala angufyanya nomba, bwangu bwangufye nge fyo Ningacita nomba. Nalimo ama minitifye nayambi yasano, nangu ikumi, twalapwisha.

³⁹⁹ Cishininkisha ukutila Lesa Ali mubushishe ukufuma ku bafwa. Bushe mulecicetekela? Ali uwa mweo pakati kesu ileelo. Kibili “Ine” ni Kristu. Kibili ukuti “Ine” aba naifwe na ku mpela ya... Cilya cisosa *ukupwishishisha*, ico cipilibula, “impela ye sonde.” “Nkaba kumpela ye sonde,” ukulingana ne Cebo Cakwe ica bulayo. Ali cilaile. “Kibili imilimo iyo Ncita naimwe mukacita.” Tacaba ica buwelewele kuli ifwe. Cabe Cishibilo. Caba Icishibilo.

⁴⁰⁰ Tulesumina ici cintu cabukata i ce lambo lya Mulopa. Tulesumina u Mulopa Wakwe uwe lambo, elyo peleni... Uyo utupela u Mweo, Icishibilo, icikakatiko ca bulayo Bwakwe. Abena Efeso 4:30, yasoso, “Mwikalifya umulopa”? Awe. “Mwikalifya Mupashi wa Mushilo, uo mwa...” [Ulukuta lwatila, “Ukukakatikwa.”—Kale.] “Abacipangano, ukufimishiwapo.” Muli bacipangano. Mwaliba. I Cishibilo, Mupashi wa Mushilo, akaba Icikakatiko. Ilyo icintu icili conse cakakatikwa mukati ka cikakatiko, tamulingile ukucitoba. Teti citobeke, imwe, Tecikakatiko cakwa Lesa. Awe. Mwamona? Pantu mwaba... “Mwikalifya Mupashi wa Mushilo wakwa Lesa, uo imwe mwakatilwako mpaka ubushiku bwakulubulwa kwenu,” ilyo umubili ukabushiwa.

⁴⁰¹ Cena lubuuto, icilangililo icakutila ulubuuto nalupelwa ubumi no Mweo wa Muyayaya, “Zoe, ‘Mweo Wandi Nemwine,’ kibili Nkalubuusha nakabili pa bushiku bwakulekelesha.” Kibili ilyo muleenda, na mukwato kucetekela ukuti u Mweo Wakwa Kristu buli muli imwe, kibili mwaba muli Ena. “Ku Mupashi umo bonse ifwe tulabatishiwa mu Mubili umo, no kukakatikwa mulya ku Mupashi wa Mushilo,” pakati ka aba abacetekela nge fi, “mpaka ubushiku ubo Yesu akatubusha.” Oh, owe! Bomfyeni Icishibilo. Ico efyo cipilibula kuli ifwe. Tulesubila ili Lambo ukutupela u Mweo, kibili Cilacita. Kibili Cilatupela ifwe Icishibilo, kibili tulabomfyia Icishibilo, ico icaba Icikakatiko mpaka... Pakuba—pakuba abakumako kuli Ici, ifyo caba icintu cikalamba, ukuba abakumako, ukubatishiwa kuli uyu u Mupashi umo, muli ulya umo uwaku-... Umubili uwakwelenganya.

⁴⁰² Bushe Nacisosa bwino lilye shiwi, *icakwelenganya?* UWakupapusha, u Mubili wakupapusha, u Mubili wakupapusha wakwa Yesu Kristu. Mwamona, Mupashi wa Mushilo atile, “Taulesosa ico bwino.” Icakupashanyako nga ine, lelo Atile, “Taulesosa ico bwino,” Nacicita, “*icakwelenganya*,” ico icaba uwakupapusha u Mubili wakwa Yesu Kristu, mwamona, u Mubili wakupapusha uwakwa Yesu Kristu. Nshi... Tatulekabila amasambililo; tukabila u Mupashi wa Mushilo. Ena e Umo. Mwamona? Ena e Umo. Ee, mwamona, cilya...nga ca

cipunwinsha umuntu umo kuno, kasambilisha umo, nomba Ndesubila alecipokelela bwino. U Mubili wakupapusha! Cili nokuba pa cintu cimo, pantu nga Tacisosa cilya. Mwamona? Ali pano pene nomba. Ali pano pene pa pulupiti. Alifye no kokwine. Ni Ena. Mwamona? Whew!

⁴⁰³ Kibili muli Ena tamwabe mfwा. Muli Ena tamwaba ubulanda. Muli Ena tamwaba kufunshika. Muli Ena tamwaba ulubembu. Muli Ena tamwaba ubulwele. Muli Ena tamwaba imfwa. Twaba muli Ena! Nga Satana aesha uku mupela icintu cimo, ngo bulwele, sendenifye Icishibilo cenu no ku Cibomfyा. Oh, owe! Sendeni Icishibilo cenu no ku Cibomfyा, ukutila muli cipe icashitwa icakwa Yesu Kristu. I Cishibilo cimininako ukutila amalipilo yenu na yalipilwa.

Alesosa ukutila, "Ilyo mwafwa, ninshi mwaluba."

⁴⁰⁴ Soseni ukutila, "Uli uwaluba. Nalikwate icipе icashitwa. Ndi cipe icashitwa. Ninkwata Icishibilo."

"Icishibilo ni Cinshi?"

⁴⁰⁵ Alishiba fintu Caba. Mwiesha, mwiesha ukwangalila kuli ena. Alishiba ifyo Caba. Nomba, kuti mwalanda kuli bamo aba bakashimikila, kabilis kuti batalikana naimwe. Te Satana; alishiba ukucila. Mwamona? Oh, ee. Alishile mukucisusha, imiku ibili nangu itatu, namwishiba, no kupanga icilubo, cabwesho. Satana alishiba ifyo mulelandapo. Langishenifye cilye Cishibilo, ali no kupupuka. Ee.

⁴⁰⁶ Pantu, ni cinshi? Cipe icakakatikwa. Tekuti atobe cilya ukucisula, no kupela icintu cimo mulya ico icishalungama. Soseni, "Fumyako amaboko yobe! Nalikakatikwa." Oh, owe! Icipе icakakatikwa! Ee, mukwai! Mwalishitwa. Ikatilileni Icishibilo pa cicetekelo cenu icishinga tenshiwa mu bulayo Bwakwe, mwalamona aya. "Ipepo lya mukoselela ilya mulungami lyakwatisha amaka!" Mwamona? Mwamona? Sendeni cilye Cishibilo. Ico efyo Cabelapo. Satana aba palya ku kumutunka.

Emo ali mu Egypto, ku kutunka.

⁴⁰⁷ Mulandu nshi, namwishiba, bulya bushiku lintu Rahabu abikile ulya cilende... Cilende akakile ilye ntambo, ilye ntambo, Ndeleenganya bamo pali balya abashilika baleseka no ku mushenteka, batile, "Ulyo mwanakashi uwafulungana umukote palya! Takwata amano mu mutwe wakwe. Moneni, ena ico akwete mulya. Ha, ha, ha! Mulandu nshi, bushe mwalitala ukumfwा ica musango uyu? Cinshi, Dokota Jones atile, kuno lubali, "Takwaba nelyo cimo kuli cilya." Lelo kwaliko, pantu inkcombe ukufuma kuli Lesa yaletele imbila no kubeba.

⁴⁰⁸ Bushe kuti mwaelenganya abena Egypto ukulasosa, "Cilemoneka kwati... Ukusosa, lolesheni kuli lilye bumba ilyafulungana ilya bakakunkuluka wa mushilo, ukubika

umulopa! Ha, ha! Bushe tabakasafye, pa kusamfyा filya nomba! Oh, owe! Yalya amayanda ayakulu ayasuma yonse naya shingwa no mulopa! Oh, ukununka kwa musango uyu! Ndelaya kuli imwe cilya cili nokuba icabipisha mu nshiku shinono. Tacakapilibule akantu. Namwishiba umulandu? Taata wa Mushilo *Wakuti-no-wakuti* efyo asosele.” Lelo kwaliko. Cali. Calipilibwile icintu cimo.

⁴⁰⁹ Cilapilibula icintu cimo kuli ifwe fwe Bacicetekela. Mwamona? Ibukishenifye icitetekelo cenu icishitenshiwa ico eco mwakwata muli ici Cebo! Nomba, tamuli Efa nakabili. Mwamona? Tamuli umo uwa aba bakatwishi, kibili, cisuma, ukusuminishanya na Satana. Mwikatilile i Cebo conse icakwa Lesa. Mwamona?

Efa atile, “Ukuba, Shikulu efyo asosele!”

⁴¹⁰ Satana atile, “Lelo, nawishiba, Shikulu icine cine takacite icintu ca musango ulya ku muntu umusuma nga iwe. Oh, uli musuma sana. Teti acite.” Oh, eeh, Akacita, pamo. Atile Ali no kucicita.

⁴¹¹ “Ukuba, batata bali ni bakashimikila. Nali kashimikila.” Tapali efyo Ni—Ningacita. Ukwabula Icishibilo, muli abaluba. Icipu cili pali imwe, mwamona, epela fye, ukwabula Icishibilo. Mwamona? Ee. Atile Ali no kucicita, kibili Akacicita. Cilya, cilya e cipwishishisha. Atila Akacicita.

“Oh, Nalicetekela inshiku shafipesha mano . . .”

⁴¹² Ee, lelo Atile tacali. “Naba cimo cine mailo, ilelo, no muyayaya,” mwamona, ico eco Ashininkisha ukuba.

⁴¹³ Nomba, kuli ifwe, twali cishiba. Kuli bena, taba Cicetekela. Lelo tula Cicetekela. Twalishiba cabe Cine. Mwamona?

⁴¹⁴ Nomba, pakuba muli cilya, tulesa mukuba icilundwa ca Cebo. Elyo kibili sendeni Icishibilo, u Mupashi, pamulu wa bulayo, “Nine Yehova uumuposha imwe.”

⁴¹⁵ Nomba iteyanyeni ku kulongana kwa kuposha mu bushiku. Mwamona? Sendeni Icishibilo, Cibikeni pamulu wa Cebo, pa citetekelo cenu icishingatenshiwa muli cilye Cebo, ali no kufuma. Nomba, Cilya—Cilya e cintu ico icimubika panse, pantu muli Ena tamwaba ica musango ulya.

⁴¹⁶ Kuti Nakabila nga kuti nashimiko bunte panono nomba, ku fintu fimo ifyo Namona ukucitika mu milungu iinono iyapita. Mwamona? Mwamona? Oh, ifyo Ninga shimikapo ubunte!

⁴¹⁷ Namwishiba, kibili atile Luka atile, “Nga cakutila fyonse ifyo Yesu acitile fyabikilwe mu mabuku, a . . . nga takwaba amabuku ayalinga mwi sonde aya kulfilembamo.”

⁴¹⁸ Pafyo Namonafye muli bukapyunga bwandi, ifyo na Mumona ukucita, tekuti mutulike ifitabo kuno kuntanshi apa. Nga Nalifilembele cimo cimo ifyo Na Mumona ukucita mu

kupyunga kwandi ne mwine, uku Mumona ukucicita. Mwamona? Alikwete ukulunduluka ukukalamba muli bukapyunga bwandi ukucila ifyo Acitile mu Bwakwe Umwine. Ici nacilungama. Ici cawkambula. Nomba, ibukisheni, Alikwete ukulunduluka ukwingi nomba, te ine; Alikwete. Ubukata! Alleluya!

⁴¹⁹ Alikwete ukulunduluko kukalamba mu Jeffersonville ukucila uko Akwete mu Nazareth. Alicicitile muli ulya musumba uwabipa kibili muli uyu musumba uwabipa. Amen! Ubukata! Pantu, "Tekuti abombe icipesha mano nelyo cimo kulya," lelo Alicita kuno. Mukulekelesha aiishile fika, kuno. Alicilengele ukucitika kuno. Limbi nga alisendele abantu bamo ukufuma ku ncende imbi, lelo Ali—Ali cilengele ukucitwa, nangu cibe ifyo. Eico, Alikwete ukulunduluka ukukalamba muno ukucila ifyo Akwete mu—mu Kapenahum nangu—nangu ku Nazareth, muli cilya. Alicitile ifipesha mano ifingi muno mwine muli ili ihema ukucila ifyo Acitile muli bukapyunga bonse pesonde. Ico cishinka, Alicicitile. Nomba nga kwi sonde lyonse ilyashala? Oh, owe! Nomba ici eco Acita.

⁴²⁰ Nomba ibukisheni, "Ena" acitile. Nomba, tacasosele ukuti Nali cicitile, mwamona, awe, pantu Nshacicitile. Nshacicitilefye. Na Mutemenwefye no kuipelafye kuli Ena, no kusosa ifyo Asosele, kibili no Mupashi wa Mushilo waile ku bantu bambi kibili bacetekele ifyo Asosele, elyo kibili Alicitile umulimo. Epelafye.

⁴²¹ Nga kuti Atulenga bonse ukucicetekela! Nicinshi Engacita ino ine nshita nga kuti Alenga ifwe bonse ukucicetekela ino ine nshita, nomba? Tekuti kube no muntu uwanaka muno mu musumba. Cishinka ico. Nga kuti Alenga umuntu onse ukucicetekela, conse kuti capwishiwa. Mwamona?

⁴²² Ikatilileni Icishibilo cenu pa citetekelo cenu icishingatensiwa mu Cebo Cakwe icalaiwa, na Satana ali nokuya.

Nomba Nalaisala nomba.

⁴²³ Lesa inshita imo alipele icishibilo nacimbi kwisonde; cali mukola mfula. Muleibukisha cilya? Ena Lyonse, Lyonse alaba uwacishinka kuli cilye cishibilo, pantu Alicipele ku cishibilo. Pa myaka yonse iyi amakana, Tatala ukufilwa ukulangisha cilye cishibilo. Bushe ico cishinka? Cinshi? Alacicindika. Alicipele. Alipele isonde icishibilo ukuti Tali nokonaula kibili isonde ne lyeshi. Kibili Ena Lyonse, Lyonse, ukutula bulya bushiku, alacilangisha.

⁴²⁴ Mwaliba ifintu fimo mu mwela, ifipanga ulyo mukola mfula. Ilyo yaloka, kibili nakasuba kafuma, cilya cila cilangisha. Akasuba kalakamya imfula, eico Abikilepo umukola mfula palya ku kushininkisha ukuti takwakabe amenshi ayalinga ku kuponena pe sonde ukulyonaula nakabili. Ico e cipangano

Cakwe. Cena cishibilo. Atile, “Nkacipela kuli imwe kukube cishibilo.”

⁴²⁵ Alicindike icishibilo Cakwe. Ali cindike icishibilo Cakwe mu nshiko shakwa Noah. Acili alecilangisha. Alicindike icishibilo Cakwe mu Egypto. Alicicindike mu Jeriko. Ali Cicindika ileelo. Alacindika icishibilo Cakwe lyonse ilyo calangishiwa.

⁴²⁶ Pa myaka yonse iyi amakana, Alitemwa ukulangisha cilye cishibilo. Tatala ukucilabako. Talabako ku cishibilo Cakwe. Nomba, temulandu ifyo icalo cipilibuka, umukola mfula epo ucili palya. Mwamona, Alacindika icishibilo.

⁴²⁷ Efyo Acita na nomba, Alacindika Icishibilo Cakwe. Temulandu ifyo ulukuta lupilibuka, umusango ifyo lucita *ici*; Lesa acili alacindika Icishibilo Cakwe, cilyafye epela. Cilatulanga ukutila Tatala ukufilwa ukucindika ifyo Acita nefyo Asosa. Tulasumina, tu—tulacindika Cilya. Ndacita.

⁴²⁸ Alenekela ifwe pamo ukulangisha Icishibilo Cakwe pa cicetekelo cesu, kuli Satana notubungwe twakwe tonse utushi cetekela ne filonganino, ukutila tulecekela ukuti ubulayo Bwakwe bwa cine, kabili Ali nokucita ifyo Alaile ukucita. Ilyo apo e Chalichi.

⁴²⁹ E mulandu wine tekuti baye pa cifulo cantanshi kulya, ngefyo tuciita; munjeleleko pa nsoselo. E mulandu wine tabafika nangu kumo lelo kubwelela ku cilonganino no kupanga ibumba ilya-bafwalila,abantu- babusaka, abamano, abasambilila. Tabafika nangu kumo, pantu ico eco balangisha, “Ndi Methodisit. Ndi Presbyteriani.” Ifyofye efyo baba.

⁴³⁰ Lelo abacetekela balasenda Icishibilo! Kabili ico Yesu atendeke ukucita mu Galilee, Alatwalilila ukucita nomba ukupitila mukulangisha Kwakwe ukwa Cishibilo, pa Mupashi wa Mushilo ukubwelela pa Chalichi. Pantu, tacali milimo ya batumwa, cali imilimo ya Mupashi wa Mushilo mu batumwa, kabili cilya cali Cishibilo.

⁴³¹ Batile bali posele amano kuli Petro na James, ngefyo bena... Petro na Yohane, ilyo balepita mukati ka mpongolo iitwa Iyaemba, ukumona ukutila bali abashasambilila. Limbi balisosele, “Uma, tashaba, ukwimya, lepula, fwaya, bula. Nalamweba pali *ici*.” Mwamona? Limbi balikwete imisango yonse iya milandile iyo tabaleumfwa. Limbi tabaishibe ubupusano, fyonsen fya—fya... shonse insamushi sha mu Malembo. Lelo balimwene ukutila bali pambo na Yesu. Bali langishe cilye Cishibilo, pantu u Mupashi umo wine uwali pali Ena, ilyo Talatanikwa, wali pali bena panuma ya kubuka. Amen!

⁴³² Elyo cilya cila Mulenga ukuba Abahebere 13:8, “Yesu Kristu cimo cine mailo ileelo, no muyayaya.” Filya efyo twaishibilako ukutila Wamweo. Pantu cinshi? Musango nshi twishibila ukutila

tuli ba mweo? Pantu Wamweo. Kibili pantu twalishiba ukutila tuli ba mweo, ni pamulandu twaba nga Ena, kabili twaba muli Ena. Kibili Atile, "Pantu Ndi uwa mweo, naimwe mukaba no mweo. Nine Wine," mu Kusokolola, "uyu uwali uwafwa, kabili uwa mweo umuyayaya." Kabili nga—nga twafwa kufintu twaba no kuba aba mweo muli Ena, tuli nokuba no mweo umuyayaya. Elyo kabili u Mweo Wakwe muli ifwe bwaba ngo bumi bwa cintu cili conse, Cilangisha fintu Ali. Kibili cilya cila Mulenga ukuba cimo cine mailo, ileelo, no moyayaya.

⁴³³ Nomba imwe kuti mwacita shani, ilyo bakana Ico? Bushe tamulemona, "imilimo yafwa"? Ukubombela Lesa wa mweo, ukupitila ku Muyayaya...Ndepilibula, icipangano ca pe ica Bumi ubwali mu Mulopa wakwa Yesu Kristu. Nomba ukutwalilila, ku kupwisha, Ine...Cisuma, Ndecetekela twalalekafye. Mwamona, ukulangisha Icishibilo ca nkumbu Shakwe, icitemwiko Cakwe! Nomba, ukwabula ici Cishibilo ukubomfiwa...

⁴³⁴ Nomba, caba Cishibilo. Bushe cinshi Icishibilo? I Cishibilo e cilangililo icankongole ukulipilwa. Umutengo uulefwaikwa naulipilwa. Umutengo we pusukilo lyesu wali nimfwa, mwamona, kabili takwali nangu umo uwingacilipila kano Kristu. Kibili te-te mupashi wa cilonganino, te mupashi wakwa papa, te mupashi wa washila umo nangu umuntu umo; lelo u Mupashi wakwa Yesu Kristu, pe Chalichi, e Cishibilo ukutila inkongole nailipilwa kabili Alicitile conse ico Lesa alefwaya, kabili ifwe na Ena twaba umo. "Bulyo bushiku, mukeshiba ukuti Naba muli Taata, na Taata muli Ine; Ine muli imwe, na imwe muli Ine."

⁴³⁵ Bomfyeni Icishibilo! Bomfyeni Icishibilo ca kubuka Kwakwe. Ukuti, pantu Abushiwe pa kulekelelwa kwesu, Alitubusha naifwe pamo na Ena. Kibili nomba tulekala mu ncende sha mu Myulu, muli Kristu Yesu, mwisamba lye senge lya Cishibilo.

⁴³⁶ Ilyo Israeli aikele palya, kabili no kupunda kwaletwalilila, mulya mu musebo, tabakwete icintu nelyo cimo icakusakamanapo. Icintufye ceka, kubafye abashininkisha umulopa, icishibilo, calemoneka.

⁴³⁷ Ecintufye ceka ico tulingile ukusakamana ino ine nshita. Muli ubwafya mu—mu nshila, ubulepanga, mwe banandi. Tacakasende inshita iitali, ubwafya bulepuma. Mwalishiba cilya. Beni abashininkisha Icishibilo cilemoneka. Kibili Icishibilo Mupashi wa Mushilo. "Pantu ku Mupashi umo ifwe bonse tulabatishiwa mu Mubili umo, no kulengwa ukukumako ku bukata Bwakwe," pa Mpanga yesu, ukutampwila ku mwesu nomba ku Mpaanga ya bulayo.

⁴³⁸ Bushe Mwalimutemwa? [Ulukuta Iwatila, "Ameni."—Kale.] Mulecetekela Icishibilo? ["Ameni."] Nibanga abengatemwa

ukusosa, “Oh, Munyina Branham, mpepelako, ukuti Njise pesamba lya ici Cishibilo”? [“Ameni.”]

Ka tukontamike imitwe yesu.

⁴³⁹ Shikulu Yesu, Imwe Mwebaba Umo uwakwatisha inkumbu! Iyo icalo cali mulubembu, kibili tapali nangu umo uwingafwilisha, Lesa, mu luse, ukulangisha kalibela, ku cilangisho, ukuti kwaleisa Icishibilo ico icali no kusendo lubembu; tekulufimbafyе, lelo kuti calufumyapo. Kibili Yesu aishile mu nshita iyalinga, kibili Alisumishe u Mulopa, u Mweo Wakwe Umwine, ukusenda... ukutupangila icakukonsolwela pa membu shesu, kibili uku Mupela nakabili mu musango wa Mupashi wa Mushilo, ico icaba nomba Icishibilo ico icili no kusungwa ku Chalichi mpaka Akese. Pantu Umutumwa Petro atile, “Ubulayo buli kuli imwe, kibili naku bana benu, na kuli bonse abali ukutali, na bonse abo Shikulu Lesa wesu aketa.”

⁴⁴⁰ Shikulu, mu nkumbu Shenu, ubwafwilisho Bwenu, Ndelombela uuli onse uukomfwa iyi i Mbila. Ndebalombela kuli Lesa, Nde Mupapata, Shikulu, kuli bonse abali muno luno lucelo kibili nabo abali no kumfwa pa tepu. Kibili nga kuliko u Lubuuto ukuli konse, ulwalingilwe libela, Shikulu, ku kumfwa i Cebo ca buno bushiku bwa kulekelesha, lekeni bese nomba, mibusuma na mu kuicefyा, no kubika ifikombe fyabo pa lupanda, nangu abene beka, nge cikombe ca nkumbu shakwa Lesa ishibetile. Kibili lekeni besushiwe no Mupashi wa Mushilo no kulangisha Icishibilo ca Bumi bwakwe Yesu Kristu mu kubuka Kwakwe, lyonse fye ilyo bali no kwikala pano pesonde. Cipeleni, Shikulu.

⁴⁴¹ Ifi Fyebo, Shikulu, limbi Ine Nshifisosele bwino. Kibili nga Nshicitile, Ndepepa ukuti u Mupashi wa Mushilo walasenda filye Fyebo no ku Fipela mu nshila iyo Filingile ukufipelelamo, ukuti abantu bali no kumfwa kibili no kwishiba, ukwabulo ukumfwo bubi. Kibili lekeni beshibe ukuti icitemwiko cilalungamika. Kibili ukuti ni pa mulandu wa nshita iyo tuleikalamo, kibili no kupalama kwa kwisa kwakwa Shikulu, kibili tulemona ukubyasha ukukalamba kwa nyali shakashika, konseyfe mwi sonde, ukuti inshita naipalama.

⁴⁴² Lekeni abantu bapokelele Mupashi wa Mushilo buno bushiku! Ndepepa, no kubapela kuli Imwe, mwi Shina lyakwa Yesu Kristu. Kibili lekeni Cibe Cishibilo kuli ifwe ilyo lyonse tuli no mweo, ico Mwalaile ukuti Cikaba. Kuti caba icaanguka ukwipusha cilya, pantu Mwali Cilaile ukuti Cikaba, kibili nalishiba Cili nokuba. Mwi Shina lyakwa Yesu twapepa. Ameni.

Nomba, ne mitwe yesu iyakontamikwa, pali minitifye.

⁴⁴³ Ne cicetekelo, ukucetekela, Ni mupepela, umusango onse Naishiba ukucita. Na—Nacipepa no bufumacumi, na fyonse ifyo Naishibo ku kupepelapo.

⁴⁴⁴ Lolesheni, Ndekutuluka ukutila. Namwishiba ukutila? Niku cekumi cenu no musangulo efyo Njikalilako. Kutungilila kwenu, pano pa chalichi, Nalikwata umuntu umo uwakushimikilako. Citemwiko cenu, na ba “ameni,” benu kibili ne senge lyenu. Kibili ne fyebo fyenu ifyawama pakati ke sonde kulya uko muya, ku misumba iyalekana lekana mu calo, fyebo fyenu efyafwilisha ukusenda i Mbila. Nimwe. Twaba pamo muli ici, na Kristu. Tuli bamunyina na bankashi, kibili Ena e Mfumu yesu. Kibili Nalimutemwa. Ine—Ine—Ine—Ine, apo Ndi, Ndefwaya naimwe ukubapo. Ndenda muli motoka ukushinguluka ukupita mu calo, ukulanda kuli imwe inshita ishingi. Ndakabila uku kumana naimwe kuno pa Mulungu ulucelo. Nali mutemwa. Lyonse Naliba uwamutemwa. Inshita shimo Ningile ukulanda mu musango uwakalabana, lelo cabafye kulungamika. Mwamona, cabafye ni pa mulandu Nalimutemwa, mwamona, kibili Nshilefwaya imwe mu Cilufye. Imwe, tamulingile ukucita cilya.

⁴⁴⁵ Nomba, mibusumafye no kuicefya, na fyonsefye ifili mu mitima yenu, mukati sana mulya, Cisuminenifye. Soseni, “Shikulu Yesu, ino ine nshita fumyeni fyonse ifili muli ine, ifishapalana na Imwe, kibili lekeni mfumye icilumba candi conse, fyonse ifyaba muli ine, kunse. Ifisoso fyonse, ukukana cetekela konse ukwaba muli ine, Nde—Ndefiposa nomba, Shikulu. Ndefipantilafye kunse. Kibili lekeni u Mupashi wa Mushilo uusuma uwakwa Lesa, nge nkunda, wingile muli ine. Nde—Ndefwaya njikale u Muyayaya, Shikulu, kibili Nde—Ndefwaya Imwe mungafwe pali ino nshita. Cipeleni nomba.”

⁴⁴⁶ Ilyo mucili mulepepa, kibili twalang’wig’winta ulu lwimbo, nangu ukulwimba panono panono, capamo, *Nali Mutemwa*. Kibili, ibukisheni, ciisa ukupitila mu citemwiko, pantu Ena citemwiko. Ilyo Ncili nimbika amaboko yandi pali utu tutambala, pantu abantu kuti limbi batubula ilyo tabulaila.

Nali Mutemwa, Nali Mutemwa
 Pantu Antemenwe mukubalilapo
 No kushita ipusukilo lyandi
 Pa Kalbale.

Nali Mutemwa, Nali Mutemwa
 Pantu Antemenwe mukubalilapo,

Nomba peleni fye ubumi bwenu kuli Ena.

No kushita ipusukilo lyandi
 Pa Kalbale . . .

⁴⁴⁷ Ukutemwa, ukutemwa, uku Mutemwa. Mwamona ifyo Amucitila. Kupitila mu citemwiko. Icitemwiko cilaleta icumfwila. Icitemwiko cilaleta ukukobekela. Icitemwiko cilaleta icupo. Kibili uku eko tuleya, Umulalilo wa Cupo ca mwana wa Mpaanga. Ndeumfwa Kapususha wandi aleita, ukuti Alintemwa, pamo.

. . . ine, pamo.

Ine . . .

⁴⁴⁸ Umutima wenu onsefye, muumfwe fye Icintu cimo icisuma nganshi ukwisa muli imwe. Uyo Mupashi wa Mushilo.

Pantu Antemenwe mukubalilapo
No kushita ipusukilo lyandi
Pa Kalbale.

⁴⁴⁹ Nga . . . Nalaimya amaboko yandi, ne bumba, no kwimba.
Nga Nimembuka, nga Nincita icintu icili conse icalubana . . .

Ndemupepelako nomba, kabi ni nemwine.

⁴⁵⁰ Nga Nincita icili conse icalubana, ukuboko Kwandi kuli Imwe, Shikulu, cilepilibula munjeleleko. Ukuboko kwandi kuli Imwe, Shikulu, cilepilibula ukuti Nshilefwaya—Nshilefwaya ukucicita. Kabilii Ninjishiba Ndefwa, Shikulu. Ningile ukusha cino calo, mu musango waku mibili. Ndefwaya uku Mukumanya. Ukuboko kwandi kulepilibula, cisendeni, Shikulu. Njisusheni no Mupashi. Mpeleni Icishibilo ca citemwiko Cenu kuli ine, u Mupashi wa Mushilo, uli nokunenga ukwikala umusuma, uwafuka, nengeni ukwikala u Mweo uwali muli Kristu; ukuti umutima wandi uli no kukaba pa mulandu wa bambi, ukuti Nshakatushefyen nakalya, akasuba no bushiku, mpaka Nkasende uuli onse uo Ningasenda. Nkaba nge nkcombe ku Jeriko; Ndi no kuya ku muntu onse uo Ningayako, no kumona nga kuti Nabasenda ukwisa pesamba lya cipangano ca Mulopa, pesamba lya Mulopa wa mwana wa Mpaanga, pakuti bengapokelela Icishibilo.

⁴⁵¹ Mwamona, u Mulopa ulasamba. u Mupashi e Cishibilo ukuti u Mulopa naubomfiwa. Mwamona? U Mupashi e Cishibilo ukutila u Mulopa naubomfiwa. Mpaka ilyo u Mulopa wabomfiwa, u—u Mupashi tekuti wise. Lelo ilyo u Mulopa wabomfiwa, lyena u Mupashi e Cishibilo, ukutuma kuli imwe, ukuti icicetekelo mu Mulopa nacipokelelwa, amalipilo yenu nayalipilwa. Amalipilo yenu nayalipilwa. Cena nacipwa. Umulandu naupwa. Muli bena Kristu. Muli abacetekela. Kristu ali muli imwe, kabi ni muli muli Kristu.

. . . antemenwe mukubalilapo
No kushita ipusukilo lyandi
Pa Kalbale.

⁴⁵² Ne mitima yesu iyakontamikwa nomba kuli Lesa; pastor wenu, Munyina Neville, na mashiwi yakwe ayakwisala kabi ni nefintu alasosa.

⁴⁵³ Ibukisheni ukulongana lelo ubushiku, ukulongana kwa kuposha. Mwise bwangu. Lekeni twise tutendeke pa sebeni, muleke mbe ku ntanshi pa sebeni-sate. Bushe ico cilifye bwino, Munyina Neville? [Munyina Neville atila, “Ico cisuma.”—Kale.]

Nomba twalaisakwata umulalilo, mwamona, mu bushiku. Mwise!

⁴⁵⁴ Muno cungulo, mwikalefye Nayeo. Mwileka iyi Mbila ukumusha. Ibukisheni, mwikaleka iyi Mbila ukumusha!

⁴⁵⁵ U Mulopa ukaba Icishibili ukuti u Mweo nabupelwa. Mwamona? “Kibili ilyo Nkamono Mulopa, Nkamucilila.” U Mupashi wa Mushilo Cishibili ukutila u Mulopa naubikwa ku mutima wenu, kibili Caba Cishibili ukutila u Mulopa naubomfiwa. Nga cakutila tacatala ukubomfiwa, lyena Icishibili tacakese. Muleumfwa? Soseni, “Ameni.” [Ulukuta lwatila, “Ameni.”—Kale.] U Mulopa ulingile ukubomfiwa, elyo kibili Icishibili cilesa. Caba Cishibili ukutila u Mulopa wakulubwila naubomfiwa kibili amalipilo yenu nayalipilwa. Lesa amupale. Munyina Neville.



ICISHIBILO BEM63-0901M
(Token)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, Lusuba Lunono 1, 1963, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org